

LIBELLI FAMOSI

QVO VIX POST HOMINVM MEMORIAM IMPVDENTIOR

& flagitiosior prodiit aduersus Illustris-
simum Cardinalem ROBERTVM BEL-
LARMINVM, castigatio.

Auctore

JACOBO GRETSERO, SOCIE-
TATIS IESV THEOLOGO.

ILLVSTRISSIMVS CARDINALIS
Bellarminus Calumniatoribus
suis:

*Induantur confusione & reuerentia; qui maligna lo-
quuntur super me, Psal. 34.*



Permissu Superiorum.

JNGOLSTADII,

Ex Typographico Ederiano, apud Elisabe-
tham Angermariam, Viduam.

M. DC. XV.

XIV OVO

АВУИМОН ТЭӨН

ДОТЯЖЕЛЕН МАЛОЮ НАМ

Full subscription only \$120

1967 - 1968

[Faint handwritten notes at the bottom of the page]

conflict.

ЗВОО ОДЗТЯР ОБООНЕ

00000000000000000000

SECRET

Index

• **Yield:** 100 g

1917-18

1. The first group of people who are interested in the study of the history of the United States are the people who are interested in the history of the United States.



2000.06.23

[illegible]

THE UNIVERSITY OF CHICAGO

...and ...

VX 2014

CANDIDO LECTORI
SALVTEM.

REm facilem aggredior,
amice Lector. Proban-
dum est non modo fal-
sum esse, sed & ab omni
verisimilitudine abhor-
rere, figmentum illud,
quod nuper de Illustrissimo, & in tota Ec-
clesia Dei decantatissimo Cardinali Bellar-
mino Anonymus calumniator sparfit,
nempe *Bellarminum diebus vitæ suæ mille
sexcentas & quadraginta duas mulieres co-
suprasse, earūq; plerasq; una cum filiis & fi-
liabus gladio, veneno, igne & aqua sustulisse;*
hoc, inquam, falsissimum & ab omni pro-
babilitatis specie remotissimum commen-
tum esse, demonstrandum est; quod nul-
lus laboris eget; adeo enim falsitas flagitio-
sissimi

2
 tissimi huius mendacij in propatulo est, vt
 quidquid pro ea patefacienda attulero, ob-
 scurius propemodum futurum sit, quàm
 ipsa falsitas, quæ primo statim aspectu in
 omnium eorum oculos, qui eos malitiosè
 non claudunt, incurrit.

Quocirca ne verbulum quidem archi-
 recto tam immanis probri reponere statue-
 ram: Nec consilium mutassem, nisi ijs, qui
 mihi iure suo imperare possunt, aliter vi-
 sum fuisset: propter illos, qui idolorum in-
 star, oculos habent, & non vident; & pro-
 pter alios, qui, instar Sauli cœlitus prostra-
 ti, apertis oculis nihil vident; vt taceam nō
 deesse, qui licet falsitatem perspicue intue-
 antur, eam tamen in animis hominum re-
 gnare malunt, quàm veritatem; & hoc o-
 dio Iesuitarum; quibus saluis se saluos fore
 diffidunt. In istorum igitur gratiam ali-
 quid respondendum fuit, tentandumque,
 num meliores oculos acquirere, & ad sani-
 orem mentem traduci possint.

Vetus & vulgare verbum est; *Calumni-*
are

are audacter; semper aliquid adhaeret: quod calumniator iste noster sibi religiosissime obseruandum proposuit; non enim audacter tantum, sed & audacissime calumnias texuit; cogitans, opinor, semper aliquos, praesertim ex imperita vulgi plebecula, repertum iri, in quorum praecordiis calumnia iacta infideat; & quamuis illi, quibus est cunctius iudicium, calumniosam imposturam animaduersi sint, his ipsis tamen non usq; adeo displicituram, quod Bellarminum & per Bellarmini latus, omnes Iesuitas petat, & quidem non sine grauissimis Inuectiuis, imò & cum classico atq; celcussimate, ut omnes, si non contis, hastis, gladiis, bombardis, certè stipitibus duris subdibusque praestis armati ad opprimendos Iesuitas quantocyus aduolitent.

Dicebat olim Seuerianus Gabalorum Episcopus orat. 2. in mundi creationem.
αὐτὸ τὸ ψεῦδος, ὅταν θέλῃ πεισθῆναι, ἢ μὴ πῆξῃ θεμελίον ἀληθείας, ἢ πισύεται. Mendacium, quando sibi conciliare vult fidem, nisi semper apparentis veritatis fundamentum iaciat, non cre-

ditur. Vtinam hoc perpetuum esset; In eam enim ætatem deuenimus, qua mendacio nec picto, nec tecto, nec vāfrè & vulpinè occultato; sed aperto, manifesto, ipsisque radijs solaribus exposito, à multis cupidè creditur, cuiusmodi est istud, ad cuius refutationē iam accingimur. Dico igitur comētū hoc: *Bellarminus M.DC.XLII. fœminas vitiauit, & tam liberos, quàm matres, magnam partem, gladio, veneno, igne & aqua peremit*; ab omni veritate & probabilitate alienissimum, nullam penitus fidem, sed communem omnium detestationem mereri; idq; sequentibus argumentis ostendo.



CAPVT

CAPVT. I.

Argumentum primum à Libello famoso.



Vtor libri famosi nō meretur fidem,
sed poenam, & iure quidem ciuili, ca-
pitalem; iurē Canonico excommuni-
cationem & flagellationem; sed archi-
cectus huius figmenti, est Auctor libri
famosi, vel, vt rectius loquar, famosissimi;

*L. si quis C.
De fam. li-
belli. vide
C. 5. Q. 1.*

si enim vnquam à condito mundo libellus famosus
prodiit, hic profecto ille est. Nō ergo meretur fidem,
sed poenam. Minor clara fiet ex duabus conditio-
nibus libelli famosi; quarum prima & potissima
est, vt alienam famam, bonamq; existimationem la-
ceret; hic, & nullus alius, huius libelli scopus est, nam
à primo apice vsq; ad vltimum immanissimè in Illu-
strissimi Bellarmini nomen, & sub hoc nomine &
schemate, in omnes Iesuitas grassatur: Altera condi-
tio est, vt careat nomine Auctoris, Editoris, Typo-
graphi, loci, (tamen si hæc conditio non est perpetua;
quia fieri potest, vt sit liber famosus, licet Auctor, Edi-
tor & Typographus sua & loci nomina profiteantur,
vt in Controuersia Cambilhonica cum Prædicanti-
bus Augustanis copiosius docui;) At in nostro pro-
posito nomina ista desunt. Nuspiam enim apparet
nomē Auctoris; nuspiam Editoris, si certè ab Aucto-
re sit diuersus.

Dices: apparet nomen Typographi, & vrbis;
nam in ipso vestibulo hæc leguntur. *Basilea apud Ludo-
uicum König Anno 1614.* At Typographus iste datis li-
teris

teris ad quandam magnæ dignitatis virum (de quibus literis infra) ait, sibi & Inclytæ Basileæ atrocissimam iniuriam ab isto Tenebrione fieri; se enim non *Typographum*, sed *Bibliopolam* agere; nec tam emota mente esse, vt huiusmodi infamatrices chartas suis sumptibus, suo cum dedecore & periculo in vulgus extrudendas curet.

Ecce tibi igitur aliud huius calumniatoris infandum crimen; quod est, alienis nominibus ad sua nefaria, & si legibus ageretur, extremo supplicio afficienda scelera abuti.

Post editionē, quæ Basileæ ex Ludouici Königs officina prodiiſſe fingebatur, mox prodit altera. (At vnde? coniecta quisquis es coniectior) vbi sub finem frontispicij leges: *Erstlich getruckt zu Basel durch Ludwig König. Primò excusūs* (libellus) *Basileæ per Ludouicum König.* Cæterum Ludouicus König palam affirmat, hoc impudentissimum mendacium esse, eumq; qui facinus istud patrare ausus fuit, nominat *ein Ehenschender vnd Ehrendieb / pradonem honoris & bonæ existimationis.* Sed quidquid sit de hoc; vnde tu venis, o mea altera editio? vnde prorepis, vel potius prorepſisti? ex qua spelunca? ex cuius Caciastro? *Non libenter prophetizo, sum infelix Propheta*, inquit Lutherus, in Latinis Colloquiis. Ego non libenter diuino, ne diuinatio cassa sit, sed tu o Volci, tu o Zæmannæ, vosq; gemini Heilbrunnæ, pro veteri nostra necessitudine, me instruite, & ex ignaro gnarum facite, vel potius ex suspicante, certum. *Vos meministis enim & meminisse potestis; ad nos vix tenuis fama perlabitur aura.* Non dico vos conditores vel disseminatores huius famosæ chartæ esse; absit à vobis crimen tam imma-

Tom. I. tit.
de principe.

immane; suspicor tamen plura vobis constare, quàm mihi, præsertim de iterata editione. hanc vestram notitiam, vt mecum cōmunicetis oro; memores illius; *scire tuum nihil est, nisi & hoc sciat alter.*

Verùm vt ad lineam reuertamur, nomē Typographi & loci adiectum, perinde se habet, ac si adiectum non esset, cum subsit fraus & dolus prout vidi-
mus; & vt omnis fraus abesset, an ideo libellus famosus non esset? Si prima editio candidè addidit nomē ciuitatis & Typographi, quod tamen secus est, cur secunda hunc candorem nō est imitata? cur non dixit; primò quidem *excusus* (libellus) *Basilee apud Ludovicum Kōnig*; nunc in gratiam lectoris recusatus, sed vbi? Succurre, quæso, Zeemanne, & vos duo Sidera Castor & Pollux, Heilbrunneri; & vacillanti memoriæ suggerite, cuius nam studio hæc altera editio procurata sit, & quidem longè venustius quàm prima; translata tam solutâ, quàm ligatâ contra Iesuitas Satyrâ in famosi libelli frontem: paginisq; in duas columnas factis, vt mendaciorum lectio oculis eò facilior & amabilior esset.

Quocunq; ergo sese isti vertant, prætextu Typographi & loci additi Relationem istam nunquam ex numero libellorū famosorum eximent; quia posterior editio nomina ista suppressit, prima expressit; sed fide sycophantica, ex qua totū hoc scriptū constat.

Obijciat ignotus Calumniator. Senon esse libri Auctorem, *sed versorem*; Initiò enim protestatur, se omnia, quæ in Gallico exēplari reppererit, fideliter in Germanicum sermonem transtulisse; nihil adiecisse, nihilq; detraxisse. At quo minus protestationi huic fidem habeam, facit inprimis mendacissimus bala-

chronis istius genius; qui enim talia & tam manifesta mendacia ex Gallica lingua in nostram vernaculam transferre audet, is & eudere audet; nec scio, quis sit scelerator, & supplicio dignior Auctor. an *Versor*. Quanquam Gallicum exemplar nunquam vidi, & nec vidi, nec audiui, qui viderit, tamen non ignoro à Gallicanis Sectariis nihil huius generis abluere, quibus Illustrissimus Bellarminus ob Controuersiarum Tomos, & alia doctissima opera æquè exosus est, ac Nouatoribus Luthericis & Calvinisquis Germanis. Fortè Tenebrio iste vtriusq; linguæ peritus prius Gallicè libellum famosum composuit, eundemque mox bona sua fide Germanicè reddidit; ut ita protestationi suæ occasionem inueniret, quod certè ab ingenio furiosioris alicuius Calvinistæ, qualis, exempli gratia, Goldastus, prorsus non abhorret.

Vtque se res habet, *Versor* sit iste, non Auctor libelli, nō ideo meliore loco erit, quàm ipse Auctor? An fidem merebitur, quan non meretur Auctor? An pœnas Auctori famosa charta decretas effugiet? Nil minus. Audi legem Imperatoriam: *Si quis famosum libellū, siue domi, siue in publico, vel quocunq; loco ignarus repererit, aut corrumpat prius, quàm alter inueniat, aut nulli confiteatur inuentum. Si verò non statim easdem chartulas vel corruerit, vel igne consumserit, sed vim earum manifestauerit, sciat se quasi Auctorem huiusmodi delicti capitali sententia subiugandum.* En quæ pœnæ maneat cum, qui libellum famosum reperit etiã ignarus, nec corrumpit; nec Vulcano absumendum tradit; sed vim, hoc est, sententiam eius propalat; nec quomodocunq; sed translatione ex lingua peregrina in patriam; adscita in subsidium operâ Typographicâ, cuius

L. Si quis.

C. de famosu
libellu.

sum libellū, siue domi, siue in publico, vel quocunq; loco ignarus repererit, aut corrumpat prius, quàm alter inueniat, aut nulli confiteatur inuentum. Si verò non statim easdem chartulas vel corruerit, vel igne consumserit, sed vim earum manifestauerit, sciat se quasi Auctorem huiusmodi delicti capitali sententia subiugandum. En quæ pœnæ maneat cum, qui libellum famosum reperit etiã ignarus, nec corrumpit; nec Vulcano absumendum tradit; sed vim, hoc est, sententiam eius propalat; nec quomodocunq; sed translatione ex lingua peregrina in patriam; adscita in subsidium operâ Typographicâ, cuius

eius industria vnus libellus famosus vno die ad duo vel tria millia multiplicari potest. Itaq; causæ nihil est, cur se Tenebrio noster à lege infamosi libelli conditores lata, prætextu translationis, eximere tentet: non exemptus esset, licet solummodo reperisset, reperi- q; sensum aliis vtcunq; indicasset. Quanto minus nunc excusari debet, cum omnes neruos suos eò intendit; vt post homines natos terribissimus libellus ad notitiam omnium eorum, qui Germanicam linguam norunt, perueniret? Est ergo, manetq; scriptū hoc, de quo agimus, libellus famosus; siue Gallum parentem habeat, siue Germanum, siue Germanus tantum sit ex Gallico Interpres, siue primus progenitor & faber. Quare nullam fidem meretur, sed legibus constitutam poenam.

CAPVT II.

*Altera probatio ex effrenatissima mentien-
di libidine, qua tenebricosus iste infama-
tor ardet.*

NIL fidei meretur ille, qui ipse sibi fidem detrahit: At calumniator iste cum suis M. DC. XLII. mulieribus ipse sibi fidem detrahit, nullam ergo fidem meretur. Probatur Minor; quia mentitur Cardinalem Bellarminum mortuum esse Anno Redemptoris M. DC. XII. Et tunc tam enormia flagitia & facinora Cardinalis huius in lucem emeruisse. At dicto anno Bellarminum mortuum esse, negat imprimis ipse Bellarminus, qui anno Dñi M. DC. XIV. Kalendis Decembris, cum hoc fabulamentum, vel

potius tentatum de honestamentū ad aures eius peruenisset, ita manu propria rescripsit ad *R. P. Ferdinandum Alberum*, Societatis *I. E. S. V.* Assistentem, hominem Germanum; *Ego per gratiam Dei non solum vivo, sed optime valeo, & prae manibus habeo opuscula, quae breui in lucem emittam.* die 1. Decembris M. DC. XIV. Si igitur Cardinalis Bellarminus vivebat Kalendis Decembribus Anno M. DC. XIV. imò, si, ut voueo & spero, vivit adhuc hoc ipso die, qui est XXV. Ianuarij, conversioni D. Pauli sacer, quomodo, ô mendacissime calumniator, mortuus est Anno M. DC. XIII?

Ne verò ullus ulli calumniae locus vel diuerticulum relinqueretur, curatum est, ut Romae publicum & authenticum instrumentum publici Notarij, & testium idoneorum auctoritate firmatum, conficeretur. Quo fine? Ut probaretur solem meridi lucere, & media nocte nobis non lucere: niuem esse albam, non nigram, aquam madefacere, ignem vrere, plumbum esse graue; plumam, leuem; hoc est, Cardinalem Bellarminum Anno Domini M. DC. XIII. non vita functum esse, sed toto Año M. DC. XIV. saluum & incolumem vixisse, id quod tota Roma nouit; quod tot peregrini Romam ex omnibus Christiani orbis partibus confluentes norunt, quibus inter cetera Romae visenda, Cardinalis Bellarminus est, ob nominis celebritatem & eruditionis magnitudinem, qua ubiq; fulget, & omnia doctorum pulpita replet.

Deus bone; quid tandem infronita mentiendi prurigo sibi non permittet? Quid tandem publica Notariorum fide non erit probandum? Credo aliquando exoriturum qui asserat, Tiberim nō per Romam, sed per Nolam vel Capuam, cursum tenere; neq;

neq; ad ostia Tiberina, sed Neapoli in mare exonerari; idq; à malè credulis creditum iri, nisi alicuius iurati Pontificij & Cæsarei Tabellionis testificatio obftet. Audite fabulatores; Illustrissimus Bellarmin⁹ toto anno M. DC. XIV. vixit, eaq; aliquoties ad me propria manu scripsit; Præsentem annum Domini M. DC. XV. feliciter auspicatus est; quem, vt ad Sectariorum ignominiam, ad Catholicæ autem Ecclesiæ honorem ac vtilitatem prosperè decurrat, Deum ex animo precamur. Qua igitur ratione mortuus est Anno M. DC. XIII? Et quidem tali morte, qualem nugacissimus iste figulus fingit? Quis vel modicè sobrius fidem iam habeat comméto de mille sexcentis quadraginta duabus mulieribus; trucidatisq; infantibus? Quod enim mendacium in chartas euomere horreat ille; quem non pudit palam mentiri, Bellarminum Anno M. DC. XIII. Laureti vitam finisse; qui tamen, tota Roma, imò tota Italia teste, toto Anno M. DC. XIV. incolumis vixit, & etiamnum viuut; vtinam diu; cui de nostris annis Deus annos augeat, vt induantur qui tanto viro detrahunt pudore, & operiantur, sicut diploide, confusione sua.

CAPVT III.

Tertia probatio, cur fabulator iste nullam fidem mereatur, sumpta ex mendaciis, qua ad palmarium mendacium adiecit.

Peristi impostor. Bellarminus viuut adhuc, & toto anno M. DC. XIV. vitā Romæ egit. Captus es; constrictus teneris; non patet euadendi locus, nisi dicere velis; mortuum fuisse, sed reuixisse, idq;

B 3 cum

cum in sepulchrum inferretur, ex attactu alterius cuiusdam corporis, eo modo, quo olim defunctus quidam vitæ restitutus est, cum Helisei ossa tetigisset; aut, si magis lubet, dicito, Christum cælo delapsum Bellarmino vitam reddidisse, ad eum planè modum, quo olim Lazaro; non sine acclamatione illa: *Bellarmino veni foras*; moxq; ligatum manus & pedes institis proditisse, & viuentiū cætui denuo sese admiscuisse. Vel dic, Bellarminum, vt olim Sosiam Plauti conductum fuisse; & Romæ quidem ad hunc vsq; diem vixisse & viuere; at verò Laureti mortuum esse.

Verum beneuolentia mea, qua tibi viam elabendi monstro, vti dedignaberis, sat scio. Mortuus igitur esto Bellarminus, Anno M. DC. XIII. nec reuixerit, qui toto anno M. DC. XIV. superstes fuit, cedo vbi nam terrarū mortuus est? *Laureti*, inquit impostor; quò peregrinationis & confessionis facienda gratia, mutato habitu, concesserat. Atqui Bellarminus propria sua manu Kalendis Decembribus hæc ipsa verba ad R. P. *Ferdinandum Alberum*, qui Romæ habitat, scripsit; *Non sum peregrinatus ad Virginem Lauretanam ab annis amplius triginta*. Bellarmin⁹ viuens videt⁹; Año M. DC. XIV. testatur, à triginta & amplius annis Lauretanam peregrinationem se non suscepisse, at calumniator ait, Bellarminum Anno M. DC. XIII. Laureti, quò peregrinationem instituerit, vita functum esse. Vtri credemus? Num Bellarmino adhuc viuenti; an Sycophantæ calumnianti? Cum ergo Bellarminus adhuc superfit; nec Laureti ex viuis excesserit, ruant oportet, omnia illa mendacia, quæ attexuntur; vt quod tribus horis, brachiis in speciem Crucis expansis coram Deipara imagine preces fuderit; quò sceleribus suis veniam impetraret; at imaginem auersa facie, dorsum obuertisse; eaq;
de

de caussa mirifice territum Bellarminum, in letalem morbum incidisse; & Leonis instar desperabundum ruguisse; quin & prædixisse, se tartareo hirco ad inferos anectum iri, ut illic inter Papas, Episcopos, Monachos, Moniales & Sacerdotes Principatū teneat. tandemq. cum abnegatione Dei & Christi, in amentia spiritum exhalasse. Quæ omnia nihil aliud sunt, quam pura puta mendacia; indigna, quæ pluribus refellantur, & redarguantur, quia satis superque à vita Bellarmini, qua adhuc fruitor, refelluntur & redarguuntur.

Audi Tenebrio: Bellarmin⁹ toto año M.DC.XIV. vixit; & vivit adhuc hoc iā inchoato Año M.DC.XV. Quomodo ergo tua subsistunt mendacia? Vivit Bellarminus. Evanescent igitur tuæ plusquā Diabolicæ pseudologiæ & loedorix. Vivit Bellarminus. Abdere igitur, ô effrons conviciator, in tenebras; & si tibi nullæ tenebræ huius mundi satis sunt densæ; abi cum tuis mendaciis in tenebras exteriores; ut fleas & dentibus strideas; quem certè tormentorum locum non effugies, nisi in hac vita grandissimam culpam, quam scriptione & sparsione huius libelli famosi cōtraxisti, lacrymis expies ac eluas. Vivat Bellarminus; idque Hæreticus videat & irascatur, dentibus suis fremat & tabescat. Vivat Bellarminus. Avertanturq. retrorsum & erubescant, qui Bellarmino volunt mala, nec vulgaria mala, sed stygia; qui profligatissimè mentiuntur, Bellarminum post mortem suam clara die conspici in sublimibus aëris oris, semisflammante & alato inuictum equo: quem in vsum Bellerophon proculdubio suū Pegasum Romam misit, credidissimè esse Bucephalū Alexandri, nisi alatum audirem; alis enim Bucephalus caruit; quas equo suo calumniator cautè adiecit; quomodo enim volaret, nisi alatus esset?

Bel-

Bellarminus viuit adhuc. Quid calumniaris? Desine, oro, sed non obsequeris; Eo enim ore, quo coepisti, mendacia spuerere pergis. *Bellarminum suo in Palatio ciulantem & ululantem audiri; Pontifici in Palatio Castri S. Angeli & in Ponte Tiberino inde sinenter infestissimū esse; multos spectro tam terrifico ita terreferi, ut e vestigio & in vestigio exanimetur; nec mirum: nouum enim Salmonca vident, qui flammam Iouis & sonitus imitatur Olympi, qui nimbos & non imitabile fulmen are & cornipedum equorum cursu simulat: & iam nunc statuit Pontifex Sedem & Curiam suam Auenionem in Gallias transferre; ut saltem vel noctu partem aliquā quietis capere queat. An non vidisti mulos varia supellectile onustos, iam in Gallias tendere, velut futura migrationis Pontificiæ prænuncios? Vanissime criminator. Bellarminus viuit adhuc. Audin? Hanc cantilenam tuis auribus ingerere non desistam, quamdiu à calumniis non desistes. Quàm verò peritè dicit; Pontificem à Bellarmino infestari in suo Palatio *Castri S. Angeli*, quasi palatium Pontificis in Vaticano, & *Castrum S. Angeli*, seu Moles Adriani, sint vnum & idem; Et quasi Pontifex in *Castro S. Angeli* habitet.*

Verumenimvero Bellarminus in Palatio suo & Pontificis, & in Ponte Tiberino tam horrificè tumultuans, & in aëre, ipso meridiano sole lucente, terribili specie obequitans, propemodū me ducit ad figmētī huius cubilia. Lutheranus enim quispiam (ita dico, nam Catholicum non fuisse omnes circumstantiæ, ne dicam, syllabæ clamant) Anno Dñi M. D. XLV. in gratiam Lutheri Italicam Epistolam finxit, sub titulo & nomine Legati Gallicani ad summum Pontificem; qua Epistola narratur, *quo sine Lutherus vitam*
conclu-

concluserit; & quomodo cadauere in sepulchrum illato hor-
 rificus mox fragor & tumultus insonuerit, quasi totus Orcus in
 seipsum arma vertisset. eodem tumultu sequente itidem no-
 tate, durante; & omnibus ingentem terrorem iniicientem,
 Quocirca incolas VVitebergenses compulso fuisse tumultum
 referare; quo factò, nec de corpore Lutheri, nec de vestibus
 quidquam apparuisse; sed intolerabilem fætorem ex busto
 spirasse; qui multos in grauem agrimoniam coniecerit,
 Hæc & his similia Lutheranus ille figulus in gratiam
 Lutheri, qui hoc figmento adeo non est offensus*,
 vt illud etiam laudi ac gloriæ sibi duxerit, ac subie-
 cta quoq; glossulâ exornarit; in qua, præter cetera:
 Sonst thut mirs sanfft auff der rechten Knieschei-
 ben/ vnnnd an der linken Fersen/ daß mir der Teufe-
 sel vnd seine Schupen/ Bapst vnd Bapisten so hertz-
 lich seind sind. Et ne forsitan plasma hoc, temporis pro-
 gressione, interiret, in octauum Tomum Ihenesem
 maturo consilio etiam cum Italico textu, illatum est;
 Talia comminisci Lutheranis primis, sui Lutheri ho-
 nestandi & magnificandi causa, perquam familiare
 erat: quasi toti mundo nihil aliud negotij fuisset,
 quàm vt de Luthero cogitaret. Hinc etiam toties i-
 pse Lutherus, & alij, vt Lutheri gloriam amplificaret,
 commenti sunt subornatos esse à Papistis *ficarios* &
venenarios, qui Lutherum aut sica aut veneno tolle-
 rent; & modò ex Polonia veniunt nescio qui Iudæi,
 modò ex Hungaria nescio qui mercatores, & alij ali-
 unde; vt videre est in Latinis Epistolis Lutheri. Quæ
 omnia nihil aliud erant, quàm Lutheri & Luthera-
 norum technæ, fraudesq; vulpine ad Lutheri comen-
 dationem ac laudem cõpositæ, quasi tanto Heroe su-
 perstite, Catholici de reb⁹ suis desperaret; ac proinde
 eius interficiendi gratia nihil intentatû relinqueret.

C

Redeo

Redeo in viam. Ex hoc Lutherano plasmate videtur plastes noster ideam sui concinnandi petiisse; nisi quod non honestando, sed dehonestando Bellarmino, totum figmentum aptauit. Hinc illa tot viciatarum mulierum cohors, totq; infantium caedes ex deliracriminatoris huius phantasia exsculptæ. Quæ omnia merito ridet Illustrissim⁹ Bellarminus & dignitate & eruditione sublimior, quàm vt ab huiusmodi pestilentium linguarum spiculis feriri possit, nec ignorat, hæc ab Hæresi vindictæ causâ fingi & spargi; quia enim per Tomos Cōtrouersiarum luculentissimam plagam accepit, ideo furit ac perfurit: Et quia tot iam Lutheranos & Calvinianos Logodulos ac *Verbicines* Tomis illis refutandis frustra insudasse, imò & impalluisse ac immortuos esse vidit, nouâ refellendi rationem Hæresis inuit, adficta videlicet calumnia, qua atrocior vix vnquâ exstitit; sperans vel hoc modo solidissima illa & prorsus adamantina Catholica fidei firmamenta ruitura, si Auctor perpetua ignominie macula aspergeretur. Sed spe sua falsa est; nam illi ipsi Cōtrouersiarum Tomi, & alia doctissima eiusdem Illustrissimi Scriptoris opera euidenter, vt infra probabo, extremam vanitatem huius famosi libelli redarguunt; neq; enim fieri potuit, vt talis bestia, qualis in hoc commento depingitur, opera omni eruditione & pietate abundantissima conscriberetur, si enim Spiritus sapientie non intrat in maleuolam animam, quanto minus intrare censendus est in eam, quæ flagitiis plusquam Sardanapalicis, & facinoribus plusquam Scythicis & Canibalicis obstricta in profundo omnis improbitatis cæno volutatur.

CAPVT

Maledicum hunc Tenebrionem non mereri fidem ostenditur quarto ex aliis eiusdem dilucidis mendaciis cum insigni inscitia & impietate coniunctis.

A T iure quis scire audeat unde huic calumniatori constet, Bellarminum ea scelera perpetrasse; quorum arcessitur. Huius desiderio expedit ipsemet criminator satisfacere: Bellarminum enim *hac omnia sigillatim coniecisse in libellum seu schedulam, confessionis faciendæ gratia Laureti.* Cæterum Bellarminus manu sua, & voce sonora ait; à triginta & amplius annis se Lauretum non esse peregrinatum; se Laureti non esse mortuum; sed saluum ac incolumem, viuentem cum viuentibus Romæ degere. *Denique non descripsi unquam,* inquit Illustrissim^{us} Bellarminus, *nec scribi feci peccata mea in libello:* Hæc enim sunt ipsissima Bellarmini verba; quæ primo die Decemb. Anno MDCXIV. ad R. P. Ferdinandum Alberum, inter cætera, scripsit, postquam immanis hæc fabula & calumnia ad aures illius, prædicti Patris indicio, venit.

Sed unde hæc schedula tam ferax scelerum Impostori nostro? *Ioannes de Montgado Bellarmini Secretarius publicauit; qui Romæ capitali supplicio affectus est, nomine quidem quasi Apostolicas Bullas falsasset; re ipsa verò, quod schedulam illā Bellarminianæ confessionis euulgasset. Mendacium hoc refellit, nobis viui; calumniatori autem defuncti Bellarmini chirographum, quod est istud. Non habui Secretarium nomine Ioannem Montgado. Nec vltus meus Secretarius fuit unquam extremo supplicio affectus.*

Vnde

Vnde ergo Calumniatori iste Ioannes de Montgado? An cupis scire vnde? Paucis dicam: Vnde & reliqua vanissima, & impudentissima commenta hausit, nempe à Diabolo, omnis mendacij & calumnia architecto. At, cedo, figule, vbi edidit Montgodus iste hanc Schedulam, seu, vt tu vocas, *libellum*? Num Romæ? Quis Romæ vidit? Qua lingua? Num Italica? Quis in tota Italia moratur, qui affirmare possit, se hanc schedulam hac lingua conscriptam legisse? Vnde ergo tibi hæc schedula, fundus & fundamentum libelli tui famosi? Inde nimirum accepisti, vnde cætera, nimirum à cacodæmone, qui vt mendaciloquentiæ suæ commemorabile ad omnem posteritatem specimen ederet, os tuum, manum tuam, calamum, papyrum, & atramentum tuum, tanquam electum organum elegit; cuius interuentu vsus in Bellarminum quidquid virulentissimo pectore conceperat, eumouit.

Mirum dictu, schedulam hanc publicatam fuisse; nec tamen ab villo visam, nisi ab hoc Tenebrione; de quo si interrogas, quis sit; Respondebitur, *Nescio*. Si interroget iterum, cuius nominis, dignitatis, conditionis. Respondebitur, *Nescio*. Si tamen interrogas, cuius coloris, albi an atri? Respondebitur, atri, imò aterrimo, qualis est Plutoniæ sedis, ex qua totus hic calumniarum cento ad luminis oras submissus est.

Verum vnde stramentitio Montgado, hæc chartula? Audi coelum, tellus, pontus & aer. Audi quid quid aures audiendi habet. Non satis est Calumniatori huic Bellarminum contumeliis afficere, & opprobriis incessere; etiam Confessarium, quem fingitur Bellarminus adisse, *vecordem ac impium* facit. Principio mentitur, Bellarminum Schedulam, in qua scelerata illa exarata erant, tradidisse Confessario perlegendam.

dum. Vbi nefarius agyrtæ vel nesciit vel dissimulauit; hunc ordinarium morem Catholicis esse, vt licet quis peccata sua scripto comprehendat, ipse tamen pœnitens, pprio ore ea enunciet, & confessorio patefaciat; quamdiu loquendi facultate præditus est; & contrarium extra casum necessitatis facere, ius fasq; nō esse, nec cōfidentes nec Confessarios later.

Sed ecce Bellarminus Cōfessorio schedulā suam perlegendam tradidit; ipse interim, vultu in terram defixo, adstitit, expectans ex Confessarij Cortina oraculum. Quid verò ille? Vbi chartulam percurrit, *hat er sich verkreuzigt vnd versegnet. Obsupuit, steterunt q; coma, gelidus q; cucurrit, ossa per imā tremor.* Et addidit; (Audiuit epim iste Calumniator, post Sedem Cōfessarij latitans) suo iudicio, huiusmodi hominem indignum esse, quem terra sustineat, se talia peccata remittere non posse, siue Diabolus ea remittat, siue mater eius. Se sibi persuadere, ne Deo quidem in cœlis tam atrocitā flagitia & facinora condonandi facultatem suppetere. Vbi iste representat nobis Confessarium, non modo ineptum, inhumanum, & cyclopicum, sed & planè impium. Ineptū quidem, qui ignorauerit, quod à magno Nauarro in Manuali cap. 10. num. 6. his verbis traditum est. Cum aliquod peccatum grane à Confiteute audierit, nulla signa admirationis, abominatiois aut pauoris ostendat, veluti spuen-do, vel se cruce signando, vel seipsum commouendo, quin potius ac si nihil audiret, vsq; ad finem confessionis dissimulet, & tunc cum iam volet pœnitentiam imponere, peccatorum grauitatem ac deformitatem exponat. At non ita, vt ab omni humanitate alienus Cyclops fiat, qualem iste in suum theatrum inducit; sed vt imitetur exemplum Samaritani illius, qui in vulnera sauciati vinum & oleum

leum infudit; vinum ut inorificaret; oleum, ut leniret. Imitetur exemplum pastoris errabundam contessimam ouem propriis humeris ad caulas reportantis, & patris illius, qui in filij sui prodigi ad meliorem mentem redeuntis oscula summa cum voluptate & letitia ruit.

Impium verò eundem confessorium imò & Hæreticum nobis exhibet, dum mōticū eum affirmasse, non modò nullum hominem, sed ne Deum quidem hæc tam enormia piacula remittere posse. Itane verò, ô Calumniator? An existimas, si vnus homo patrasset vel patraret omnia scelera, quæ à primo mortaliū ortu vsq; ad hodiernū diem patrata sunt, Deum fore tam imbecillum, vè de iis seriam pœnitentiam agentī, gratiam suam & beneuolentiam restituere nequireret? Absit, absit à piorum cordibus tam impia cogitatio. Nec vlla est peccatorum vel qualitas vel quantitas, cui relaxandæ non sit in Ecclesia potestas.

Abi proinde, quo dignus es eum ineptissimis & absurdissimis tuis pseudologiis & lœdoriis. Voluntas mentiendi tibi utiq; non defuit; defuit ars; non tantū in eo, quod primarium est; vt Bellarminum Laureti obiisse Anno M.DC.XXI. sed & in iis, quæ secundaria sunt; cuiusmodi ista de confessione & Cōfessario; nam qui vel pauxillulam sacræ confessionis & Admistrorum eius noticiam habet, scit longè aliter eum pœnitentibus agi, quàm iste referat. Qui eum omni & vsu & sensu confessionis destituatur, mēdacia fundit non aliquid ingenij redolentia; sed prorsus incondita & absona, instar agrestis cuiusdam Corydonis aut Menalcæ; quale est etiam istud: *Confessarium tandem schedulam lectam abiēcisse & abiisse, Bellarmino in summa animi*


animi anxietate relicto. Vt verum esset, confessarium charcolam peccatorum enarratricem legisse, nunquã tamen lectam abiēcisset; sed ei, à quo acceperisset, reddidisset, prout huius Sacramenti sanctitas & religio exposcit, quæ tanta est, ut ipsa etiam charta, in qua peccata consignatur, si minus sub sigillum Confessionis certè sub naturale decretum cadat, licet alicubi fortuito reperiat, & quæcumq; crimina complectatur, ea nullam infamiam pariunt, nec magistratui viam ad supplicium sumendum aperiunt; si non alia ratione, quam ex tali schedula cognita fuerint. Quapropter quamvis tota fictio ista non esset fictio, sed ipsamet veritas, imò ipsa veritatis medulla, nihil tamen aliud inde colligerem, quam calumniatorem istum & omnes eius in hoc famoso libello divulgando adiutores, immani crimine teneri, qui rem secretam, & ex iure naturali, diuino & humano non reuelandã, nefariè reuelauerint, nec Bellarmino vllum præiudicium apud sincerè Catholicos inde creari posse.

Sed absit, ut isthæc vero consonent. Totus iste famosus libellus vnum quoddam perpetuo tenore continuatum mendacium est. Nec refuto, quasi vllum verissimilitudinis colorem habeat; sed ut demòstrem, quàm sit iste inficetus, insecutus & indolatus mendaciorum fabricandorum artifex, qui proculdubio vidit, eum Confessarius chartam illam abiiceret. Vidit etiam, accurrentem fictitium illum Montgadum, suumq; & in huius impostoris vsum schedulam humo leuantem, non contradicente Bellarmino. ô affanias, ô gerras.

Deinde, dic, oro, cum mala fors Bellarminum ad tam rigidum, imò iniquum confessarium detulisset;

an

an æquiorẽ quærere non poterat? An vnus tantum
 Confessarius Laureti? Et cū ibi Iesuitæ Confessario-
 rum munere fungantur, quorum multi præculdubio
 Bellarminū Romæ sapius viderant; qui fieri potuit,
 ut à nullo agnosceretur? An non modò habitum, sed
 & staturam, faciem & pronunciationem mutauerat?
 Quĩ factum, quod post comẽtitiam quoq; mortem
 Laureti obitam nemo inquisiuit, quis tandem iste,
 peregrinus tam horribili necẽ extinctus, esset? Quĩ
 factum, quod Romæ nemo mortaliũ de Bellarmino
 Anno M. DC. XIII. vita functo quidquam sciuit, vel
 audiuit? Facilis tamẽ est ad hoc responsio; quia Bel-
 larminus non tantum toto Anno M. DC. XIII. sed &
 sequenti Anno M. DC. XIV. integro vixit; Annumq;
 M. DC. XV. viuens ingressus est. Quid vis amplius
 Calumniator? *Exsurgat Deus, & dissipentur inimici eius,
 & fugiant, qui oderunt eum à facie eius.* Bellarminus vi-
 uit adhuc. Audis criminator? Corruit ergo quidquid
 de schedula confessionis, de ipso Confessario; de Bel-
 larmini ad Confessarium accessu, de Montgado, deq;
 desperabundo exitu vel potius exitio commentus es.
 Corruit & illud de mulieribus immane mendacium,
 cuius causa reliqua omnia à mulieroso aliquo quinti
 Euangelij Theraponte conficta sunt. Viuat Illustri-
 simus Bellarminus, & calumniatores *sicut deficit su-
 mus, deficiant; sicut fluit cera à facie ignis, sic percant
 peccatores & mendaciloqui impostores,
 à facie Dei & veritatis.*



CAPVT

CAPVT V.

*Refellitur famosus iste libellus argumentis
ab ipsa Illustrissimi Bellarmini persona
sumptis.*

A It Calumniator. Bellarminum in pompa & fastu
gessisse se instar Principum, in cibo & potu instar Epi-
scoporum; in castitate & vita Sodomaeorum. Cæterū
hanc criminationem refellit tota Roma, in cuius lu-
ce ac conspectu degit; quæ quotide coram intuetur,
quàm Bellarminus etiam in hoc dignitatis fastigio om-
nem superfluum cultum refugiat, & quantum fieri
potest, omnia ad religiosam mediocritatem redigat;
familiamq; ita instituat & moderetur, vt potius reli-
giosa & Cœnobitica, quàm Cardinalitia appareat.

Sybariticum in esculentis & poculentis luxum
refutat vel ipsa summa ætas, ad quam Bellarminus
peruenit; ad quam crapula vel nullos, vel rarissimos
& rarissimè pertingere sinit; cum plerisq; , etiam an-
te omnem canitiem, gulam elidat. Neo Roma, nec
societas nostra nescit, quantus frugalitatis & parsi-
monia amator sit fueritq; semper Bellarminus; vt &
pudicitia ac castimonia; qua laude Illustrissimus Bel-
larminus ex iuente æuo floruit. Memini quosdam,
qui adhuc iuuenem Louanij concionantem in tem-
plo, & docentem in schola audierant, non aliter de
Bellarmino sermones instituere solitos, quàm de illo,
cuius ex vultu, vniuersisq; actionibus virginalis vere-
cundia & decor eluceret. neq; vllus vel Romæ vel a-
libi existit, qui Bellarmino hanc laudem ademptum
iret, tantum abest, vt quis flagitiis Venereis, aliisq; in-

D

fandis

scandis eriminibus eum colluctare tentarit, donec ex Auerno turpissimus iste Criminator emissus est, lodoriarum integris plaustris onustus: quæ tamen, ut vidimus & videbimus nihil pōderis habere possunt, nisi fortè apud illos, qui iam ceruicem suam inflexibiliter à veritate auerterunt, & ad fabulas conuerterūt.

Sulp. Dial.
1. Rectissimè ad Bellarminum trāstulero elogium, quod Postumianus apud Sulpicium tribuit S. Hieronymo. *Vir præter fidei meritum, dotemq; virtutum, non solum Latinis atq; Græcis, sed Hebrais etiam ita literis institutus est, ut se illi in omni scientia nemo audeat cōparare, &c. cui iugis aduersus malos pugna, perpetuumq; certamen. Conciuit odia perditorum; oderunt eum hæretici, quia eos impugnare non desinit. Oderunt, non Clerici, ut S. Hieronymum, sed Pseudocatholici, quia vitam eorum insectatur & crimina. Sed planè eum omnes boni admirantur, & diligunt. Nam qui eum hæreticum esse arbitrantur (& talem, qualem famosus libellus efformat) insaniunt. Verè dixerim, Catholica hominis scientia, sana doctrina est. Totus semper in lectione, totus in libris est; non die, nō nocte requiescit; aut legit aliquid semper aut scribit. Hoc encomium in Illustrissimū Bellarminum examussim conuenire, testantur apertè opera eius, summæ & omnigenæ eruditionis Latinæ, Græcæ, Hebraicæ; sacrae, profanae; Ecclesiasticæ, Theologicæ, & Scholasticæ theologicæ plenissima, quæ sine assiduissima veterū monumentorum lectione, & continua meditatione, mentisq; liquida quadam serenitate & puritate tam non potuerunt concipi, componi, & in lucem nasci; quàm non potest animus porcinus sese supra se & supra volutabrum suum attollere.*

Nam quod nuper Grammatista Casaubonus in-
 infice-

infectis suis *exercitationibus* contra celeberrimū Cardinalem Baronium, Bellarmino laudem Græcæ literaturæ detrahere conatur, id fortè ideo fecit, quia Bellarminus Græcas literas nō didicit, Geneva, Prælis Typographicis Henrici Stephani assidens, & strenui correctoris more, menda operarum emendans; & tandem præmij ac salarij loco filiam connubio stabili iungendam reportans.

Vt cunq; sit, Illustrissimus Bellarminus à prima pueritia hoc Apostoli mandatum Timotheo editum, sibi quàm diligentissimè observandum duxit, prout omnibus, qui Bellarminum norunt, notissimum est. *Te ipsum castum custodi, exemplum esto fidelium in verbo, in conversatione, in charitate, in fide, in castitate. Attende lectioni, exhortationi, doctrina, &c. Hac meditare, in his esto, ut profectus tuus manifestus sit omnibus. Attende tibi & doctrina; hoc enim faciens & te ipsum saluum facies, & eos, qui te audiunt. Præstitisti hæc omnia & quotidie adhuc præstas; & utinam diu adhuc superstes, eadem præstes, o celeberrime, integerrime, & eruditissime Cardinalis. Neq; vnquam vel latum vnguem à simili præcepto quod Apostolus discipulo suo Tito dedit, tibi discedendum existimasti. Quod nam illud? In omnibus te ipsum præbe exemplum honorum operum; in doctrina, in integritate, in gravitate: Verbum sanum, irreprehensibile; ut is, qui ex aduerso est vereatur, nihil habens malum dicere de nobis; merito scilicet ac verè; nam quo minus, quis etiã innocentissimus, maledicorū iaculis immeritò ac iniuste appetatur, id in nullius manu est; nec ipse Apostolus, totius sanctitatis & perfectionis lucidissimum speculū, linguas maledicas & infamatrices euitare potuit, ut ipse sapius suis in Epistolis*

1. Tim. 5.
16. cap. 4.

Tit. 2.

nos docet. Tota igitur Bellarmini vita ab incunabulis
vsque ad hanc deuexam ætatem impudenti huic cal-
umniatori impurissimum os oppilat; cunctasq; cri-
minationes, ceu sol nebulam, dissipat. Viuit adhuc
Bellarminus. Deus plures annos vitæ eius adiciat.
Audis Calumniator quid optem? Si hæc vora auribus
tuis aspera accidunt; obde pessulum, & in æterum oc-
clude.

CAPVT VI.

*Refellitur libellus famosus ex ipsa immensi-
tate & immanitate criminum, qua illu-
strissimo Bellarmino affingit.*

EA adeo sunt enormia, & supra omnem veri co-
lorem, vt si ab aliquo Suetonio, Lampridio,
Vulcatio, Herodiano prodita essent de Nerone,
Caligula, Heliogabalo vix crederemus. Et fermè mihi
persuadeo Tenebrionem istum non seriò isthæc fla-
gitia de Bellarmino disseminasse; sed tantummodo
periculum facere voluisse, num quis tam fatuus, & ab
omniratione desertus futurus esset, qui assensum præ-
beret. Fortè reperit, qui crederent, sed ex stupidio-
ribus; quiq; Bellarminum nec de nomine norunt,
neq; etiam accusationis granditatem ponderant, sed
omnia, prout legunt, arripiunt, absq; vlla accuratiore
dissensione, num res ita sit; Certè Medicus Amber-
gensis Caluiniicola, qui ante aliquot annos contra Bel-
larminum sub nomine *Joannæ Angeli Politiani* libros
de Eucharistia euulgauit, hoc famoso huic libro testi-
monium candidè perhibuit in literis ad amicū quen-
dam

dam datis, cuius verba ex ipso autographo hic tibi represento.

Fürs ander / wegen zugeschickter Landelugen wider Bellarminum / (dann also haltens billich alle Verständige / für die es komen wirdt / vnd komen ist / in massen niemandt verständig bey vns anders hält / in Betrachtung / das fast greifflich / das es ein vngeschickter Zelot sine scientia zusammen geraspelt hat) seynd anjergo keine Exemplaria zu Amberg. Nach 3. oder 4. Tag / solle er haben zum wenigsten 6. Exemplaria / vnd hab ich demselben nicht Was zugeben / ob er dieselb suis hominibus communiciern soll. Wir selbstn glaubens nicht / sonder haltens für ein grobschändlich Gedicht / beuorab weil Bellarminus (vnser wissens / als die auch anff solche hohe Leut acht habē) noch im Leben. Das aber ist zuerbarmen / daß man solche sachen zu trucken gestattet: vnd weiß ichs gewiß / daß / als obs zu Basel getruckt wäre / ein lauter Gedicht sey. Amberg den 22. Nouemb. Anno 1614.

Est ergo iudicio istius Angeli Politiani commentum hoc I. *Manifestum orbique patens mendacium.* II. *Ita meritis habitum iri ab omnibus intelligentibus, in quorum manus peruenturum sit.* III. *Nec alio loco haberi ab illis, in quorum cognitionem iam peruenieris: apud suos certe neminem prudentium aliter iudicare.* IV. *Liquere, & quasi manu palpari posse, figmentum hoc ab inepto Zelota, sine ulla scientia, consarcinatum esse.* V. *Se & suos nullam fidem adhibere, sed pro turpissimo commenso reputare, praesertim cum Bellarminus adhuc viuat.* VI. *Dolendam esse, quod talia excudendi facultas concedatur.* VII. *Sibi certo constare, commentitium esse, quod Basileae excusum fingitur.* Optime, mi Angele Politiane. Gratias agimus, & habebim⁹ quoque,

que, cum dabitur occasio, pro candore & sinceritate: Et Basileæ famosum hunc libellum non esse editum, nullius alterius testimonio firmabo, quam ipsius Ludouici Königs cuius typis publicatus fingitur: Nam Ludouicus iste grauissimam sibi iniuriam ab isto interrogatam conqueritur his verbis, quæ verbatim desumpta sunt ex Epistola eiusdem Ludouici, quam dedit ad quendam magnæ dignitatis virum. Mit grosser verwunderung hab ich diß eingeschlossen famos Libell abgelesen / auff welches ein Ehrvergeßner Mann vnd Ehrendieb meinen Namen getruckt / vnd nit allein meine Ehren / sonder auch ein löbliche Statt Basel ganz ärgerlich vnd vnuerantwortlich höchlich mißgebraucht. Halte auch den Truckter vnd Authorn für einen solchen als obnermeldt / so solch hoch verbottlich famos Libell hat außgehn vnd trucken lassen / biß ich ihue / als ich verhoffe / einmahl erkündigen könne: darauff ich dann allen fleiß anwenden / vnd kein Vnkosten sparen will / biß ich disen Ehrlosen Mann vnd Ehrendieb erfahren mag. Wil auch hiemit den Herrn zum höchsten gebetten haben / mich nit allein bey den Herrn Jesuitern / sonder bey meniglichen diser schändlichen Auflag (deren ich mich diser / oder vil weniger anderer famos schriften zutrukken habe gelustet lassen) zuentschuldigen. Es darff auch der Ehrnuergeßnen Truckter darauff setzen / Erstlich getruckt zu Basel / durch Ludwig König / da doch meniglichen bekandt / daß ich kein Truckerey / sonder was ich bißhero hab trucken lassen / verlegt habe in andern Truckereyen.

Quæ ad verbum latinè vertam, vt & ij, qui Germanicam linguam non intelligunt, intelligant, quid Ludou-

Ludouicus König de hac re sentiat. Magna admiratione legi libellum famosum, cui quidam honoris & existimationis sua prodigus, & aliena fama violentius prado nomen meum apposuit; nefarie & inexcusabiliter non solum meo, sed & in chytâ Basileâ nomine abusus est. Eoq; loco quo dixi, duco & Typographum & Auctorem, qui talem famosum libellum, tot legibus prohibitum euulgandum, typisq; edendum curauit, donec tandem, ut spero, quis nam ille sit, indagando comperero. Quâ in re nec studio, nec impensis parcam, donec nebulonem istum, & honoris furem ex latebris in lucem extraxero. Quapropter summo opere Dominum rogatum volo, ut me non solum apud Iesuitas, sed & apud alios ab hac calumnia excuset; nunquam enim similitum cartharum euulgandarum animus aut cupido fuit. Non veretur insuper propudiosus Typographus frontispicio adiciere: Primò per Ludouicum König excusum, cum omnes norint mihi Typographiâ non esse, sed ea, quæ meis sumptibus hætenus prodierunt; in alienis Typographiis impressa esse, &c. Basileâ 15. Nouembrii, stylo antiquo 1614.

Videmus ergo ne ipsis quidem aduersæ partis hominibus, quibus mens est sanior, hoc monstrum probari. Et fungus sit, cui probetur. Quis enim credat Bellarminum, qui potissimam vitæ partem Romæ consumpsit, in tam aurita, oculata, & ut Tertulliani verbo utar, *linguata* ciuitate cum tanto illo mulierum exercitu; cum tot homicidiis, cum magicis illis artibus ac præstigiis latere potuisse, ita ut ne minutissimū quidem indicium emanaret? Quomodo tot Comitissis, tot Baronissis, tot nobilissimo stemmate cretis fœminis partim violētia partim contumelia inferri potuit, nemine prorsus id aduertente, in Theatro orbis Romæ; in illa vrbiū vrbe, ad quam tot vnde-
quaq;

qua; in dies singulos confluunt, quibus nihil aliud negotij, quàm dicere, audire, & inuestigare aliquid noui. Ne Heliogabalus quidem aut Nero mille sexcentas quadraginta duas mulieres abscondere potuissent, licet ad id omnem suam industriam cōtulissent.

Quāquam Impostor in titulo famosa chartæ numerum prædictum exprimit. At in ipso contextu quatuor alias supernumerarias, & eximias adiecit. Sed ipse etiam ineptiam, & ineptiæ nō iniuria arguar, si diutius in refutatione tam scelerati & ab insulssimo *Zelota*, vt Politianus nominat, conficti mendacij immorer: quia totum nititur schedula Confessionis à Montgardo sparsa. Sed & schedula & Montgardus combustus, fabula est. Faceffe igitur hinc mortaliū dedecus, & si quando Diabolus ad mendacia diffeminanda te iterum emittere volet, roga illum, vt in arte mentiendi te melius instruat; iam enim omnium ludibrio expositus es, etiam ipsorum Prædicatorum; qui licet inscitissima tua fabulamenta, quo possunt studio propagent, ac diffundant, id tamen non faciunt; quasi te peritum fingendi artificem existiment, sed quia illis volupe est Iesuitas traduci ac lacerari; aptè an ineptè; probabiliter an improbabiler, quis in hoste requirat? Interim Bellarminus, cum B. Dauide, cuius Psalmos accuratissimo commentario illustrauit, palam cantabit: *Confundantur & deficiant detrahentes anima mea: operiantur confusione & pudore, qui quarunt mala mihi. Ego autem semper sperabo, & adiciam super omnem laudem tuam.*

Psalm. 70.



CAPVT

CAPVT VII.

Scopus huius flagitiosi & famosi libelli.

SCopus vnicus est iste; vt cuncti armis sumptis, in Iesuitas insurgant, eosq; exterminent ac trucidēt. Si enim Bellarminus omnium nominatissimus & clarissimus, talis est, quid de cæteris sentiendum? Hoc consilium suum non tacitè insinuauit, sed disertis verbis explicauit Auctor in Frontispicio & in calce libelli famosi, vbi ferale cornu publicè inflat, tympana tenta pulsar, & ex sublimi calumniæ turri, belli signum edit. Hinc intonat *Gottsverràther / Keldied / Seelwürder / Murer / Ehbrecher / Sodomiten / vnd bekandeliche Landsverràther / Erzsfeind / Erzschäldt*, monet q; vt omnes omni mora posita tandem ad horū internecionem aduolitent; neq; diutius cunctentur, ne Deus cūctatione offensus Germaniā granib⁹ calamitatib⁹ inuoluat: satius superq; cessatum; iam tandē manum operi accingendam & efficaciter ad mouendā; & vt hoc certius persuadeat, addit Germanicos Rhythmos: *Erzschelnē / Nordstifter / loß Leut / Seynd Jesuiter in der häut / ec.* Vaticinatur, se Iesuitarū exitio superstitem fore; vt alia furiatq; mētis excremēta præteream. Nescio, quis malus genius, vel quæ Tisiphone Prædicantes iam ab aliquo tempore agitet: Toti insaniunt; & quasi lemures stygiasq; laruas perpetuò oculis obuersantes intuerētur clamant, exclamant, eiulant, ululant, vociferantur, opem & quidem celerrimam, flagitant. Ferte citi ferrum, date tela, scandite muros. Hostis habet muros. Quæ Alecto Gorgoneis infecta venenis vos perterrefacit? Quæ Megara caruleis vnum de crinibus anguem in sinum atq; intima præcordia vestra coniecit, vt

E

haud

haud paulo leuius bacchemini, quàm Virgiliana illa Amara? An fortè, vt illam Hymenæus filix in furorem rapiebat; ita & vos in furorem agunt quadam nuptiæ, & arma Calvinismo alicubi obiecta, ne quantum volebat, posset? An ideo sine more lymphati furitis? *Ceu quondam torto volitans sub verbere turbo, Quem pueri magno in gyro vacua atria circum intenti ludo exercēt.*

Talis Bacchans est etiam Ioannes Eucharius, verbi Calviniani apud Schaff husianos buccinator, qui in quadam sua *Scartecka* (aptius nomen non inuenio) contra Iesuitas arma amens fremit, arma toro tectisque requirit, & ad Bellum sacrum in Iesuitas, nominatim, ingenti vociferatione aduocat Regem Angliæ, Regem Daniæ, Electorem Saxonie, Electorem Brandenburgicum, Ducem Wirtebergicum, Ducem Brunswicensem & Luneburgensem; Landgrauium Hassiæ, Ducem Megapolitanum, Ducem Pomeraniæ. Miror Batavorum oblitum esse; quos sine dubio clausula generali includit, cum omnes, cuiuscunque status & conditionis ad hanc tam magnificam expeditionem exciuit. Præstolare duntaxat patienter, mi Logodule, iam omnes à te inuocati in procinctu sunt. Paulò post cantare debebis cùm Marone: *Pandite nunc Heliconæ Deæ, cantusq; mouete. Qui bello exciri Reges, quemq; secuta complerint campos acies.* Sed malè à te factum, quod non definiuisti locum, in quo tantis copiis conueniendum erit? Si Vbiq; ista esses, suspicarer velle te, vt vbiq; congregarentur. Sed quia Calvinicola es non dubito, te certum locum designasse, si minus in charta; certè in priuatis ad singulos litteris: Quis verò hic alius locus quàm tua Schaphhusia? Inde postea copias in varias regiones diuides, & alias hac,
alias

alias illac pugnatum & prædatum ire iubebis, tu velut alter *Monetarius* seu *Münzerus* aderis, & ære viros ciebis, Martemq; grandisono cantu accendes.

O mei Prædicantes, seu Lutherana, seu Calviniana Logodulia additi, vestra sanguinaria classica & celestinata, vestra mille modis exaggerata conuicia, susq; deq; habemus; quia iam ab antecessoribus vestris similia sapissimè audiuius; eaq; tandem vt ex fumo orta, sic in fumum abiisse vidimus. Societas nostra arbitrat, & quidem non sine certa experientia, pertinere etiam ad se illud promissum Dei. *Ne timeas quia ego tecum sum. Ne declines, quia ego Deus tuus. Confortauite, & auxiliatus sum tibi; & suscepit te dextera iusti mei. Ecce confundentur & erubescunt omnes, qui pugnant aduersum te; erunt, quasi non sint; & peribunt viri, qui contradicunt tibi. Quæres eos, & non inuenies, viros rebelles tuos, erunt quasi non sint, & velut consumptio hominis bellantis aduersum te; quia ego Dominus Deus tuus apprehendens manum tuam, dicensq;: Ne timeas, ego adiungi te.* Hac Dei promissione suffulti, maledicta, imprecationes & cōminationes vestras spernimus. *Si consistant aduersum me castra, non timebit cor meum,* aiebat B. David. Et causam addit; *quia Dominus protector vitæ meæ est.* Cur nos trepidaremus à vipereis Prædicantium linguis, quarum sonus mox euanesceat in auras? & vt terrificus inexpertis videatur, experti tamen, ceu fulgur ex viro rident.

O mei Præcones, quàm nullo labore conuicia & rhythmi vestri ad vos remitti possent. Vnico vocabulo mutato, res confecta erit. Audite ergo præconia vestra reuocata quasi ex fuga, & ad vos, veros Dominos ac possessores, retracta.

Ergschelmen/ Nordstifter/ loß Leut/
 Seynd d Predicanten in der Hent.
 Ich erleb ihren vndergang so wahr
 Als zu Franckfurt der Juden schar.
 Auch muß sich schämen jeder man
 Der sich solch loser Leut nimbt an.
 Vnd kan vor Gott auch nicht bestahn
 Obs gleich den Teuffel im Herzen han.

Si quis ex Societate nostra tale quid contra Prædican-
 tium furias spargeret; bone Deus qui clamores non
 tollerentur, & quidem vsq; ad sidera; imò & supra si-
 dera?

Habuit Lutherus paulò ante suum exitium Anno
 M. D. XLVI. in Conuersione D. Pauli, concionem
 ad Halenses in Saxonia; quæ exstat Tomo octauo Ie-
 nensi Germanico, vbi seditio sissimus Gracchus, stu-
 dium pacis, & quietis quo tenebatur his verbis expo-
 suit. Mich wundert auch vber die massen sehr/wie
 ihr Herrn zu Hall/die Buben/die schäbige/ laufige
 Mönch bey euch noch leyden kôndt/dieweil ihr wiß-
 set/dasß sie solches angericht haben/vnnd noch dise
 Stundt nicht auffhören zu schänden vnd zu lästern
 Gott/vnd sein heiliges Wort/die mutwillige/nissige
 Bößwicht/rc. ihr Herren solt einmal ein mutß fassen/
 vnd die nârrische/schäbichte Mönch zur Statt auß-
 jagen/rc. Affen vnd Narren sind es / in alle weg zu-
 fliehen/vnd zu meyden/ als die Gottschänder vnnd
 Seelmörder/rc. Darumb so laßt euch gesagt seyn/
 feger die Hesen/Grundsuppen vnd den Saarteig der
 Mönch auß / thut sie hinweg / verbietet ihnen das
 lästern / es ist lang gnug gewesen. Hæc pacificus Lu-
 therus.

Acci-

Accipiat Catholicus quispiam hæc ipsa Lutheri verba, substituto duntaxat Prædicantium nomine in locum *Monachorum*, iisdemq; cohortetur Catholicū aliquem Principem aut Magistratum, in cuius ditione Prædicantes commorantur, vt tandem Logodulos istos facessere iubeat; & vltra Caucasum quintum Euangelium illic prædicaturos ablegat; quæ confestim non nascentur querimoniam? Qui ploratus & eiulatus non existent? Quæ implorationes ad superiores & inferos contra tam sanguinarium consultorem emissæ nõ exaudientur? Quibus insectationibus non lacerabitur, quisquis hoc consilium dederit, tanquam publicæ pacis perturbator? Nunc quando Lutherus & Prædicantes aduersus Monachos, & Iesuitas, & vt paucis dicam, cōtra vniuersos Catholicos, *arma, arma fremunt*, & magnis vocibus omnes ad internecionem exposcunt, linguis animisq; fauendum est; & nè verbulo quidem contrā mutiendum; cumq; impudentissimè mentiuntur & calumniantur, cuius impudentiæ lucidissimum speculum est famosus iste libellus, & præterea palam omnes cohortantur, vt Iesuitas trucident, non sæuitiam, sed clementiam admirari & *Missiones* istos ac *Clementes*, velut nimium mites ac clementes adorare iubemur, si non flexis genibus, saltem apertis capitibus*. Malè profectò, o Logoduli Euangelio vestro consulitis. Quis, cui cor vel paululum sapiat, lecta hac aduersus Illustrissimum Bellarminum calumnia, non excretur vestrū Euangelion, ex quo non nisi mendacia & calumniæ prodierunt; & quidem fili tam crassi; vt ipsos Euangelij huius sectatores pudeat?

Interim non obstantibus his criminationibus*,

quantumuis horribilibus, societas nostra in Germania crescit ac dilatatur quàm hominum, quàm domiciliorum numero. Et quò magis isti contrà tonant, eò magis ad nos complectēdos, fouendos & tuendos, Principum virorum animi excitantur. Quæ à quadraginta annis non sunt disseminata de Iesuitis in Germania? Vbi nunc sunt illa commenta? Dormiunt in puluere & situ, & in obliuionem venerunt, vt vix nisi apud pauculos calumniatorum libellorum scrutatores memoria remaneat. Idem eueniet sædissimo & flagitiosissimo huic aduersus Bellarminum libello; quia impudentia eius tanta est, vt terras diu perambulare minimè queat, reuocandus quamprimum ad tenebricosum Tartarum, ad prima scilicet ortus sui incunabula. *Nolite timere opprobrium hominum, moneo Deus per Isaiam, & blasphemias eorum ne metuat: Sicut enim vestimentum, sic comedet eos vermis; & sicut lanam, sic deuorabis eos tinea. Ecce Dominus Deus auxiliator meus, quis est, qui contemnet me? Ecce omnes (criminales) quasi vestimentum conterentur, tinea comedet eos.*

Cap. XI. &
10.

CAPVT VIII.

De fabula Molsheimensi.

NE fabula de Bellarmino sola in vulgus exiret, adiunxit fabulator aliam Molsheimi ex Alsatia petitam de Luthero. Quæ nam illa? Iesuitæ Molsheimenses, superiore anno M. DC. XIV. in Iulio, (quingagesimo quarto eiusdem mensis die) Comœdiam in theatrum miserunt, in qua duodecim Diabolos, quasi totidem Apostolos, introduxere, duodecima sessione & statione Luthero tanquàm Iudæ-

Isariothæ Vicario & succidaneo assignata; quem Diabolus ille, qui vndecimum tenens locum Luthero à latere hærebat, in mille frustra discerpere debebat.

Sed en, ô omnibus antea cæcis sæculis inauditum, miraculum, dum Dæmon iste vndecimus nimis in officio suo cunctabundus est; horrifico sonitu aduoluit tertiusdecimus, isq; non comicus & fictus, sed Tartareus Diabolus; & non Lutherum, Iudæ Vicarium, sed vndecimum illum Diabolum, qui Luthero exitium machinabatur, in plures partes, quàm olim Mænades Penthea, dilaceravit, tota cauea inspestante, & præ timore, obrigescente; quilibet enim capiti suo metuebat, ne fortè Alastor ille vno actore non contentus, aliquem etiam exspectatoribus inuaderet, tanquam immanis culpæ reum, qui oculos & aures suas tam profanæ Comœdiæ commodare voluerit.

Hanc verò fabulam non esse fabulam, sed veram historiam probat inde fabulator, quia à variis ad varios perscripta est. Et si autem mihi hoc commentum refellere propositum non erat; quia Molsheimenses nostri sine dubio id facient, quia tamen cum fabula de Bellarmino iungitur, cuius fabulæ refutationem ego professus sum, non potui committere, quo minus hoc etiam plasma obiter perstringerem, & scriptiioni primariæ hanc appendiculam attexerem. Et ô miseros Iesuitas, qui tot cladibus edocti nõ sapiunt; nec à Comœdiis, præsertim Luthero ignominiosis; abstinent: iam enim olim Monachij, Boiorum Metropoli, dum Lutheri papyraceum simulacrum, librosq; Lutheranos & Calvinianos in scena exurunt; arcem

arcem Principis incenderunt. Quis huius rei testis? Auctor Apiarij (der Bimmentorb) Hasenmüller, Leyserus & alij eiusdem prædicamenti tribules vel potius tribuli. Quod miror ab isto Mythologo omis-
sum. De quo vanidico commento egi in Refutatione Historiæ Iesuiticæ. Illic Lector rei gestæ veritatem inueniet.

Lugduni in Galliis dum Anno M. DC. VII. in Augusto nouissimum Iudicium in orchestra repræ-
sentant, formidabilia conitrua & fulgura exstiterunt; fulmine in quendam Turrim collegio vicinam de-
lapso. quo inopinato portento multi ex Spectatori-
bus & actoribus ita territi sunt, vt partim in grauissi-
mos morbos inciderint, partim animas quoq; exha-
larint. Quis rei huius testis? Quidam Geneuensis,
qui Geneuæ ex specula quadam ad Rhodanum om-
nia propriis oculis vidit & audiuit, & propriis auribus
hausit, & conitruorum fragore Geneuam vsq; delato,
penè exanimatus in Rhodanum decidit, & nisi nare
didicisset, perisset. Quæ ipse Gallico quodam scripto,
non absimili huic, de quo disceptamus, bona, hoc est,
Caluiniana fide testata reliquit. Sed cum Lugdunen-
ses veritatem in eius charta desiderarent, & quidem
iure optimo, repertus est, qui hoc suum desiderium
publicè explicaret, & quot mendacia quamq; im-
mania Caluinista Anonymus effudisset, sigillatim an-
numeraret, & propemodum in statera appenderet.
Vehementer miror fabulæ Molshemianæ fabro igno-
rum fuisse hunc Geneuensem Gallicè scriptum libel-
lum; quia præse fert, quasi Gallicam linguam calleat;
& calumniatoribus peregrinarum linguarum gnaris
hæc vel inprimis cura esse solet, vt non tantum ver-
naculas

naçulas, sed & exodicas criminationes conuehant ac conuerant.

Hæc calumnia magis ad rhombum calumniatorium fecisset, quia, ut fama ferebat, inter Comicos Diabolos, stygius quoq; vetus ille veterator, adfuit; & cum ludentibus in theatro lusit; neminem tamen abduxit, quia multò humanior erat, quàm ille Mollheimensis. Octodecim quoq; Iesuitæ, & in his ipse Prouincialis, Rector, & Rhetor comœdiæ Auctor & choragus fulmine horribiliter in conspectu omnium prostrati sunt, qui & in vestigio expirarunt. Quis vidit? Lugdunenses, qui aderant, hoc non viderunt, sed alius de grege Caluini; qui tum vel Genæ somniabat, vel Lugduni erat; sed nō in theatro, vel si in theatro, oculos & aures domi reliquerat. Et tamen Iesuitæ necdum resipiscunt; sed comœdiis theatra quotannis & sæpius complent.

Exemplum non ita verus est in Constantiensibus, qui ante aliquot annos, Hufsum in proscenio combusserunt; Ex qua combustione quid natum? Incendium ingens. ô nugacissime bipedum! Hufsum exurere, Constantiensibus nostris nunquam in mentem venit. Et qui venisset? Quid opus comburere illum, quem & temporales flammæ olim in cineres verterrunt; & nunc sempiternæ illæ apud inferos sine consumptione perpetim comburunt; & in æternum combusturæ sunt? Existit quidem Constantiæ incendiū Anno M.DC.XIV. nocte ea, quæ S. Marci festum antecedit. Sed hoc incendium existisse ex incendio Hufsi, tam verum est, quàm verum est Genueam aliquando arsisse ex incendio Seruerti, nec Constantiensis nostri eo tempore plus cogitabant de Hufso in scenâ

F

combu-

comburendo, quàm de ignoto & anonymo isto calumniatore in fauillas redigendo, & exstat iam typis descriptũ diploma amplissimi Senatus Constantiensis, quo mendacium hoc de Hussò exusto, ædiumq; conflagratione inde nata grauissimè redarguitur. Num ideo erubescit hæreticus? Quomodo frons triplici are rigens erubesceret? Quare præteristi Achatem Hussi Hieronymum Pragensẽ? Cur nõ & hunc Vulcano absumendum obiecerunt? Fortè Hieronymum istum seruasti, vt alià vice per eius viuocomburium tragœdiam igneam excites.

Etsi autem hoc totum nihil aliud est, quàm inanissimum mendacium, vt omnes Constantienses norunt; mirari tamen haud iniuria posses, quomodo semper ex incendiis Comicis & ludicris, quæ Iesuitæ instituisse finguntur, sequantur incendia, iudicio istorum, vera, & vt sic loquar *realia*, lugubria & multis damnoſa: Ex incendiis verò, quæ sectarij excitant, nulla etiam exilis casula conflagret. Geneuenses, combusserunt Seruicum, non comicè, sed perquam seriò. Nihil damni illatum est vrbi, & ne minimũ quidem tuguriolum flamma vorax afflauit. Stutgardiani Philippum Melanchthonem & Caluinum in Comico Theatro ipsis Hilaribus seu Bacchanalibus, luculento rogo exusserunt, teste Marco Beumlero, Sacramentario Tigurino, in Apologia contra Smidelinum. Quæ pyra neminem læsit, nec vel capillum adussit. Si Iesuitæ hoc fecissent, iam media Stutgardia, si non tota, in cineres tenuesq; auras abiisset. Si Iesuitæ in Geneuensi vrbe Collegium haberent, & fortuitum aliquod incendium oriretur; in Iesuitas culpa deriuaretur, qui Seruicum iam olim cinerem factum, rursus

in cine-

in cinerem redigere voluissent, missa in Theatrum,
Comœdia vel Tragœdia Seruatica.

Incendium Collegij Viennensis vnde natum est
Anno M. DC. VII? Ex-Comœdia, quia Iesuitæ Lu-
therum comburere volebant, sed Lutherus haud se-
gnis, anteuerit, & Collegium incendit, si Æsopus
noster vera nobis denarrat. Verum aut iste menti-
tur, aut alij, aut, quod verum est, omnes; qui causam
huius conflagrationis longè aliam reddiderunt, nem-
pe representationem disputationis Gretseri cū Hun-
nio, quem deuictum missilibus ignitis appetiuerint,
ex quibus vnum nescio quò delatum Collegium ac-
cenderit. Quæ fabula longè lateq; diffusa, &, vt fieri
solet, secundis auribus passim accepta, magnū plau-
sum tulit, vt dixi in Commentario de calumnia,
& calumniatoribus super Satyræ Misenicæ. Nunc
prodit iste, & fabulâ aliter exasciatâ, ab Hunnio &
Gretsero omnia transfert ad Lutherum. Sed quàm
verum primum tam verum & alterum. Istis sufficit
mentiri. Quàm probabiliter & constanter, (si qua
constantia in mendacio esse potest) sibi non valde la-
borandum esse existimant. De quo plura non addo.
Vide prædictum Commentarium meum; & tam ex
illo, quàm ex iam disputatis iudica, quàm sit istorum
frons effrons, & mens amens; quos Iesuitarum Co-
mœdiæ vrunt; quia ipsi paria facere nequeunt. Sciunt,
qui aliquando Comœdias à Lutheranis & Calvinia-
nis Ludimoderatoribus datas spectarunt. Sciunt in-
quam, quàm omnia frigeant; quàm omnia sint ex-
sanguia, exsucca, & exossa, vt spectatoribus dormire
magis, quàm spectare libeat; nisi si quando repræ-
sentione

sentatione Monachi vel Monialis, scurrarum in morem, theatrum nonnihil calefaciunt.

CAPVT IX.

*Stultitia fabulatoris commissæ in enarranda
Molsheimensi fabula.*

PRima eaq; maxima est, quod credidit sibi quidquam humani vel diuini creditum iri, postquã audacissimè mentitus fuerat, Bellarminum Laureti horrida morte vitam finisse, Año M.DC. XIII. qui toto anno M.DC. XIV. tota Roma teste, vixit, & etiam hoc anno M.DC. XV. feliciter viuit. In tali mendacio tam aperto & dilucido, si quis aliquem deprehendat, ut iste certè deprehensus est, eiq; postmodum narranti res peregrinas, & quasi alibi factas, fidem habeat, is non iniuria leuis, parumq; circumspectus reputari potest.

Secunda stultitia est; quia vndecimum illum auctorem sub schemate Diaboli, ait Iesuitam fuisse. *non mi.* Irane Iesuitæ personas in Comœdiis agunt? Nunquam visum, nunquam auditum. Nunquam videbitur, nunquam audietur, nisi ex mentientis ore. Adolescentulorum, quos Iesuitæ instruunt, tota hæc exercitatio est, coniuncta cum nonnulla spectatorum voluptate, imò & utilitate. Rarò enim à nostris Dramatis, ita omnis spectator abscedit, ut in nullius animo aculeus vel scrupulus relinquatur; *non mi.*

Tertia stulticia est; cum fingit, ea in comœdia duodecimum Diabolum, hoc est, Lutherum discerpi debuisse ab vndecimo Diabolo. Ineptus es Poëta, qui

qui talia fingis, ineptior cū in publicum Germanici orbis theatrum introducis. Lupus lupum non deuorat, canis caninam non comest. Quomodo Diabolus Diabolum discerperet? Scis, quid calumniantib⁹ Pharisaïs responderit Christus, Dæmonem à Dæmone non expelli, alioqui ob dissidia regnum eius stare non posse. Cum ergo Poëta in suis fictionibus Comiciis & Tragicis debeat esse imitator veri, quomodo hoc suo officio functus fuisset; si Diabolum, Collegam suum, discerpiturum introduxisset? Et cur huic soli hoc officium commissum? Num deni alij assessores Diaboli spectatores tantummodo trucidationis & euiscerationis futuri erant?

Quarta, eaq; immensa & nulli terminis circumscripta stultitia; fingere, aliquid publicè in conspectu totius populi gestum esse, de quo tamen nemo mortalium ante hunc famosum libellum, quidquam inaudierit? Quomodo fieri potuit, vt res tam noua, tamque tragica non emanaret, saltem ad vicinæ Argentinæ, tantæ ciuitatis, aures, & inde vltcrius, torrentis instar? Scilicet omnes hunc nugiuendum expectare debebant, donec tam prodigiosum euentum mundo patefaceret. An omnes spectatores cæci erant, qui quid in Theatro contigerit, non viderint? An surdi, vt eiulatus miseri illius Diaboli vndecimum locum tenentis, dum membratim discerperetur, non perceperint? An muti & elingues, vt quæ viderant & audierant, eloqui non potuerint? An arte scribendi, manibusq; caruere, vt nec scribendo quidem tantum portentum ad aliorum notitiam transmittere valuerint?

Senatus Molsheimensis, inquit Impostor, edito statim cauit, ne quis hac de re mutiret. Quomodo possibile est, ut tantæ multitudinis quæ incolarum, quæ aduenarum ora vnico Senatus interdicto frænarentur & in perpetuum clauderentur, cum ea sit multorum indoles, ut quo vehementius aliquid vetatur, eò ad id reuelandum & propalandum fauces magis pruriant. Stultissimus es, si seriò cogitasti, te hanc tuam stultitiam circumspeditionibus persuadere posse? Iam tibi missionem do; quisquis es ô Tenebrio. Utinam, quàm tibi do, tu dares mendaciis, calumniis, criminationibus, sycophantiis, impudentiæ & infrunitori ac calamo; & dabis, si saluus esse velis: nam nisi pœnitentia hunc famosum libellum eluas; ad cœlum nunquam, ad Orcum autem quocunq; momento admitteris.

F I N I S



6
VINDICIÆ BELLAR-
MINIANÆ ET MVRICVM
PRÆDICANTICORVM

✓
CRIMINATIONIBVS
ET INSCITIA LVTHERANI CVIVSDAM
MAGISTELLI ZEPHYRII, VNA
cum Lutherana fidei Specillo.

✓
AUCTORE
IACOBO GRETSERO, SOCIE-
TATIS IESV THEOLOGO.

✓
REVERENDVM ADMODVM IN CHRI-
STO PATREM AC DOMINVM, D. STEPHA-
num, Monasterij Schirensis, Ordinis S. Be-
nedicti Abbatem dignissimum.

✓
ANNO



M. DC. XI.

Cum gratia & privilegio Cesarea Maiest.

INGOLSTADII,

Ex Typographæo ADAMI SARTORII.

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY



ADMODVM REVE-
RENDO IN CHRISTO PATRI AC
DOMINÒ, DN. STEPHANO, CELEBRIS

MONASTERII SCHIRENSIS EX OR.

dine S. Benedicti, Abbati di-
gnissimo.

DIVINO quodam consilio acci-
disse arbitror, *admodum Reue-
rende Præsul*, vt hoc Opusculum
iam pridem à me conscriptum,
prius in Typographica Officina locum non
reperiret, quam annus hic Millesimus sex-
centessimus decimus ad exitum tenderet; &
alteri iam appetenti de statione sua cedere
properaret. Qua mōra duo cōsecutus sum;
alterum, vt strena suppeteret, quam *R. P. T.*
recepto more offerrem; alterum; vti eidem
R. P. T. partam nuper dignitatem, & re-
ligiosam Præfecturam opportunè gratu-
larer.

)(2

Et

Et quod ad strenam atinet, fateor, eam parem esse meis opibus & copiis, non tuis & totius Venerādi *Schirensis Conuentus* meritis cum communiter in homines de Societate nostra, tum priuatim in me: nihil enim aliud cōtinet hæc strenna, quā rudem quendam & ineptum de grege Lutheri *Magistellum*; quem tamen laui, lautumq; compsi & pexui, prout potui, ne planè hirsutus & hispidus *Schiram* in conspectum *R.P.T.* veniret. Est, cū non tantum formosa & concinna, sed & informia ac inconcinna, & ipsa itidem seu naturæ seu artis monstra æquè, vel plus etiam oblectant, quā quæ omnib⁹ numeris absoluta ac perfecta sunt. Eodem priuilegio spero hunc meum Polyphemi Lutherici pullum fruiturum, atque adeò ipso suo rure & inficetia plus quā Cyclopica gratum acceptumque fore.

De insula *R.P.T.* capiti nuper imposita, & pastoralis pedo commisso, cū nuncium accepissem, dixi aliquid simile eius, quod olim Hiram Rex Tyri dixit, cum audisset Salomo-


Iomnem in Sedem Dauidis, parentis sui, subiectum; *Benedictus Dominus Deus hodie, qui dedit David filium sapientissimum super populum hunc plurimum.* Gratias egi Deo, quod post nuperum excessum optimi Patris & Abbatis *BENEDICTI*, cuius memoria Schirensibus nunquam excider; certè, ob tam præclaram & diuturnam rerum administrationem, nunquam excidere debet; te successorem dederit, te, inquam, qui ceu annis, sic & religione, ingenij dotibus ac literis flores, vt quantum ad occasum de uexa ætas; & exiguus pietatis ac eruditionis gustus rebus benè gerendis impedimenti adferunt; tantum sibi hisce opposita, quæ in te clucent, adiumenti allatura sint. Quocirca iterum Academia Ingolstadiensis, ex cuius disciplina prodisti, (quemadmodum alij nō pauci Boiorum *PRAELATI*; quorum nonnulli iam *placida compositi pace quiescunt*; alij adhuc ad religiosæ Reipublicæ clauum sedent;) ob hunc alumnū sibi gratulari potest ac debet, nō sine appreciatione, vt, quod

EPIST. DEDICAT.

Deus feliciter cœpit, id felicius perficiat; & tandem felicissima coronide coronet: quod & ego voueo, & cum hoc voto desino. Ingolstadij, Kalendis Ianuariis. Anno Redemptoris M. DC. XI.

Admodum R. P. T. seruus in Christo,

IACOBVS GRETSERVS.



APPROBATIO R. P. PROVINCIALIS.

Vt hæc Illustrissimi Cardinalis BELLARMINI ab indoctis Lutherani cuiusdam Magistrelli calumniis vindicatio, scripta à P. Iacobo Gretsero, & à Theologis ad id deputatis lecta & probata, in lucem edatur, facultatem concedo. Ingolstadij 12. Iulij, 1610.

*THEODORVS BVSÆVS, Societatis IESV,
per Germaniam superiorem Provincialis.*

APPROBATIO FACULTATIS
THEOLOGICÆ IN ACADEMIA
INGOLSTADIENSI.

Vindicias istas, Lutheranz ignorantiz clarissima indicia, vtiliter in lucem exituras arbitror.

PETRVS STEPARTIVS Leodius, SS. Theologia Doctor, Professor, Academiæ Ingolstadiensis Procancellarius, & Parochus Mauricius, &c.

LVTHE.



LVTHERVS DE ZEPHYRIO MAGISTELLO SVO, IN DEFENS. VER-

BORVM COENÆ TOM. VII.


Lat. Witcb.

Væ nostris Doctoribus & Scriptoribus (& in his tibi Scriptorcule Magistelle) qui adeo secure agunt, & omnia, quæ modò in buccam veniunt, euomunt, & non prius decies cogitata animo voluunt atque reuoluunt, ponderantes, nunquid cum verbo Dei congruant, & vera sint. Sed somniant Diabolum procul hinc usque in Babylonia res suas agere, aut, ut maxime propè sit, tamen, ut canem, in culcitra, secure & molliter dormire; nec semel in eas descendunt cogitationes, quod circum circa teneat loca omnia suis venenatis & ignitis telis, hoc est, cogitationibus pulchris auctoritate Scripturæ fucatis, &c. Sed quid ago? Nihil admonitionibus, nihil cohortationibus, nihil denique comminationibus promouemus; nam Diabolus mille artifex est; & tales Magistelluli auribus carent; vel si aures habent, nihil tamen audiunt.

Luthe-

Lutherus ibid. *Nos Germani* (Luthera-
ni) *tales homines sumus, & qua noua sunt af-*
fectamus, & auidè arripimus, & insani mor-
dicus retinemus, & quò quis nos uehementius
reprimat, eò furiosiores reddit, etc. *Hæc res Dia-*
bolo magnam affert occasionem, ut nullum a-
deo monstrosum somnium aut commetum pos-
sit proferre, cuius non inueniat assertores, &
hos quidem eò citius, quò id quod affert, est ab-
surdus & ineptius. Huius dicti veritatem si
nullus alius ex Nouatorum cœtu planam
testatamque faceret, ille tamen ipse, ex cu-
ius labiis processit, & Magistellus Zephy-
rius abundè eam comprobaret, ut le-
ctor ex lectione huius opus-
culi clarè intel-

liget.



AD



AD LECTOREM.

NUNDINIS autumnalibus An-
ni M.D.C.IX. prodiit antea sæpe
in Francofortensibus Catalogis
promissus liber hoc titulo. Specu-
lum Iesuiticum, hoc est, Demonstratio Esa-
uiticæ profanitatis, Pelagianæ leuitatis,
blasphemæ impietatis Bellarminianæ &
Gretserianæ asserentis:

I. Ethnicos fuisse naturaliter Chri-
stianos.

II. Fundum articulorum fidei esse ra-
tionis non renatæ notiones.

III. Causam reprobationis impiorum
esse solam Dei voluntatem, Deum esse *μὴ
καὶ ὁρῶντων*, peccati Autorem. Elaborata &
honorarij loco Suitis transmissa, à M. Er-
nesto Zephyrii Kireberge.

*Etsi autem hac aetate vanissimorum es-
t*

A menda-

mendacissimorum libellorum, nec modus, nec finis est; non iniuriâ tamen ambigere cœpi, num ullus alius huic Speculo palmam vanitatis praeipiat: est enim non modo calumniis, criminationibus, mendaciis, imposturis & sy-cophantiis, sed inscitia quoque imò & a-mentia plusquam maniacâ longè refertissimum; nil nisi furias & furores ubique spirans, ita ut perquam arduum sit, oculos in aliquam pagellam coniecere, & simul teterrima ac probrosissima conuicia, mendacia, & ruditatem plusquam belluinam non videre. Nihil mentis, nihil frontis, & ne vestigium quidem ullius erudita cogitationis in toto libro inest. Omnia olent animum furore, cereuissia, & temeto sepultum: quibus, absit, ut refutationis gratia, aliquid reponam. Sponte sua in nebulas abeunt; nec me tangunt, aut feriunt: multò minus Illustrissimum Cardinalem Bellarminum, excelsiore loco positum, quàm ut spicula horum tenebrionum eò pertingere valeant.

*Omissis igitur Nouatoris huius atrocissimis ledoriis & pseudologis, rem ipsam breuiter examinabimus, & num ullam iustam tan-
toperè*

to perè furendi & criminandi caussam habuerit, disquiremus. Illud non improbo, quòd sua vefania speculum in gratiam Polycarpi Leiseri elaboravit, ut Honorario à me ad Polycarpum transmissò, saltem aliquid rependeretur: nam Pradicanti, mendaciis & calumniis assuetissimo, certius operam suam probare non potuit, quàm insigniter mentiendo, & criminationes cateruatim quasi ex plastro in Iesuitas eiaculando. Hac enim expedita ratio est, qua famelici Magistelli Lutherani apud potentiores Pradicantes, offas, etiam menstruales, promerentur.





NVGÆ HÆRETICÆ DE NATVRALI CHRI- STIANO.



lb. I. de Christo cap. 3. demon-
 strat Illustris. Bellarminus ex scriptura
 & patrib. *Deum esse vnum numero*: Et in
 sexta probatione inter alia, sic scribit.
Adde, quod Patres docent, Gentiles, etsi vul-
go plures Deos colerent, tamen vnum Deum
naturaliter cognoscere potuisse, sicut re ipsa Philosophi vnum
Deum cognouerunt, & ea ex parte quasi naturaliter Christiani
fuerunt. Verba hæc profana, & Pelagiana, inquit Hæreticus,
vbi primum percurri, omnia cohorrui. Non dubito; quia
 admodum religiosus es, ac propterea religioso horrore
 faciliè perfunderis. Tria tamen abs te hic animaduersa
 oportuit primùm, hanc locutionem ipsis etiam patri-
 bus, priscisque scriptoribus vsitatam esse; nominatim
 Tertulliano, & Iustino Martyri: quorum ille in Apo-
 logetico cap. 17. animam ita loqui consuetam. *Deus vi-*
det: Deo commendo: Deus mihi reddet: vocat, *naturaliter*
Christianam. O testimonium anima naturaliter Christiana;
 exclamat Tertullianus:

Quid Iustinus in Apologia ad Antoninum Pium Imp.
Quicumque cum Ratione ac verbo vixere, Christiani sunt;
quamuis athei & nullius numinis cultores habitifint; quales
 inter

inter Græcos fuere Socrates & Heraclitus, atque iū similes: inter Barbaros autem Abraham, Ananias, Azarias, Misael, & Elias, & alij complures. &c. At qui cum ratione & verbo vixerunt, atq; etiam nunc viuunt, Christiani, & extra metum atq; perturbationem omnem sunt.

Si oratio Bellarmini est *profana & Pelagiana*, quanto magis oratio Tertulliani & Iustini profana & Pelagiana erit; quia Tertullianus non dicit, animam talia de vno Deo proloquentem & testificantem. *ex parte quasi naturaliter Christianam esse*: sed absque additione: *naturaliter Christianam* appellat. Iustino quoque Socrates, Heraclitus, & omnes *πρὸς τὴν βίωσιν αὐτῶν καὶ βίωσιν*, qui rationi conformiter vixerunt aut viuunt *Christiani* sunt: nec restrictione illa vitur: *ex parte, & quasi naturaliter Christiani*. An & ex Iustini verbis exsculpet nobis Hæreticus Magistellus, naturalem Christianum, *Esaniticum, ἄθεον, ἄχριστον, sine Deo, sine Christo?*

Secundò animaduerrere debebat sectarius Bellarminum non simpliciter affirmare, Philosophos gentiles propter cognitionem vnius Dei fuisse *Christianos*: Sed vti hac limitatione: *Ea ex parte quasi naturaliter Christiani fuerunt*. Distant autem ingenti discrimine istæ enunciationes. *Philosophi gentiles, qui vnum Deum naturaliter cognouerunt, fuere Christiani*. Et; *Philosophi Gentiles, qui vnum Deum naturaliter cognouerunt, fuerunt, ea ex parte quasi naturaliter Christiani*. Nam prima id significare videtur, & ita etiam ab Hæretico Magistello semper proponitur & exagitur, quasi ad absolutum & propriè dictum *Christianum*, sufficiat naturalis cognitio vnius Dei: qui sensus nulli, qui sensum non amiserit, probari potest, tantum abest, vt probetur Bellarmino, viro eruditissimo. At altera propositio per particulas illas, *ex parte, & Quasi naturaliter*, restricta & temperata,

longè alium sensum legentibus offert, vt per se planum & apertum est. Hæreticus tamen vuculas illas ferè semper præterit; vt cò vberiore calumniandi occasio- nem habeat.

Tertio animaduertere debebat Magistellus noster, quando Patres & cum Patribus Bellarminus dicit; gen- tiles Philosophos *ex parte quasi naturaliter fuisse Christia- nos*; propter naturalem cognitionem vnus Dei; eos no- men *Christiani* vsurpare non stricte, sed latè, nam *Chri- stianus*, notione propria & pressa, non constituitur, nisi per fidem & alia dona supernaturalia. Quia tamen ille, qui vnum Deum, etiam naturaliter, agnoscit & confi- tetur, vt factum à multis Philosophis, aliquo modo ac- cedit ad id, quod Christiani fide supernaturali credunt, docent & profitentur: ideo non iniurià *ex hac parte quasi naturaliter Christianus*, vel sine additamento, cum Ter- tulliano & Iustino; *Christianus* nominari potest, eo ta- men sensu, què iam indicaui, improprio scilicet & lato; non proprio & stricto: quia omnes boni norunt, Chri- stianum non constitui per charismata naturalia, sed per supernaturalia. Est autem supernaturalis fides vnus Dei, fundamentum totius Christianismi: Et quoniam qui vnum Deum naturaliter quoque agnoscit, ad hoc Christianismi fundamentum aliquatenus accedit, *Christiani* nomen à Patribus sortitus est; vt & omnis ille, qui rationi conuenienter vitam instituit.

Philosophos vocat Bellarminus lib. 4. de amissione gratiæ cap. 11, cum Tertulliano *Patriarchas Hæreticorum*, quòd ex errore Stoicorum de origine animarum natus sit error Manichæi & Priscilliani, &c. Ex errore Platonis, error Origenes. Ex Aristotelis sententia non bene per- cepta, error Apollinaris. Vide Bellarminum. Ad quæ Magistellus.

Enqualia subiecta statuit Bellarminus *naturali Christianismi*. Naturalem Christianismum non admittimus, nisi in sensu antea explicato. Sed an fieri non potest, ut etiam malus & improbus naturaliter Deum cognoscat, idque vel demonstratione à rebus creatis petita; vel ex relatione aliena de vno Deo, cui fide humana assentitur, quemadmodum aliis, quæ nobis referuntur, assentiri solemus, si creditu digna videantur: vel lectione eorum librorum, qui vnum Deum prædicant, siue sint libri sacri, siue profani; nam & Philosophos olim in sacros libros incidisse, non pauci ex veterum numero tradunt. An fieri nequit, ut qui de vnitæte Dei rectè sentit; sentiat perperam de alio quopiam capite; vel saltem doctrinâ suâ non satis dilucidè & enucleatè explicatâ, aliis errandi occasionem præbeat? Propitas & naturalis scientia de vno Deo non connectuntur necessario.

Neque sequitur: Hic vel ille fuit improbus: inque aliis quæstionibus à vero excidit; ergo non cognouit Deum naturaliter; ergo ex hac parte non fuit *quasi naturaliter Christianus*; ut cum Terrulliano & Iustino Bellarminus loquitur. Hæc & id genus alia non sunt erudita cogitata, sed Magistelli nostri febrilia deliria, quibus dispellendis sufficit S. Pauli auctoritas ad Rom. 1. ubi docet, Philosophos ex rebus creatis in cognitionem vnius & veri Dei peruenisse: Et tamen huic cognitioni conformiter vitam non instituisse; nec Deo cognito honorem & reuerentiam detulisse; & propterea in cogitationibus suis euanuisse.

Probat Bellarminus lib. 2. de sanctis cap. 13. Ethnicos idola lignea & lapidea, &c. habuisse & coluisse pro Diis: Et nonnullos ex illis duplices Deos statuuisse, alios factos

factos à summo Deo: alios, factos ab hominibus. Lege Bellarminum loc. cit.

Hic vociferatur Magistellus: Bellarminum nomine vnus Dei *naturaliter* à Philosophis cogniti, nil intelligere, *nisi prædictam Deorum à summo Deo; & ab hominibus conditorum multitudinem*: Et hanc inanum Deorum turbam constitui à Bellarmino *Christianismi fundamentum*. Quæ sanè tartaræ est calumnia. Nam quando Bellarminus lib. 1. de Christo cap. 3. & lib. 4. de Gratia cap. 2. probat, naturaliter cognosci posse, *Deum esse, & esse vnam*, Et à Philosophis quoque cognitum esse, alium non intelligit, quàm illum Deum, de quo Apostolus ad Rom. 1. *Inuisibilia enim ipsius (Dei) à creatura mundi, per ea quæ facta sunt intellecta, conspiciuntur, sempiterna quoque eius virtus & diuinitas: ita ut sint inexcusabiles: quia cum cognouissent Deum, non sicut Deum glorificauerunt, &c.*

Scribit Bellarminus lib. 1. de verbo Dei cap. 10. illa verba Hieremiæ Prophetæ cap. 31. *Dabo legem meam in cordibus eorum, &c. Omnes enim scient me à minimo eorum, usque ad maximum eorum*, posse etiam intelligi de cognitione vnus Dei: quæ nunc longè latius diffunditur, quàm olim, cum non solum Christiani, sed & Iudæi & Turcæ, alioquin impij, vnum Deum confiteantur & colant, antiqua illa Deorum multitudine ex plerolumque cordibus expuncta.

Hic iterum insanit Magistellus: En, inquit, *Bellarminus abunit unitatem Dei cum indiuisa unitate intime coherentem, esse mysterium*. Non quæram, quid sit *unitas cum indiuisa unitate intime coherens*, quis enim rationem orationis ab eo repositar, qui quid blateret, ignorat? Bellarminus hoc duntaxat dicit, & rectè, posse
Hicre-

Hieremix locum accipi non tantum de scripturarum mysteriis absconditis, sed & de cognitione vnius Dei; quæ, vt naturæ viribus parabilis est, *absconditum mysterium* non est; nam ea dici solent *mysteria abscondita*, quæ humanæ naturæ vim & facultates transcendunt; cuiusmodi non est naturalis cognitio Dei; Hanc enim adipisci possumus humani ingenij studio, *quia quod notum est Dei*, inquit Apdſtolus Rom. i. *manifestum est in illis: Deus enim illis manifestavit. Audi quomodo illis Deus manifestavit*, inquit S. Augustinus Serm. 55. de Tempore. *Inuisibilia enim per ea, quæ facta sunt intellecta conspiciuntur. Interroga mundum, ornatum calis, fulgorem, dispositionemque siderum, & vide si non sensu suo, tanquam tibi respondent, Deus nos fecit. Hac & Philosophi nobiles quesierunt, & ex arte artificem cognouerunt: Et ex hac quidem parte quasi naturaliter Christiani fuerunt, hoc enim auribus tuis, velis nolis, etiam per media conuitiorum tuorum occurfacula, ingendum est.*

Mentitur Magistellus, Bellarminum Ethnicis, Iudæis, & Turcis eam vnius Dei notitiam tribuere, *quæ ex luce regenerationis Spiritualibus credentibus infunditur*. Nihil minus facit Bellarminus. Non aliam illis tribuit, quàm naturalem; qualem illis Apostolus quoque ad Romanos tribuit, & omnes illi, qui docent, existentiam & vnitatem Dei naturaliter cognosciposse. Supernaturalem cognitionem in solis fidelibus statuit Bellarminus: cum isti soli fide supernaturali sint præditi.

Iterum calumniatur, vnitatem Dei, quæ naturaliter cognosci potest, nil aliud esse Bellarmino, quàm *collegium plurium Deorum*, Et hoc à Bellarmino profun-

B.

damento

damento Christianismi poni. Oduram faciem. ò exanguem frontem. An ideo Bellarminus ita sentit, quia commemorat Ethnicis plures fuisse Deos, alios maiores; alios, minores? Et tamen Magistellus inscitissimè bacchatur. *Hac, hac est illa Helena, pro qua certant Esauita: unitas talis, quæ examen Deorum, malorum Spirituum collegium, maiorum & minorum inuoluat. Hac est origo Ethnicosuitici Christiani.* Ferte citò vincula, & compedes, vt cerritum istum & helleborosum vinciamus, aliàs furiosè in omnes insiliet, omnes lacera-bit, omnes cruentabit: nam & nunc impetum dat in Iacobum Payuam Andradium Lusitanum, qui scripsit, *fidem ex rebus etiam iis, quæ sensibus subiiciuntur, haberi posse: non tantùm ex sacris litteris.* Prò scelus in-expiabile. Furippus noster præ tumore & furore vix se capit. At dic, Magistelle, sed pacatè si id furor si-nit. An tu fidem ex solis sacris literis hauriri existi-mas? Quomodo ergo acquisita est olim priusquam sacri libri conscriberentur? Apostolus non dicit; Fi-des ex Bibliis est; sed; *fides ex auditu.* Vnde hauserunt fi-dem barbaræ illæ nationes, de quibus lib. 3. Irenæus, quæ in Christum crediderunt, cum nulla sacrarum lite-rarum volumina haberent?

Sed ad Andradium; qui non vult, vt iam olim in Labyrintho Creticohunniano cap. 4. declarauì, co-gnitionem illam naturalem Dei; quæ ex rebus creatis, solis naturæ viribus, obtineri potest, valere ad salutem primam vel vltimam; Sed; hominem hac cognitio-ne, qua cognoscit res creatas, earumque conditorem, manu quasi duci, vt diuina gratia præuentus & adiutus, eundem etiam omnium rerum parentem, resque ca-ptum naturæ excedentes per fidem supernaturalem di-
uinitus

uinitus sibi datam cognoscat & credat. Quod verum esse testatur Apostolus, cuius hæc oratio: *Inuisibilia enim ipsius, à creatura mundi, per ea quæ facta sunt intellecta conspiciuntur: Sempiterna quoque eius virtus, & diuinitas: ita ut sint inexcusabiles.* Cur isti excusatione nulla se defendere possunt? ideo nimirum; quia gratia DEI vñ non sunt: quasi uti voluissent, ab hac naturali cognitione ad supernaturalem procedere potuissent.

Hanc suam mentem apertissimè explicat ipse Andræus lib. 3. Orthod. Explicationum, ubi ita scribit: *Fidem, veramq; DEI cognitionem, fundamentum iustitiæ perpetuè existisse, nemo unquam sana mentis dubitauit, cum sit non modò D. Pauli testimonis, sed omnium Prophetarum vaticiniis, Euangelistarumque monumentis confirmatum. In fide enim veteres maioresque nostros testimonium iustitiæ fuisse consecutos, D. Paulus ait, utpote, ex qua iustus uiuit, & iustitiæ omnis excitatur: veram autem DEI cognitionem non ex sacris tantum literis, diuinisque oraculis, sed ex rebus etiam iis, quæ sensibus subiiciuntur, haberi posse, idem Paulus testatur, cum veterum Philosophorum crimina nulla ignorationis excusatione defendi posse asserit: quippe quos abditam maximè, & recondita DEI mysteria, & quæ cerni corporeis oculis non possunt, per res ipsas creatas, tanquam per fœdissimos quosdam interpretes, docere diuinum numen solet. Ut enim in rebus creatis diuina bonitatis amplitudo, omnipotentia, sapientiaque splendor elucet, ita quires hæc accurata circumspeditione considereris, diuina gratia lumine mentem illustrante (cuius sola vis errorum omnium tenebras propulsare potest) in Creatoris cognitionem venire facile poterit.*

Paulò post flagitiosè proflus corrumpit Magistellus Andradij verba; quæ ita proponit. *Philosophi, qui ab inani Deorum multitudine abhorruerunt, unum verò Deum mente complexi sunt, illos tu (Quisquis sis) illa fide Deique cognitione destitutos dices, per quam impius iustificatur, & ex qua iustus vivit. Nunc accipe Andradij verba, & falsario Magistello imprecare, quod meretur. Quare, qui divini Spiritus fulgore illustrati (en de illa notitia loquitur, quæ à spiritu sancto descendit, adeoque naturales nostras vires transcendit) caelestibusque beneficiis aucti, in praclarum illud Philosophia genus incubuerunt, ut ex terrenis rebus caelestia, ex humanis divina, ex temporalibus sempiterna, ex creatis creatoris ipsius maiestatis amplitudinem cognoscerent, ab inani illa Deorum multitudine vehementer abhorruerunt, unicum verò DEVM, quem assidua meditatione, totiusque animi viribus inquisuerunt, & mente cogitationeq; complexi, & religiosè venerati sunt; in ipso omnes suas spes collocarunt, illi perpetuè placere studuerunt, ab illo virtutum remunerationem, officiorumq; gratiam sperarunt; illos tu Kemnici; illa fide, DEIQ; cognitione destitutos dices, quæ tanquam initium, & fundamentum excellentissima iustitia excitatur?*

Hæc longè aliter tinnunt, quàm ea, quæ nobis apponit Magistellus; qui Andradio etiam crimini dat, quòd scripserit: *Humani generis per Christum redemptionem in divina procuracione implicatè & absconditè contineri. Quare qui hanc Dei providentiam perspectam habebant, inquit Andradius simul sanè intelligebant, nihil DEVM pratermissurum, ut homines sempiterna felicitate perfruerentur, atq; ita non prorsus ignorasse, Christum Iesum crucifixum, dicendi sunt, et sirationem, quam DEVS esset initurus, humana salutis curanda compertam minimè habuissent. Hæc Magistello* per-

perquam mira videntur: Sed ideo, quia neque Andradij, neque sua dicta intelligit: nam qui fide supernaturali credit Deum esse; & remuneratorem esse; is utique etiam in Christum, saltem implicite credit, cum nulla nobis è coelo remuneratio contingat, nisi beneficio & meritis Christi Domini. Certè Iustinus Martyr in Apologia prima, palam asserit, *Christum Socrati ante ipsum ex parte fuisse cognitum*: vndeunque hanc cognitionem acceperit; Siue ex Sibyllis; siue ex Hebræorum libris; siue aliunde; Et hoc maius quiddam est, quàm quod affirmat Andradius, cum Socrates supernaturali fide caruerit, non autem illi, de quibus disputat Andradius.

Nunc dimisso Andradio, & aliquantisper Bellarmino, Magistellus Gretserum aggreditur, quem in Panegyrico Misenico cap. 2. dicere mentitur, *omnes Ethnicos Philosophos, nemine excepto, fuisse turpissimos idololatrias, impios, atheos: Et tamen tales esse Bellarmino naturaliter Christianos*. Sed hæc verba in meo libro nusquam exstant; Ea ex suo sincipite exculpfit Nouator. Neque ex Origene à me citato colliguntur. Tantum dicit; *eos sibi fecisse Deos, & adorasse opera manuum hominū, qui simulare possunt alium creatorem extra vniuersitatē Deum*. Item *omnes Philosophos, qui varia dogmata, hoc est, veritati aduersa, prodiderunt, fuisse sibi idola, &c.* At necesse non est omnes simpliciter, nemine excepto, aut alium creatorem extra vniuersitatis Deum, introduxisse, aut ea dogmata in medium attulisse, quibus mortales à veri Dei notitia abstraherentur. Neq; hoc affirmat Origenes.

Deinde Magistellus oculos ad Bellarmini verba semper intentos habere debebat, quando quidem simul atq; oculos aliò flectit; eorum obliuiscitur: Dicit enim,

Philosophos naturalem cognitionem vnus Dei adeptos, fuisse *hac ex parte*, id est, quod ad hanc notitiam attinet, Quasi naturaliter Christianos. Itaque licet, omnes, nemine excepto, idola adorassent, & impietate idololatræ sese inquinassent, prout à multis factum, qui Deum abs se cognitum non glorificauerunt vt Deum, nihilominus ex parte cognitionis, quam de Deo ex rebus creatis collegerant, rectè *quasi naturaliter Christiani*, nominari potuissent: Sicut & illa anima apud Tertullianum *naturaliter Christiana* nuncupatur, *licet institutio- nib. prauis circumscripta, &c. licet falsis Diis ex ancillata, &c.*

Carpit Magistellus, quæ Tom. 1. de cruce lib. i. cap. 49. & 52. vlt. edit. de Platone ex Clemente Alexandrino & Iustino Martyre recitauit. At quæ mea culpa, si sectario non placent, quæ Clemens & Iustinus antiquissimi Scriptores prodiderunt? An non Eusebius de præparatione Euangelica: S. Augustinus in opere de ciuitate Dei, Tertullianus passim in suis libris: Origenes contra Celsum, & alij, qui olim pro veritate Christianæ Religionis aduersus Ethnicos depugnarunt, plurima notant, quæ Plato, Platonici, alijq; Philosophi, Poëtæ & cæteri Scriptores Ethnici de fidei nostræ mysteriis in sua monumenta retulerunt, siue ea ipsimet ex sacris literis, siue ex consuetudine cum Hebræis, siue ex eorum, qui has res callebant, narratione, siue etiam ex diuino aliquo afflatu & cælesti suggestionem acceperint, prout Sibyllas multa accepisse, extra dubitationem est. At hæc ratione Plato & alij, constituuntur *naturales Christiani*: Respondeo cum Bellarmino, hæc quidem ex parte, quatenus ea, quæ Christianæ religionis sunt, aliquatenus cognouerunt, dici posse, *quasi naturaliter Christianos*. Sed quid emolumenti hoc illis attulit? Nam

& Ba-

& Balaam insignem Prophetiam de Christo edidit Num. cap. 24. *Orietur Stella ex Jacob.* An ideo sanctus, pius & Deo gratus acceptusque fuit? Quanquam quod Bellarminus scribit de *quasi naturaliter Christiano*, id tantum referri debeat ad eam cognitionem, quæ ex solis naturæ viribus procedit; cuiusmodi est cognitio, quod sit Deus, quod unus, quod bonus, æternus, corporis expers, &c. nam si quid Plato, vel alij de filio Dei, eiusque incarnatione futura, & de eius crucifixione, & id genus aliis cognouerunt, & libris suis intexuerunt, id non ex naturæ fontibus hausuerunt, sed ex libris diuinitus reuelatis, idque mediâtè vel immediâtè; vel ex peculiari instinctu, quo diuinitus ad præsentationem & prædictionem supernaturaliû mysteriorum excitati sunt. Vide Clementem in protreptico, & alios alibi. Quis enim veterum aliquid contra Ethnicos pro mysteriis nostræ fidei commentans, non attigit hoc argumentum?

Vellicat Magistellus, quod in Inauguratione Doctorali reprehendi & refelli stultitiam Lutheri asserentis, *idem non esse verum in Theologia & Philosophia*; Hanc enim propositionem: *Verbum caro factum est; veram esse in Theologia; falsam, in Philosophia.* Quam fatuitatem copiosè redargui in Inauguratione Doctorali, vt & nuperrimè in Luthero Academico.

Quid Magistellus pro Luthero? Nihil, nisi hoc. *Abfurdum esse, Christum & Christianismum conformem Philosophia & Philosophorum regulis statuere.* An vis vt tecum fabricemus nouum Christum, & Christianismum, qui sit Philosophiæ & Philosophorum decretis, hoc est, rectæ rationi difformis? Sed hoc animalis irrationalis non rationalis opus fuerit, nam licet Christus & Christianismus sint supra, non sunt tamen contra rationem

tionem atque adeo à Philosophia, quæ rectæ rationis proles est, non dissident. Sed amicè ac concorditer conspirant.

Mentitur Magistellus, me in Panegyri. Miscenico pag. 71. Lutherum vocare, idololatram, *ob eam unam causam, quod scripturas amet, intelligat, legat, iisq; controversias decidat.* Lector videat illam paginam Panegyrici. Nihil huius inueniet. Si Lutherum Idololatram eo loci appellassem, fecissem id non quod scripturas amet, legat, intelligat, sed quia eas deprauet, peruertat, torqueat, & ad malè sanicerebri sui Phantasmata inflectat, indeque variarum opinionum idola sibi exstruat, & ea adoret, aliisque adoranda publicè proponat: prout hæreticis in more esse asserit Origenes à me pag. 24. & 25. Panegyrici adductus.

Simile mendacium est, Lutheranos Idololatrias à me dici, *quia omnia dogmata fidei ex scripturis deducant.* Nusquam hoc in toto Panegyrico inuenies. Non enim ideo præcisè idololatriæ accusari debent; Sed quia omnia dogmata fidei ex scripturis deducunt, more omnium Hæreticorum; hoc est, ineptè, distortè, cerebrose, febriculosè; & ita, vt quod ex vesano suo capite deduxerunt, id tanquam ex scripturis deductum iactitent, & venditent, & tanquam verbum Dei amplectendum exponant, cum non sit verbum Dei, nec ex verbo Dei depromptum, sed fanatici capitis idolum & inane simulacrum.

At vide bellam huius Magistellæ consecutionem. *Lutherani, qui scripturam amant, legunt, & omnia dogmata inde colligunt, sunt Idololatrae; ergo, qui scripturam non legunt, non amant, sed damnant; non sunt Idololatrae.* Respondeo, primū argumentum istud esse simile huic. *Qui est homo, est animal; ergo*

ergo qui non est homo, non est animal. Deinde dico, Antecedens non esse meum, vt ex dictis patet. Deinde concessio antecedente, negatur Consequentia. Nam licet Lutherani legendo, scrutando & iactitando scripturas, & inde vana opinionum idola procudendo, sint idololatræ; iudicio & testimonio Origenis; hoc tamen non obstat, quo minus alij, qui scripturas non legunt, nec amant, sed damnant, alia ratione sint idololatræ; nam licet falsos Deos, hoc est, variarum persuasionum monstra ex scripturis sibi non architectentur, aliunde tamen noua numina fabricandi occasionem arripere queunt; vt per se manifestum est, & satis liquet ex Origenis à me citati sententia, qua lecta Magistellus has & similes bellissimas consecutiones texuit. *Plato non legit sacras literas; ergo non est idololatra. Aristoteles non legit scripturam; sequitur ergo quod antea.* Perinde ac si me dicente; Lutheranos fieri ebrios potu cereuissæ; ipse inferret; Platonem, Aristotelem, similes nunquam fuisse ebrios, quia non biberunt cereuissiam Saxonicam. An nullus est potus, qui ebrietatem adferat præter cereuissiam?

Iterum nil nisi mendacia tonat. *I. Me cum Origene affirmare, omnes Philosophos fuisse idololatræ.* Neque ego hoc asserui, neque Origenes. *II. Me nunc excipere Platonem.* Vbi excepi? Monstra locum Magistelle. *III. Idq, propter superficialiam Bibliorum inspectionem.* *IV. Vel potius propter scripturæ ignorantiam, neglectum, contemptum.* Iterum postulo. Monstra locum. Ni feceris, scin quid te maneant? Nec tamen contentus est hæc mendacia fudisse; mox Battologicè ea repetit; vt maiorem voluptatem inde capiat.

Simile commentum, Iesuitis *Christiani nomen* sordere. Item, Iesuitas, *preto antiquo Christiani nomine*, & ad

Ethnicos, Turcas, Iudeos & Diabolos remisso, à Iesu nomine voluisse appellari. Et tamen, vt est inconstans mendaciloquentia, mox vociferatur; Iesuitas non à Iesu, sed à Iudaico יְהוּדִי (quo Iudæi significant; deleatur nomen eius; extrita salutari & radicali littera י) appellationem accepisse. Sed hæc omnia Hæretici Magistelli somnia sunt: nam Iesuitarum nomen vulgus nobis tribuit; non Institutor noster, non Sedes Apostolica; non ipsimet nobis ipsis; nec aliunde, quàm à Iesu Salvatore nostro hanc appellationem vulgus formauit; neque litteram ain seu hain extriuit, sed vel maximè inclusit. Et quis tam stupidus est, qui credat, Iesuitas malle sortiri nomen ab illo Iudaico יְהוּדִי quod Iudæi Christo, probri loco, tribuunt, expuncta littera Ain, quàm ab יְשׁוּעַ cum littera Ain, quod Saluatorem significat. Lege Scrarium lib. 1. in Iosue in cap. 2. quæst. 10.

Vide autem vertiginem Magistelli. Paulo antè dixerat; nos voluisse nominari *Iesuitas* à nomine Iesu. Nunc dicit nos voluisse *Iesuitas* appellari ab prædicta voce Iudaica, quæ à priore tantum distat significato, quantum Belial à Christo, licet sono vrcunque conueniat.

Iterum mentitur Magistellus, Bellarmino naturalem Christianum esse, qui *somniat unum Deum, & quidem in Collegio multorum Deorum*. Nunquam dixit hoc Bellarminus: sed illum *hac quidem ex parte*, ait *quasi naturaliter* fuisse Christianum, qui *Deum esse & unum esse*, viribus naturæ ex rebus creatis cognouit: Nam si vnum Deum agnouit; non ergo plures nec maiores nec minores admittit: quia vnus Deus, plures non admittit; nec vt maiores; quia vno & vero Deo nihil est maius; nec vt minores; quia quidquid vno & vero Deo minus est, id Deus non est. De rudioribus Ethnicis dixit Bellarminus eos sub

vno

vno maiore Deo plures minores constituisse, nō autem de illis, qui veri Dei existentiam & vnitatem ratiocinando iam cognouissent; vt sanè cognoscere poterant. teste Apostolo ad Rom. i. & Auctore libri Sapientię cap. 13. *Sienim (ethnici Philosophi) tantum potuerunt scire, vt possent estimare seculum: quomodo huius Dominum non facilius inuenerunt?*

Quærit Magistellus ex Bellarmino; *Num Iesuita sit Christianus.* Omnino; quilibet Iesuita palam profitetur. *Gratia Dei sum id quod sum; nempe Christianus.* Hinc sequitur, inquit Magistellus, *quemlibet Hæreticum, profanum, impium, Arianum, Iudaum, Mahometanum esse ex suum grege Suitam, vel Esaitam, vel Iesuitam, sensu Iudaico ante exposito.* Argumentum Magistelli, quantum capio, est istud: *Iesuita est Christianus; ergo Mahometani, &c. sunt Iesuita. cū Mahometani Deum vnum agnoscentes sint Christiani ex sententia Bellarmini, quod perinde est; ac si diceret: Homo est animal; ergo mulus cum sit animal, est homo.* Vel; Monachus Cappucinus est Christianus: Ergo Lutheranus iste Magistellus, cum sit, aut saltem dici velit Christianus; est Monachus Cappucinus. Vel, Iesuita est Christianus; ergo Zephyrius iste est Iesuita, quia est Christianus. En præclaras Magistelli huius consecutiones. Quanquam, vt iam sæpe monui, qui vnum Deum naturaliter cognoscunt, veræ & supernaturalis fidei exsortes, Christiani sunt nō nisi improprie & latè, hac quidem ex parte, quatenus verum Deum, quem Christiani colunt, existere, & vnum esse intelligunt; & sic *quasi naturaliter* Christiani sunt. Obseruatandem Magistelle illud Quasi: &. Ea ex parte. At Iesuitæ & alij fideles, gratia Dei, fide & supernaturali spiritus vñctione Christiani sunt; ideo ingenti discrimine ab illis, qui *Quasi naturaliter* Christiani sunt,

disiunguntur. Si Bellarminus dixisset: *Hominem pictum esse quasi hominem, & ea ex parte qua hominem repraesentat: iste statim aduolasset, & Bellarminum hoc ariete pulsa-* set. Homo pictus est *quasi homo*: ergo homo pictus absolute est homo.

Cæterum quò se vertet, quò fugiet Bellarminus, ut sequentis syllogismi fulmen euadat? *Naturales Christiani sunt Ethnici, Iesuita sunt tales etiam naturales Christiani, quales Philosophi, ergo Sui- ta sunt Ethnici.* O acumen supra omnes plumbi laminas, sed Respondeo, aut accipis Maiorem particulatim, aut vniuersim. Si illud, syllogismus claudicat; quia in *Barbara* Maiorem particularem adhibet. Si vniuersim; negatur Maior. Nam falsum est omnes illos, qui *Quasi* naturaliter Christiani dici possunt, eo quòd naturali lumine rationis Deum esse & vnum esse, intelligant; esse Ethnicos; nam ut de Iudæis, Turcis, Hæreticis, nihil dicam; etiam Christiani Orthodoxi & fideles ex lumine naturali Deum esse & vnum esse cognoscere, atq; adeo ex hac parte, quasi naturaliter Christiani esse possunt. Hunc in modum Maiore per distinctionem declarata, conceditur Minor etiam vniuersim sumpta, prout à Magistello sumi videtur, Demus enim vniuersos Iesuitas etiam naturali cognitione, Deum esse & vnum esse, cognoscere. Quid iam de conclusione fiet? Quid nisi ut pleno ore negetur?

Sed en mirabilius adhuc syllogismi monstrum. *Qui vnum Deum agnoscit, more Ethnicorum, natura est Christianus. Iesuita etiam eo modo sciunt Deum esse vnum, quo Ethnici. Ergo Iesuita sunt Ethnici.* O Æsculapi adesto, cum omnibus tuis medicamentis, & huic tam ægro syllogismo medicinam adhibe. Desine Magistelle à syllogismorum fabricatione; sed non pares.

En

En aliud monstrum. *Christiani naturaliter orti, sunt Iesuita Iudaice accepti. Iudai, Ariani, Turca sunt tales Christiani naturaliter orti, ergo Iudai, Ariani, Turca sunt Iesuita.* Cur non addis; vt ratio syllogismi exposcebat: *Iudaicè orti*: ne si aliter Iesuitæ nomen in Maiore accipias; aliter in conclusione, sycophantiæ arguaris? Cur Maiori non adiungis signum vniuersale vel particulare? Nam si vniuersale signum adicias; negatur Maior; omnes illos qui naturali via, ratione & demonstratione Deum esse & vnum esse norunt; *esse Iesuitas* Iudaicè acceptos; nam innumeri fideles & Catholici Deum esse ex rebus creatis intelligunt, atque adeo hac ex parte quasi naturaliter Christiani sunt; neque tamen Iesuitæ sunt Iudaicè accepti; quia Iesum Saluatorem nostrum, nō appellant cum Thalmudistis יֵשׁוּעַ. Ommissa vltima litera *ain*. Sed יֵשׁוּעַ & ab hoc salutifero nomine cum *ain* scripto & pronunciatō cupiunt vocari *Iesuita* prout *Iesuita* non peculiaris instituti professorem, sed quemlibet significare potest, qui in Christi Iesu disciplinam & militiam nomen suum dedit. Neque vllus orthodoxus cum impiis Iudæis orat: *Deleatur nomen tuum.* Sed cum Christianis: *Sanctificetur nomen tuum.*

Iterum mentitur Magistellus, me pag. 37. panegyrici Lutheranos *Idololatræ & Mahometi* similes proclamare *propter vnicum sacra scriptura amorem.* Vidi citatam paginam. Nihil, de quo iste quiritatur, reperi. Aliud quiddam eo loci Hæreticis vitio verti: quod satius erit lectorem ex ipso Panegyrico petere, quàm me hoc loco repetere.

Apponit nobis Magistellus bruta Lutheri verba ex Commentario stramentitio in cap. 22. Genesios; *Pontificem, Turcas, Iudaos, statuere Deum veracem, iustum, sapientem,*

tem, bonum. Mox mentitur (saltem quod ad Pontificem & Catholicos attinet, nam de Iudæis & Turcis non laboro) eos, cum maximè hoc dicunt, maximè omnium Deum *mendacem, iniustum, insipientem* affirmare. Mendacium vel totius Oceani vndis incluibile.

Nec melior est huius mendacii causa; *quia Pontificij*, inquit Lutherus, *aliam notitiam de Deo non habent quàm Philosophicam aut Metaphysicam.* Falsum; nam & notitiam fidei diuinitus reuelatam & mentibus infusam habent. Sed esto; nō habeant aliam, nisi Philosophicam vel Metaphysicam. Dic, Apostata, quæ Philosophia, quæ Metaphysica docet Deum esse *mendacem, iniustum, insipientem*? Nos nullam eiusmodi nouimus. si quæ noua in Saxonici officinis nata est, quæ nobis talem Deum effigiet, eam non moramur, quippe & Philosophiæ & Metaphysicæ appellatione indignissimam. Vbi verò dicit Aristoteles; *Deum esse ens separatum à creaturis; & intra se solummodo creaturas contemplantem*? Adeo à creaturis sciunctus non est, etiam secundum Aristotelem, ut omnes permeet ac penetret, & singulis intimè sit præsens.

Quid hac ad nos? inquit Lutherus. *Diabolus etiam sic Deum cognoscit, & scit esse veracem.* Pulchra consequentia, *Diabolus Metaphysicè & naturaliter nouit Deum esse, & unū esse; ergo par non est ut homines Metaphysicè & naturaliter sciant Deum esse & unum esse.* Quasi verò notitia illa in Dæmonibus mala sit, ac repudianda, & non ex ipsis naturæ fontibus salubriter hausta. Apostolus certè Rom. i. adeo ad Philosophos hanc cognitionem pertinere censuit, ut dicat, *eos esse inexcusabiles*, quod cum ex rebus creatis Deum cognouissent, ipsum tamē, ut Deum, glorificare, cultuque ac reuerentia prosequi noluerint.

In Theologia, inquit Lutherus, quando de agnitione Dei docetur, agnoscendus & apprehendendus est Deus, non intra se manens, sed ab extra veniens ad nos, ut videlicet statuamus, eum nobis esse Deum. An Philosophia impedit, quò minus hoc faciamus? An non viam nobis munit & aperit, ut ens illud primum, omniumque entium originem diligamus, appetamus, & ad beatissimam eius vitam aspiremus?

Pergit Lutherus: *Ille prior Aristotelicus vel Philosophicus Deus Iudeorum, Turcarum, Papistarum Deus est; nihil verò id ad nos. Nihil ergo ad Lutheranos ille Deus, quem Apostolus ad Rom. cap. i. asserit à Philosophis cognitum, neque tamen, ut Deum glorificatum; & ob eum neglectum Philosophos evanuisse in cogitationibus suis. Hic Deus sine dubio alius non est, quàm is, qui fecit cælum & terram; nam ex rebus creatis alius non colligitur Deus, quàm is, qui omnium rerum conditarum effector est. Nihilne igitur hic Deus ad Lutherum? Nihilne ad Lutheranos? Miseros Lutherum & Lutheranos, si nihil ad illos ille Deus, cuius esse & unitas ex creaturis sub aspectum cadentibus cognoscitur; quem ratio, quem rationis soboles Philosophia & Metaphysica, ex rerum visibillium contemplatione ostendit. Nihilne ad Lutherum Deus ille, qui est primum ens; prima rerum omnium causa; primus motor, supremum omnis perfectionis exemplar? An alium monstrat Theologia, quàm istum? et si perfectius, & secundum plures proprietates, quæ Metaphysicæ, scientiæ naturalis limites longè transcendunt.*

Cætera, quæ Magistellus vsque ad sectionem secundam sui speculi vociferatur, nil aliud sunt, quàm Battologicæ

gicæ & Tautologicæ debacchationes , in quibus nulla mica falis; quia omnia stultitia & furore redundant.

Ait, hanc suam propositionem; omnes Iudæi, Ariani, Mahometani sunt Iesuitæ, *esse in materia necessaria*; ac proinde conuerti simpliciter. *Omnes Iesuitæ sunt Iudæi, Mahometani, Ariani.* Quis verò irrationali huic ratiocinatori concedet , omnes propositiones in materia necessaria conuerti simpliciter? Hæc certè; omnis homo est animal: necessaria est; & in materia necessaria; & tamen si simpliciter conuertere velis; quid nisi falsa hæc enuntiatio existet? *Omne animale est homo.* Deinde, quis tam fungus fuerit, vt illam; *omnes Iudæi, &c. sunt Iesuitæ*; concedat esse necessariam? supra accipiebat *Iesuita* nomen prout ab Iudaico *ω* deriuatur; Hic accipit illud prout à *Iesū* saluatore nostro descendit, & peculiaris instituti professorem significat, quocirca tam *conuertens*, quam *conuersa* simpliciter falsa, sycophantica & calumniosa est, effusa ab illo, qui præ temulentia nil aliud nouit, quàm insanire, & Mænadis instar bacchari. Postea ex vniuersali facit enunciationem particularem: *Quidam Iesuitæ sunt Iudæi, Ariani, Mahometani*; & de indiuiduo vago inscitissimè garrere ingreditur; ita vt ex omnibus blateronibus & nugatoribus vix nugaciorem inueniri arbitretur.

* * *



Refel-

*Refelluntur ea, quæ Lutheranus Magistellus
in secunda, tertia, quarta & quinta spe-
culi sui sectione Battologicè
detonat.*

PRINCIPIO Agrippam Regem de quo Act.
25 & 26. Ethnicum imperitè facit, cum certò
constet, fuisse Iudæum. Hic acri & accurata
disputatione S. Pauli commotus, his verbis
S. Paulum compellauit: *In modico suades me Christianum
fieri.* Magistellus vociferatur; Agrippam, si Bellarmini
discipulus fuisset; dicturum fuisse: *Non modica ex parte
mihi persuades, ut siam Christianus, sed iam sum, cum omnibus
Ethnicis, antemulta, mi Paule, sacula: Maiores mei Ethnici,
(Iudæus fuit Agrippa, non Ethnicus, & ex parentibus
proximis Iudaismo initiatis progenitus) Deum vnum no-
uerunt, eum coluerunt, non secus actu.* Paulum quoque hoc
responsum dare debuisse fingit: *Non opus est, me optare à
Deo, te, Agrippa, fieri Christianum, non à Deo, inquam, quia ab
homine iam dudum acceptum & expensum habes naturalem
Christianismum. Non opus est voto, quo precer, ut talis, Agrip-
pa sis, qualis ego sum, quia iam ante talis es.*

Ego verò de duobus non dubito; quorum alterum
est hoc: S. Paulum si has phlyarias & calumnias legeret,
cum palam pronunciaturum, indignas esse homine sa-
no, dignissimas infano; quem stygia sua aura afflauerit il-
le, qui à Calumniando Calumniatoris nomen sortitus
est. Vbi enim ynquā dixit aut scripsit Bellarminus eum,
qui Deum esse, & vnum esse naturaliter cognoscit, & ex
hac quidem parte *quasi naturaliter Christianus* est, Chri-
stianum perfectum, absolutum & propriè dictum esse,
D
qualis

qualis erat Paulus coram Agrippa dissertans? Quis nescit illam naturalem existentiae & unitatis Dei cognitionem, esse duntaxat remotissimum quoddam Christianismi initialementum, per se nullo modo sufficiens, ut quis propriè hoc tam augustum nomen mereatur?

Alterum, de quo non dubito, est istud; si ita Agrippa Paulum compellasset, ut ineptus iste Choragus in suo immensarum ineptiarum theatro comminiscitur; Paulum responsum fuisse; non sufficere, ad Christianismi decus & laudem, ut quis vnū Deum naturaliter cognoscat; sed opus esse, ut altius exsurgat, Deumque fide super naturali, etiam secundum illa, quæ natura non ostendit, apprehendat, eumque colat, veneretur, glorificet; & super omnia diligat; & ad illum, tanquam ad vltimum suum finem, indefesse tēdat. Ut enim in Epistola ad Romanos cap. i. agens de Philosophis, qui vnus Dei cognitionem adepti, & hac quidem ex parte *quasi naturaliter Christiani fuerant*; plus ab illis exigit; quàm hanc solam notitiam; neq; dixit; *eos aequè ac se ipsum esse vel fuisse Christianos*: ita etiam longè plus ab Agrippa efflagitasset, neque in hoc eius quasi naturali Christianismo, ob vnus Dei notitiam, conquieuisset.

Sed en subtile Magistelli acumen. Festus Præfex, Ethnicus, audiens Paulum de cælestibus mysteriis acerrimè differentem, exclamauit: *Insanus, Paule, multa litterate ad insaniam conuertunt: ergo ratio naturalis, etiam optimè exculta non potest capere mysteria fidei, sed ea stultitia accusat.* Respondeo primò, naturalem notitiam vnus Dei non esse mysterium fidei; quia viribus & lumine naturæ comparari potest. Secundò, nego. eam Festi vocem fuisse rationis. Temeritatis fuit, & inscitiz. Terriò. quando quis mysteria fidei sibi verè proposita & satis explicata reicit,

cit, nego reiectionem illam esse rationis; nam ratio nihil repudiat, nisi quod est contra rationem; at mysteria fidei non sunt contra rationem, quamvis sint supra. Hinc si quis ea repudiet, id non fit ex ratione, sed ex imbecillitate & caliginē, qua humana ratio detinetur ac circumfunditur. Ratio enim in se, & per se ex natura sua ad verum inclinatur, & ad illud, tanquam sibi conforme propendit, & à falso, tanquam à sibi noxio, naturalem aversionem habet.

Mentitur iterum, Bellarminū affirmare, *Philosophos non renatos, hoc est, fidei luce non collustratos, literis tamen egregie exultos, scientiam naturalem ac mysticam articulorum sic faberrimē composuisse, ut naturā suā sint luxuriosi Christiani.* Bellarminus loquitur tantum de vno capite, quod est, *Deum esse, & unum esse*; Ex parte huius cognitionis dicit, *Philosophos, quasi naturaliter, Christianos fuisse*; non ait *luxuriosi*, id est, *animales*, quod tu ingeris, ut obicere possis illud Apostoli, *luxuriosi*, id est, *animalis*, non percipit ea, quæ sunt spiritus Dei, 1. Corinth. 2. Sed nosse debet Magistellus, hæc duo: *Deum esse, & unum esse*; non esse ex illis, quibus cognoscendis peculiari spiritus diuini auxilio opus sit: quia naturæ viribus ex rerum creatarum consideratione intelligi queunt.

Stultescit deinceps Magistellus de illo Agrippæ, *In modico*: queritque, quid significet istud, *in modico*. Græcè, *ἐν ὀλίγῳ*, quasi id obscurum sit; cum nil aliud voluerit Agrippa; quàm parū abesse, quin sibi Christianismus persuaderetur: & addit hæreticus hoc mendacium, *bonam illam motionem, quæ cor Agrippæ tactum fuerit; illam itidem, quæ Act. 24. disputante Paulo de iustitia & castitate & de iudicio futuro, tremefactus est Felix, iudicio Bellarmini, ab impulsu naturæ prodierit.* Quo nihil vanius & falsius. Mox

adiungit hanc calumniam: modum loquendi Bellarminianum: similem esse huic; si quis diceret: *quando in tenebris incipit illuminatio, ita ut lux illas dispellat: Tenebra ex ea parte, qua naturaliter sunt tenebra, sunt lux. Rifu dignus esset, qui ita loqueretur.* (Et tu multo magis, qui tam horrifice sycophantaris & calumniaris.) *Quare etiam scutica dignus est Iesuita (Hæreticus Magistellus) ita loquens: Ethnici, id est, tenebra, sunt ex parte naturaliter Christiani, id est, lux in Domino.* Dic, Magistelle, ubi hac locutione usus est Bellarminus? Cedo locum: aut tua scutica in tergum tuum expetet. Nam Bellarminus non locutus est de omnibus Ethnicis; sed de Philosophis, qui ex rebus creatis existentiam & unitatem Dei cognouerunt: licet enim hæc ab omnibus ratione videntibus cognosci possit; non tamen ab omnibus re ipsa cognoscitur; cum non omnes eam adhibeant attentionem & diligentiam, quæ ad hanc notitiam hauriendam requiritur; occupati vel potius deprauati & excæcati prauis cupidinibus, & voluptatum illecebris irretiti, quorum laqueis constricti, nō tollunt sese in altum, cumque, in quo vivimus, mouemur & sumus; & cuius itidem genus sumus, non inueniunt, cum, ut ait Apostolus Act. 17. *non sit longè ab vnoquoque nostrum.*

Deinde Bellarminus Tertullianum & Iustinum secutus dixit; Philosophos Ethnicos ea ex parte, qua vñ Deum cognouerunt, fuisse *quasi naturaliter Christianos*; hoc est, hac ex parte, quatenus vñ Deum cognouerunt, non fuisse Ethnicos, hoc est, *tenebras*; sed quasi naturaliter Christianos, hoc est, *lucem naturalem*, quæ aliquantulam cum luce veri Christianismi similitudinem habeat. Hiccine loquēdi modus cum stolido illo, quem tu fingis, concinit? Hæccine Bellarminiana locutio idem significat, quod tua criminatio?

Oggrun-

Oggrunnis, *Ethnicos Philosophos coluisse idola*: Num omnes, nullo excepto? Hoc neque Apostolus, neque vilius sanctorum Patrum; neque Bellarminus asseruit: neque ego. Deinde licet idola coluerint; an ideo vnum & verum Deum non agnouerunt, aut agnoscere non potuerunt? An apud eos non habebat locum illud? *Video meliora proboque, Deteriora sequor*. An formidine alicuius periculi; vel, ut cum vulgo & receptis moribus se conformarent; nil contra scientiam & conscientiam suam agere poterant? An non ipsemet Apostolus testatur, eos in vnius & veri Dei cognitionem venisse, nec tamen Deum, ut par erat, coluisse?

Nunc accingit se Magistellus ad euersionem illarum vocularum, quibus Bellarminus utitur: ea ex parte; probatque acutissime *partialem Christianismum* non esse admittendum; idque ex verbis S. Petri ad Simonem Magum Act. 8. v. 21. *Non est tibi pars, neque sors in sermone isto. Ergo falsum est, quod Bellarminus asserit; Philosophos Ethnicos, qui vnum & verum Deum agnouerunt ea ex parte fuisse, quasi naturaliter Christianos*: Probatur consequentia. Quia Apostolus Petrus dixit: *Simoni Mago neque partem, neque sortem esse in sermone isto, hoc est, in gratia dandi sanctum Spiritum per manuum impositionem, ut dabant Apostoli*. Quis non miretur acumen huius Magistelli, praesertim cum Bellarminus non dixerit: *Philosophos, qui Deum cognouerunt, quasi naturaliter ex parte fuisse Christianos*; sed; ea ex parte, hoc est, quatenus, & in quantum cognouerunt vnum Deum; *fuisse quasi naturaliter Christianos*. Multum autem hæc duo differunt; sed Magistellus miscuit, alioqui calumniandi occasio præteruolasset; neque suum *partialem Christianismum* procudere & exagitare potuisset: neque enim Bellarminum ferit, sed somnia sua; quæ-

D ; do

do affirmat, & mox magno furore confutat; *Ethnicos fuisse ex parte Christianos*: nam Bellarminus hoc nunquam asseruit.

Verba Lutheri, Kemnicij, & Winckelmanni, quibus hic chartas imple, tanti pendimus, quāti tua: quia bruti non hominis est, dicere; *Rationem ad fidei mysteria percipienda nihil conferre; vires hominis naturales in hominis conuersione, nihil ac ne modiculum quidem agere*. Philosophiam ad fidem viam sternere, Clemens Alexandrinus verissimè scripsit; ergo & naturalis cognitio vnus veri Dei, multum subsidij ad amplectendam fidem confert. Quis enim non videt, ad veram religionem non parum conducere, si quis inanium Deorum multitudinem ex suo pectore remouerit; & in eo vnus Dei veri notitiam plātauerit?

Vt autem Magistelli huius insipientiam omnes intelligāt, prolixam recitat Frācisce Suaretzij ex Metaphysicis Tomis Disputationem de duplici habituum augmento; altero, intensiuo; altero, extensiuo: & post recitationem; optionem dat Bellarmino, *ut eligat augmentum fidei vel intensiuum, vel extensiuum*. Nil opus dare optionem, omnes norunt, prāter ignorantes Magistellos, vt fidem supernaturalem; sic & scientiam seu cognitionem naturalem intensiue, & extensiue augeri possent. Nec tu aliquid contrā adfers; sed omnem operam ponis in mendaciis concinnandis.

Mend. I. Bellarminum scripsisse; *ex parte quempiam posse esse naturaliter Christianum*: Non scripsit hoc Bellarminus, vt iam crebrò monui, sed ait: Philosophos ea ex parte, qua naturaliter Deum cognouerunt, *quasi naturaliter Christianos* fuisse. Quod longè aliter tinnit.

Mend.

Mend. II. Bellarminū dicere; *cognitionē vnius Dei, quæ ex verbo Dei hauritur, maiore esse, q̃ illā, quæ ex creaturū sumitur*; (& hoc quidem verum est, sed falsum, q̃ sequitur) & illa ad hanc accedente, fieri augmentum intensiue & extensiue, & nasci, ex vtra vnum habitum, philosophicum, naturalem, infusum, & spirituale: Nihil horum vsipiam Bellarminus; quia somnia sunt & deliria; nam habitus diuersi specie, qualis est habitus naturalis scientiæ; & habitus fidei supernaturalis, non augent se mutuò; neque intentione, neque extensione; neque magis fieri potest, vt in vnum habitum coalescant, quàm fieri potest, vt lignum & ferrum vna eademque res euadant. Quocirca insanis clamoribus accense, quidquid iste de primo naturali gradu, deq̃ superueniente secundo, & de monstro bicipite, & de Iano bifronte; Bacchicum in morem boat.

III. Mend. Bellarminum fassum esse, Ethnicos, etiam sapientissimos, Deum vnum agnouisse; habentem ad latera, totum collegium minorum Deorum. Nuspiam hoc scripsit Bellarminus: nam quicumque Deum verum & vnum agnouerunt; vt agnouerunt multi ex Philosophis, ij minores Deos nullos agnouerunt, quia cum vno vero Deo minores Dij non subsistunt, vt nec vera cognitio vnius veri Dei cum cognitione plurium minorum Deorum: nam quicumq̃ verè intelligit vnitatem Dei; is simul etiam verè intelligit, nullum alium extra illum vnum, esse verum Deum.

IV. Mend. Bellarminum concessurum, Deum naturalium Christianorum sic esse vnum, vt magis & minus recipiat, & Minoritas in vna essentia, quasi diuina habeat. Nemo hoc vnquam concedet, nisi qui cum Magistello nostro Phreneticus Calumniator esse velit. Nam in primis, Christianos naturales nullos agnoscit Bellarminus propriè

præ loquendo. nam Christianus absolutè & per se loquendo, est vocabulum gratiæ, non naturæ: secundo Deus ille vnus & verus, quem Philosophi ex rerum creaturarum accurata contemplatione inuenerunt; Immutabilis est & infinitus; nullius ergo accessionis vel decessionis capax: neque secum vltos alios seu maiores, seu minores Deos patitur; quia ipse solus verus Deus est; & gloriam suam non dat alteri.

V. Mend. Bellarminum docere, *habitu fidei extendi etiam ad somniationem non renata, ad Deum aliquem, minorum collegium & examen habentem.* Nihil horum in omnibus Bellarmini Tomis inuenies: quia sunt huius Magistrelli inanissima deliria. Fides, ad sua obiecta non extenditur, nisi quatenus sunt diuinitus reuelata. Itaque licet ad ea, quæ naturaliter cognosci possunt, etiam extendatur, vt Deum esse vnum, bonum, æternum, immutabilem, &c. non tamen ad ista extenditur, vt naturaliter cognoscibilia; sed vt diuinitus reuelata: sicut & habitus Metaphysicæ ea non attingit, vt per diuinam reuelationem patefacta sunt, sed vt discursu luminis naturalis innotescunt.

Nunc iterum ex Soarezio exscribit Magistrellus, quomodo augmentum intensuum fiat; quomodo partes huius augmenti vniantur ac copulentur; neque video, quonam alio consilio hæc ex præstantissimi Theologi libris sublegerit, quàm vt chartas infeciret, & grande *speculum* suæ stultitiæ conficeret.

Post recitata Soarezij verba, fatuè contendit, *fidem non posse augeri extensiuè.* Ergo ne fides extensiuè non augetur, cum quis id, quod antea inuolutè tantum & implicite credebat, nunc credit euolutè, explicatè & formaliter? An quis Christianus statim omnes fidei articulos

culos nouit? An non plerunque à quorundam cognitione progreditur ad cognitionem aliorum? Quid, quæso, aliud est, habitum augeri *extensiuè*, quàm actum eius explicite nunc tendere & terminari ad obiectum, in quod antea non nisi implicite & virtualiter ferebatur?

Fidem implicitam vocat Magistellus *fumofam*; idque ex Luthero: Non renuo Epithetum, si de fide Lutherana sermo sit, quia non modò *fumosa*, sed & valdè *fuliginosa* est. Ait, *fidem rationis per viam in fumos resolvere*. Hinc fortè tam *fumosa* est, quàm caminorū expurgator: Nam tractatio fumi, fumum alinit. Vera fides non est contra rationem, vt isti desipiunt; sed supra. Quapropter veræ & rectæ rationis actibus & dictatis non aduersatur; multo minus ea dispellit.

Ait, *fidem secum non pati monstrosas imaginationes de Deo Aristotelico & Metaphysico*. Disputationes de Deo, quas Aristoteles in Metaphysicis instituit, monstrosas esse, nemo, nisi monstrum, affirmauerit. Deus Aristotelicus & Metaphysicus est Deus vnus, verus, bonus, sapiens, infinitus, æternus: naturaliter cognoscibilis. Num talem Deum fides excludit? Num hæretici Metaphysicam nec docent, nec discunt?

Iterum mentitur Magistellus, cum dicit, Bellarminum, existimare; *lucem supernaturalis fidei extensiuè augeri per lucem naturalem scientiæ Physicæ vel Metaphysicæ de Deo & rebus celestibus*. Nemo sanus hoc asserit; quia notum est, habitus diuersæ speciei nec intensiuè nec extensiuè se mutuo effectiuè augere.

Detestare & hoc mendacium. Iesuitæ statuunt habitum Philosophicum & Theologicum esse vnum quid. Qui nam isti tam imperiti Iesuitæ? Item, *sibi mutuo essentialiter subordinari*. Neque hoc quispiam ex numero eruditorum

E

affir-

affirmat, loquendo propriè de essentiali subordinatio-
ne. Aliud mendacium, & quidem Battologicum. *Habi-
tum Philosophicum inclinare ad formanda volūta naturaliter
de Collegio maioris Dei & minoris.* Philosophia ad vnū dun-
taxat Deum, illumque optimum Maximum inclinat:
quidquid ad plures Deos inclinat; id non est Philoso-
phia, sed alogia.

Nec dissimile est hoc figmentum. *Habitum Philoso-
phicum & Theologicum simul & semel inclinare ad spiritua-
lia,* hoc est, *supernaturalia sensa.* Non est ita; fides ad super-
naturalia & diuinitus reuelata inclinat; habitus Philoso-
phicus, etiam cum fide coniunctus, ad naturalia solum-
modo obiecta. Adde & hoc immane mendacium. *Sua-
retz ait, infusos diuinitus & acquisitos Philosophicos habitus
essentialiter subordinari, ita vt vnā fidem exadificent.* Nun-
quam hoc somniauit Suarez, tantum abest vt tale deli-
ramentum in literas retulerit: quod iste vel ex summa
imperitia, vel ex summa malitia, vel ex vtraque ei impo-
nit. Vide Disput. 46. Tom. 2. Metaph. Soarezij, vbi tan-
tum dicit: *Fidem de se aequè inclinare ad quācumq; suā ma-
teriam, quia secundum eandem rationem operatur circa illam;
idemq; contingere docet, vbiq; eadem ratio obiectiua inter-
nenerit, siue sit virtus infusa, siue acquisita.* Et paulò post:
*Quando partialia obiecta sunt connexa & subordinata, nun-
quam potest habitus inclinare ad secundarium, quin vel simul
in re, vel etiam prius ratione aut natura inclinet ad primariū,
quia hoc ex illo pendet.* Ex his Soarezij verbis pessimè in-
tellectis procudit ineptus Magistellus horrificum illud
suum mendacium.

Seq. sectione denarrat nobis Magistellus, ex suo Lu-
thero; *fidem esse instar puncti, non posse augeri, vel minui, vel
in partes diuidi ac distrahi; sed esse totam, vbiq;que est; aut se
tota*

tota non sit; non esse fidem: ac proinde Bellarminum ineptè facere, cum portionem fidei ad Ethnicos derivat, quos quasi naturaliter Christianos appellat, ob cognitionem unius Dei. At hic multa & imperitè & lycophanticè effusa video. Nam primo Bellarminus, nec totā, nec partem fidei; nec partem Christianismi, nec totum Christianismum ad Ethnicos transtulit; quia assensus, quem habuerunt Philosophi de vno & vero Deo, non fuit assensus fidei, sed scientiæ Physicæ & Metaphysicæ.

Deinde Christianismum non nisi improprie illis tribuit; ad eum ferè modum quo *Homo & humana forma* tribuitur, imagini hominis: nempe improprie & analogice, quia refert aliquam similitudinem veri hominis, & est quasi homo, per artem scilicet pictoriam. Præterea, si fides, vt Magistellus affirmat, intensiue & extensiue augeri nequit; cur illi clamarunt? *Domine adauge nobis fidem.* Cur item Apostolus dicit, se pro Colossensibus orasse, cap. 1. *vt ambularent dignè, Deo per omnia placentes: in omni opere bono fructificantes, & Crescentes in scientia Dei.* Et in Corinthiis 1. Corinth. 10. laudat *crescentem fidem.* Iam & Colossenses & Corinthij fidem habebant; Et tamen vtrorunque fidem *crescere* cupit, *crescentemq;* commendat.

Neq; hinc sequitur, eum qui in fide crescit, siue intensiue, siue extensiue; antea non habuisse totam fidem; sed tantum *semifidem*; nec totum Christianum fuisse, sed duntaxat *semichristianum*. Nam minimus quoque fidei infusæ gradus; eiusque ad paucula duntaxat capita; (vt sunt præcipue illa, quæ in symbolo Apostolico continentur) formalis & explicita extensio, ad totum Christianum constituendum sufficit: tamen si ista fides, iste

Christianus & Christianismus postea magis atque magis perfici potest, imò verò debet, iuxta illam D. Petri commotionem 2. Petri 3. *Crescite verò in gratia & in cognitione Domini nostri & Salvatoris Iesu Christi.* Et huius supernaturalis cognitionis ex fide diuina proficiscentis; nihil penitus Ethnicis Philosophis Bellarminus concessit; quando eos, ob cognitionem vnus Dei *quasi naturaliter Christianos esse dixit*; Sed solam naturalem cognitionem vnus Dei eis tribuit; & quia naturalis cognitio vnus Dei affinitatem habet cum supernaturali cognitione vnus Dei, quæ est Christianismi fundamentum, ideo dixit; tales Philosophos, hac ex parte, *quasi naturaliter fuisse Christianos.* Et ita illud, *quasi similitudinem* quandam denotat.

Obiicit Magistellus. *Si hoc ita est; tunc Ethnicus Philosophus erit Christianus non aliter, ac Corydon est Rex, hoc est, Rex non Rex: Christianus non Christianus.* Pictus homo est quasi homo propter similitudinem cum vero homine: propriè homo non est; quia non est præditus anima rationali. Pari modo hic; Ethnicus cognitione naturali vnus Dei pollens, est quasi naturaliter Christianus; & tamen non est Christianus; supernaturaliter scilicet, & per fidei gratiam: quemadmodum neque tu es supernaturaliter Christianus, quia fide diuinitus infusa cares; & impropriè tantummodo Christianismum habes fide humana subnixam; & non multo magis Christianus es, ac Ethnicus, Metaphysicè & demonstratiuè vnum Deum cognoscens. Quæris quomodo Bellarminus hic vocabulum *naturaliter* vsurpet. Respondeo, vt significat cognitionem ex naturæ viribus & fontibus profectam. Quid vis amplius?

Señio-

Sectione quarta clamat Magistellus, etiam Diabolum credere, imò scire; quoniam unus est Deus, teste S. Iacobo cap. 2. Ergo etiam Diabolus hac ex parte, quasi naturaliter Christianum esse. Haftenus Christiani & quasi Christiani appellatio non nisi hominibus tributa est, si tamen lubet Magistello in Dæmonem tam munificum & dapnabilem esse, ut quasi Christiani vocabulum ad eos extendere velit; faciat, per me licet, non impedio; quia certum est cum longè melius scire, Deum esse, & unum, bonum, immutabilem, aeternum, &c. esse, quàm ullus vnquam Philosophus ex Physicis & Metaphysicis demonstrationibus sciuerit; quandoquidem in his scientiis longè est versatior, quàm ullus hominum vnquam fuerit. Adde, quod has propositiones: *Deus est; unus est, &c.* etiam fide acquisita nouit. Hic oggerit Magistellus: *Iesuitas habere communionem cum Diabolo.* An piaculum est, cum Diabolo habere communionem, non in malitia & nequitia, per quam Diabolus factus est Diabolus; sed in eo, quod spiritui illi naturale est? An Lutherani non habent communionem cum Diabolo in ratione *Entis & substantia*? An ideo Lutherani nolunt esse *entia & substantia*; quia Cacodæmon est ens & substantia? An ideo Lutherani nolunt esse creaturæ intellectuales, ne conformentur cum Dæmone, qui & ipse est creatura rationalis? An Mathematicam, Physicam, Metaphysicam discere horrent, quia Diabolus est præstantissimus Mathematicus, Physicus, Metaphysicus? Forte etiam Christum negabunt, ne in Christi confessione videantur habere consortium cum Diabolo Christum illis verbis confitente Marci 1. *Quid nobis & tibi Iesu Nazarene? Venisti perdere nos. Scio, qui sis, sanctus Dei.*

Pro Deum atq. hominū fidem, clamat Magistellus: si hoc non est sanctum & pretiosum nomen contumelia afficere. Non magis, quàm nomen Hominis contumelia afficias, si illud pictæ vel sculptæ imagini tribuas; quia improprie tantum tribuitur: vt iam sæpe dictum. At nunc intueres hoc stupiditatis exemplum. Non hoc volo notitiam naturalem, & ingeneratam esse à Diabolo inspiratam, illa enim per se considerata est veritas Dei; verum quia non renatus nomen Dei vel diuinitatem, cuius notionem habet quorū cordi impressam, non recte distribuit; ideo loco Dei in praxi & applicatione illius vera notionis Diabolum apprehendit. At Apostolus Rom. 1. ait: Philosophos per cognitionem naturalem non apprehendisse Diabolum; sed Deum; quia dixit; eos cognouisse Deum; ergo dicit etiam, eos Deum apprehendisse; quia cognitio Dei est quædam apprehensio Dei. Idem Apostolus Act. 17. disputans coram Arcopagitis; ait Deum definuisse statuta tempora & terminos habitationis eorum, (hominum) quarere Deum, si fortè attrectent eum aut inueniant; Nō dicit; si fortè attrectent Diabolum, aut inueniant Diabolum; sed Deum: ergo Deus verus per notionem illam naturalem singulorum cordibus impressam, attrectari, inueniri & apprehendi potest.

Nec obstat; quod cognitum Deum non glorificauerunt, vt Deum; quia hoc non fuit intellectus virium, sed voluntatis. Valuit in eorum mentibus illud supra iam commemoratum: Video meliora proboque, deteriora sequor. Quæso te, num apprehendit Diabolus Diabolum, quando naturali lumine sui intellectus existentiam & unitatem Dei apprehendit?

At nunc nodos nescit Magistellus. Clamat; Solue hunc nodum, si vires. Quis iste nodus? Ecce tibi. Notitia naturali unitatis Dei sunt naturales Christiani, Ethnicī & Diabolici:

boli: Iesuite sunt etiam notitia illa naturali pradii, & sic ea ex parte naturales Christiani. ergo. Maior est Iacobi, & Bellarmini, inquit Magistellus, Minor negari non potest. Conclusio ergo bona, quam Magistellus non expressit; liberum, opinor, relinquens, ut ex ineptis præmissis, quilibet illis dignam conclusionem colligat. Ad syllogismum generatim respondeo illum esse informem & inuestem; bonæque figuræ & probi modi expertem, ut libenter fatebuntur, qui syllogisticas figuras & modos compertos habent. Maior, si hoc nomine digna, non est S. Iacobi aut Bellarmini, sed plasma insulsi Magistelli; & ita lubricè formata est; ut dubites num dicere velit, omnes naturaliter Christianos notitia naturali unitatis Dei, effici Ethnicos & Diabolos: an verò, omnes Ethnicos & Diabolos notitia naturali unitatis Dei fieri naturales Christianos. Et prior quidem sensus plane est Diabolicus: quia tantum abest, ut quis notitia naturali unius Dei fiat Ethnicus aut Cacodæmon, ut potius ab Ethnicismo aliquantulum recedat; & ad Christianismum accedat, cuius fundamentum est professio unius Dei, & abnegatio multorum Deorum. Neque Dæmonem hæc notitia facit; quia bona est & expetenda: Dæmon autem non fit per aliquid, quod bonum sit, sed per malum & per obstationem in malo.

Hunc autem sensum calumniatori propositum fuisse, indeliquet, quia Iesuitas ingenti conuicio verberare voluit, asserens scilicet, illos esse *Ethnicos & Diabolos*; quod sanè conuicium hunc ex Orco emissum emissarium nequaquam dedecet. Hunc sensum prorsus criminatur exprimere voluit: Nam si Maioris mens ista esset: *Ethnici & Diaboli notitia naturali unitatis Dei sunt natura-*

turales Christiani; tum hæc Minor subsumi deberet: *Iesuitæ sunt Ethnici, &c. Et notitia naturali unitatis Dei pradi-
ti, ergo Iesuitæ fiunt etiam naturales Christiani.* Sed hac col-
lectionis forma calumniandi scopum, ad quem Magi-
stellus collineabat, non attigisset.

Verum antequam hinc abeo, non possum intermit-
tere, quin Magistello venustatem sui syllogismi in alio
prorsus gemello, tanquam in speculo demonstrarem: *Ra-
tione existendi per se fiunt Ethnici & Diaboli substantia; Pra-
dicantes Lutherani sunt etiam ratione per se existendi pradi-
ti: Ergo Prædicantes Lutherani sunt Ethnici & Diaboli.* Nec
Prædicans, Prædicanti, nec carbonarius carbonario tam
similis est, quàm iste syllogismus tuo. Si ergo tuum dis-
suaiaris, oportet, vt nec hunc fratrem eius germanum,
& omnes illos, qui ad similitudinē tui edolari possunt,
amplectaris.

Non absimile est hoc futile Magistelli commētum.
*Quicumq; habent integra naturalia, imaginem Dei integram,
mentem, memoriam, voluntatem, sunt etiam Iesuitæ Ethnici,
non renati; Diaboli etiam habent naturalia integra; Quid
hinc sequitur?* Clamat Magistellus. Video, quid seque-
retur, si maior concederetur. At si negatione expun-
gatur, vt sanè debet; nihil prorsus sequitur; nisi hoc for-
tassis, ex schola VVittebergenſi vix vnquam impuden-
torem & insulsiorem ardelionem exstitisse. An ideo
aliquis est Iesuita, Ethnicus, non renatus, quia habet
naturalia integra? An naturalium integritas est ratio
Ethnicismi, Iesuitismi; & non regenerationis? Si hæc de-
clirandi ratio valet; dicam & ego similiter. *Inter illos,
qui integram habent substantia rationem, sunt omnes Prædi-
cantes*

cantes & Lutherani Magistelli, omnes Diaboli habent integram substantiam rationem: ergo omnes Diaboli sunt Pradicantes; & Lutherani Magistelli. vel, si mauis; ergo Diaboli sunt inter Pradicantes & Lutheranos Magistellos. Quidquid vitij in hoc Syllogismo ostenderis, ego tuo monstro inesse longè facilius monstrabo.

Sectione quinta blaterat Magistellus de *relatiuū, & correlatiuū. Fieri non potest, ut quis sit Christianus sine Christo; quia Christianus & Christus sunt relatiua: sed Ethnici non habent Christum, ergo non sunt Christiani*: peritè in primis ex *denominatiuo & denominante* facit Magistellus *relatiua*. Deinde nuspiam dixit Bellarminus: Ethnicos esse Christianos, quod iste ad naufragium usque mentiendo perpetim inculcat: Sed Ethnicos, qui naturaliter Deum cognouerunt, *ex hac parte, quasi naturaliter Christianos* esse; improprie nimirum & latiore significatu. Neque tales prorsus sunt sine cognitione Christi; nam hoc ipso, quod vnum Deum naturaliter cognoscunt; Christum quoque aliquatenus cognoscunt; quia ille vnus Deus, quem naturaliter cognoscunt, est Christus; vt & Pater, & Spiritus sanctus. Perinde delirat Magistellus; ac si diceret: Homo & hominis ratio seu definitio ad se mutuo referuntur, ergo imago hominis non debet dici homo; quia caret ratione & definitione hominis. *En hominem sine ratione & definitione hominis*. Nugator: An nullum nomen analogicè & improprie alicui tribui potest; nisi ei etiam tribuatur ratio substantiæ seu rei, quam nomen illud proprie significat?

Ex Soarezia Metaphysica, & ex Bellarmino libro de Christo, docet Magistellus à natura diuina, *non posse abstrahi communem Deitatis rationem; hoc enim natura diuina singularissimè singulari repugnare*. Mentitur Magistellus,

F

Bellar-

Bellarminum, *contrarium facere, & communem Deitatis rationem admittere*: ubi quæso? indica, sodes, locum. At Bellarminus concedit, Deum ab Ethnicis Philosophis cognitum. At Deum verum, Deum singularem, per se & in se existentem; omnia penetrantem, &c. non abstractum; non mente fabricatum; nam si qui Philosophi communem quandam pluribus Deitatis rationem apprehendissent, non veram Deitatis, nec verum Deum, sed phantasma capitis sui apprehendissent.

Iubet Magistellus, ut Bellarminus hunc Syllôgismum soluat. *Ethnici sunt Idololatra, sine certo, & vero Deo, sine Christo. Naturales Christiani Bellarminiani Iesuitici, sunt Ethnici, Ergo Christiani Iesuitici sunt Idololatra, sine Deo, sine Christo.* Mirum, quàm ægrè iste adducatur, ut suis præmissis signa *uniuersalitatis*, vel *particularitatis* addat: nam si Maior sit vniuersalis, omnes Ethnici, etiam illi, qui vnum Deum naturaliter cognouerunt, sunt idololatræ, sine certo & vero Deo; Negatur Maior: nam quoad cognitionem, non fuerunt sine certo & vero Deo; atque adeo neque omnino sine Christo; quia certum & verum Deum cognouerunt; & quamuis multi ex illis Deum cognitum, non ut par erat, coluerint, nullum tamen planè ex Ethnicis ab Idololatria destituisse, & cognito abs se vero Deo constanter adhæsisse, repudiat inanis Diis, id neque Apostolus affirmat; neque vllò verisimili argumento ostendi potest. Si Maior sit particularis, Syllogismus non constabit; quia in prima Figura ex *Maiore* particulari nihil directè concluditur.

Vociferatur Magistellus, Gretserum in libro de sancta Cruce scribere; *Crucifixum Christum à Platone descriptum & cognitum.* Inculsa Clementem Alexandrinum & Iustinum Martyrem, si quid hic reprehensione dignum;

dignum; nam cum istis duobus Autoribus Gretserus hoc asseruit; Sicut & Bellarminus cum eodem Iustino & Tertulliano Martyrē, Ethnicos Philosophos ob naturalem cognitionem vnus Dei, *Ex hac quidem parte quasi naturaliter Christianos fuisse.* Vndecunque autem Plato, notitiam illam de Christo & Crucifixione eius hauserit; certum est non haussisse ex creaturarum rerum contemplatione, quemadmodum existentia, & vnitas Dei inde colligi potest; nam hæc de Christo mysteria, sunt supra naturam. Sed non mirum hæc & quædam alia huius generis Platonem attigisse, & insinuassee, quippe, qui libros Mosaicos legerit, teste Aristobulo libro primo ad Philometora Regem apud Eusebium lib. 9. de Præpar. Euangelica, cap. 3. his verbis *Legē nostram in multis Plato secutus est. Apertè namque in multis diligenter examinasse singula videtur. Mosaica enim volumina ante Alexandrum, & ante Persarum imperia traducta fuerant; Vnde plurima sicut & Pythagoras Philosophus illa accepit. Numinus autem Pythagoricus Philosophus, apertè scribit, nihil aliud esse Platonem, quàm Mosē Attica lingua loquentem.*

Refutatio nugamentorum, quæ magistellus in sexta & septima sectione effutiuuit.



ROBARE contendit, Ethnicos Philosophos verum Deum non cognouisse contra expressam D. Pauli ad Romanos cap. 1. sententiam. Probat hoc 1. ex Bellarmino, qui Tomo secundo dicit, *Gentiles idola putasse Deos: vel ceris in idolis creaturas pro Deo coluisse.* Num hoc Bellarmin-

nus de omnibus vniuersim, nemine excepto, affirmat? Num dicit; nullum ex Ethnicorum numero fuisse, qui idola non habuerit pro Deo, aut creaturis in Idolis cultum non detulerit? Nusquam hoc Bellarminus: Et quamuis dixisset; nullum fuisse, qui idola vel creaturas in idolis non coluerit; an ideo asseuerasset, nullum existisse, qui verum & vñum Deum agnouerit? An fieri non potest, vt quis vñum Deum cognoscat; & aliquas ob causas, licet friuolas & vanas, Deo cognito, honorẽ & reuerentiam non exhibeat? An non id contigisse Apostolus disertè scribit? Postea ad testimonium dicendum producit Magistellus Lutherum, Chemnicium, Hunnium, Winckelmannum, & Gesnerum, quorum effata, imperitiæ plenissima, non magis moror quàm Magistelli huius insanas vociferationes.

Sectione septima ingenti hiatu & boatu pollicetur se ex rationibus euiturum, Ethnicos Deum verum non cognouisse. Et vt bonam spem promissi exsoluendi nobis præbeat; furiosè inuehitur in Stapletonum quem non intelligit; & cui post horrida Maniæ tonitrua hunc in modum valedicit. *Credo Stapletonum ebrium in Martinalibus, hac scripsisse*: Certè, si quis suspicetur, tuum speculum in Martinalibus fuisse fabrefactum & in Bacchanalibus expolitum, is à vero non longè auius abit. Forsan à Magistello rationes expectas: frustra. Prius conuiciis depectendus est Gretserus: hoc præstito, declamatio institui debet in densissimas & fermè Ægyptiacas rationis non renatæ tenebras; quæ tantæ sunt, vt ratio non renata, ne Melanchthonicam quidem *Grammaticam, aut Rhetoricam, aut Dialecticam* capere queat.

Et vbi tandem promissæ rationes? Nullam adhuc video; nisi fortè hoc somnium pro ratione accipere velimus.

mus. Athenienses crexerunt aram ignoto Deo; ergo nullus Philosophus agnouit unum & verum Deum. Pulchrè, vt & hoc. Philosophi Ethnici non cognouerunt Deum trinum & unum: ergo nec unum. Egregiè. Perge. Philosophi Ethnici cognouerunt solummodo incertum Deum; & apprehenderunt quandam Deitatis rationem pluribus Diis communem; ergo non cognouerunt unum & verum Deum. Antecedens ait esse Soarezij, sed mentitur; nam hoc dicit Suarez, cum, qui rationem Deitatis vt in pluribus indiuiduis multiplicabilem, apprehendit; non veram Deitatem, sed fictitiā concipere. At non negat; Deum vnum atque adeo diuinam naturam vnam, verè ab Aristotele, & aliis intellectam & explicatam: imò Deum vnum & verum naturaliter cognitum fuisse, & cognosci posse, copiosissimè & doctissimè in suis Metaphysicis disputationibus demonstrat.

Sed en aliud Magistelli delirium. Si quis viribus natura potest cognoscere Deum vnum & verum; sequitur, posse aliquem viribus natura implere primum præceptum Decalogi. Negatur sequela: quia ibi non tantum præscribitur præceptum de cognitione naturali vnius Dei; sed & de cognitione supernaturali fidei; qua Deum non modo vt vnum, sed & vt trinum, & alia mysteria, naturam longè transcendentia cognoscimus. Non examinabo autem, num Magistellus rectè dicat, primum decalogi præceptum esse de cognitione Dei. Legatur Gregorius de Valentia Tom. 2. Comment. Theolog. Disput. 7. Quæst. 7.

Postea disputare incipit, num falsitas sit in intellectu. Admodum scilicet tempestiuè, Recitat verba quædam Soarezij; ad cuius lectionem tam aptus est, quàm bos ad ceroma. Tandem vbi ex Luthero varia Luthero &

rali Magistello digna dicta depromsit, hoc spiculū intorquet. *Non possumus quidquā ex nobis, quasi ex nobis, sed sufficientia nostra ex Deo est, teste Apostolo; ergo nemo potest ex viribus natura existentiam & unitatem Dei cognoscere.* Respondedo; Antecedens intelligendum de actionibus gratiæ, & vitæ æternæ meritoriis; qualis non est naturalis cognitio Dei; Et ideo ab humano intellectu, quem solum naturæ lumen illustrat, exerceri posse.

Refelluntur calumnia de Auctore peccati.



CLAMOSISSIME vociferatur Magistellus peccata Ethnicorum esse Bellarmino, *causam Christianismi*: Et per consequens, à Bellarmino constitui *Deum peccati auctorem & amatorem*. Diu, & quidem summa cum nausea, rimatus sum, quidquid hoc loco Magistellus in chartam ecommuit; Et num vel aliquid sano capite dignum comparet, sedulò dispexi: Ne micam quidem rationis & doctrinæ reperi; furoris autem & amentię integros modicos. Annon enim furor & amentia est, ita Bellarminum aggredi. *Homo non renatus, concipit Deum ex naturali dictamine, ut mēdācem, & peccati auctore; & ut collegio quodam minorum Deorum, quasi in diuinitate collegarum stipatum. Sed hoc est peccatum; Et tamen ponitur à Bellarmino fundamentum naturalis Christianismi; ergo Bellarminus constituit peccata Ethnicorum pro fundamento Christianismi.*

Hic quid primum mirer nescio. Nam & incredibile ex his clucet malitia, incredibile inscitia, cum pari impudentia. Nam ubi unquam dixit, aut scripsit Bellarminus, Ethnicos Philosophos factos esse *quasi*

NATURA-

naturaliter Christianos per dictamen de Deo, quoddam mendax: Auctor peccati, & minorum Deorum comitatu cinctus? Dic, os immundum, ubi hoc dixit, scripsit, somniauit Bellarminus? Deum censere mendacem, auctorem peccati, & minutoribus Diis cinctum non est dictamen naturalis rationis, sed stultitia & vesania; nam quod contra rationem est, id non est ex ratione. Quid autem magis est contra rationem; quam credere, Deum esse mendacem, effectoremque scelerum? Num dicere; Philosophos Ethnicos cognouisse unum verum Deum, bonum, infinitum, immutabilem, aeternum, idem auribus tuis sonat; quod dicere; Deum esse mendacem; & architectum peccati, & plurimum minorum Deorum consortio circumdatum?

At Zanckius scripsit: *Remanere adhuc in natura hominis infixam illam persuasionem serpentis: Deum non semper verum dicere: Quid Bellarmino cum Zanckio Caluinista? Num tu Bellarminum adiges, ut eius dicta præstet? Tu monstra Bellarminum scripsisse, Philosophos Ethnicos factos esse quasi naturaliter Christianos, quoddam sibi persuaserint, Deum esse mendacem & peccati auctorem: Quapropter vanissima est & hæc criminatio: Omnis Iesuita, & in his etiam Bellarminus & Gretserus, est Philosophus; ergo omnis Iesuita concipit Deum unum ut peccati auctorem, amatorem, & procuratorem. Quid est stultescere, & ex summa stultitia sycophantari & calumniari, si hoc non est? Quisquis Deum unum hoc modo conciperet, & apud animum suum informaret, is utique non Philosophus: sed fatuus & fungus foret; cum lumine naturali notum sit, Deum esse veracem & bonum, imò omnis veritatis & bonitatis originem, ac proinde ab omni mendacio & malitia longè remotissimum.*

Docet Bellarminus lib. 2. de gratia & libero arbitrio
cap.

cap. 16. reprobationem duo includere, quorum alterum ait esse negativum quiddam, nempe *carentiam voluntatis salvandi reprobos*, quæ carentia vocatur etiam, *Non prædestinatio*, prædestinationi contradictoriè opposita. Et huius nullam esse causam ex parte hominum; alterum dicit esse actum positivum, videlicet *voluntatem reprobos damnandi*; Et huius causam esse ex parte hominis, prævisum peccatum, originale vel actuale vel utrunque.

Hic vocem tollit Magistellus; vociferans; *Bellarminum cum Calvinistis arbitrari, Deum quosdam absoluto suo decreto; & sine ullo ad demerita respectu, ad damnationem æternam præordinasse; & destinasse; Et hinc sequi, Deum esse peccati auctorem; cum qui absolute vult efficaciter finem, hoc est, æternam alicuius damnationem, is etiam efficaciter velit & procuret media; media autem ad damnationem æternam sunt peccata.*

Cæterum hæc Bellarmino affingere manifestissima est calumnia; cum ipse apertissimè scribat, Reprobationis adæquatè sumptæ, & ut re ipsa etiam executioni mandatur, causam ex parte hominis, esse prævisum peccatum originale, vel actuale, vel utrunque. Num hoc Calvinistæ docent? An non cum suo Caluino palam affirmant, Deum quosdam ad æternam damnationem præordinasse absque vlla ex parte hominum causa; tantum, quia sic voluerit; & sic ei placuerit. Et ut hoc suum absolutum decretum executioni mandet, cum corda hominum, ad flagitia inclinare & impellere. Num ita Bellarminus sentit? Sed iste ut calumniatores assolent, unum frustum accipit, & illud exagitat, omisso altero; cum tamen hæc reprobatio *negativa*, nihil sit aliud, quam non prædestinatio ad vitam, seu negatio prædestinatio-

destinationis: non autem ordinatio ad poenam æternam; hæc enim illo altero positivo actu perficitur, cuius ex parte hominis reperitur causa, nempe peccatum originale vel actuale mortale, vel utrunque. licet ex sententia quidem Bellarmini negationis illius, quæ in non prædestinatione consistit, nulla detur causa ex parte hominis. De quo nil necesse hic disputare: aliter alij sentiunt, nominatim Gregorius de Valentia Tom. 1. Comment. Theolog. Disp. 1. Q. 22. p. 4. non procul à fine. Hoc certum & exploratum esto, sententiam Bellarmini de Reprobatione tantum distare ab opinatione Caluini, quantum cælum à Tartaro.

Furiôsè mentitur Magistellus, Bellarminum negare, *Deum esse vinum*. Probat, quia docet; *Deum velle mortem peccatorum*. At Deus in sacris litteris clamat. *Vino ego nolo mortem peccatorum*. Si ergo vult mortem peccatoris, sequitur eum non *vinere*; quia si mendax est in uno, etiam mendax censeri debet in altero; cum ait; *Vino ego*. Respondeo, Deum nolle mortem peccatoris absolute; & quantum est in se, quia misericors est; velle autem mortem peccatoris, præsupposito & præiusto peccato, & finali in eo perseverantia; quia Deus iustus est: Sicut & iudex absolute non vult mortem & suspendium hominis, vult tamen præiustis & præsuppositis furtis, rapinis, latrocinis. Iam Bellarminus non dicit Deum *absolute & simpliciter* velle mortem peccatoris; sed præiusto peccato: Nam actus ille prior negatiuus seu in negatione prædestinationis positus, qui secundum Bellarmini sententiam præiustionem peccati antecedit, non est condemnatio ad poenam; sed præcisè, non prædestinatio; condemnatio enim & ordinatio ad poenâ æternam, fit per actum reprobationis positivum, qui non est, nisi præiusto peccato.

G

Multa

Multa garrit de vita Dei; & rursus Soarezium expilat; Eiusq; dicta transcribit. Admodum scilicet opportunè. Num Bellarminus Deum viuere negat? Quæ hæc est ruditas? *Bellarminus dicit: Deum velle mortem peccatorum*, præsupposito scilicet & præiusto peccato, inque eo perseverantia finali; *ergo Bellarminus asserit; Deum non vivere*. Si dicit eum velle; quomodo dicit eum non vivere? An velle non est viuere? An actio voluntatis non est actio vitalis?

Quæris ex Bellarmino, *an Deus voluerit Iudam & Achitophellem, qui se suspenderunt, saluare*. Respondeo, voluisse, quantum in se est; quia Deus vult omnes homines saluos fieri, teste Apostolo: non voluisse, præiustis eorum sceleribus, & in iis vsq; ad mortem perseverantia.

Cætera, quæ Magistellus vsq; ad sectionem decimam despuat, sunt aperta mendacia, manifesta conuicia, calumniæ Diabolicæ; ruditates plusquàm asininae; vociferationes insanæ. Clamitat nescio quid de *circulo & quadratura circuli*, deque disputatione Pererij aduersus Zimaram, *num circuli quadratura sit possibilis*; de Triangulis, de ternario numero. Si causam quæras, aliam non inuenies, quàm quòd sibi voluit ansam dari vocandi Bellarminum, admodum scilicet vrbanatim; *truncum quadratum*. Hoc conuicium Magistello periisset, nisi de *quadratura circuli* insulse gannire & garrire ingressus fuisset. quemadmodum etiam tam multa de his tribus. I. *Deus* II. *Mediator Christus*. III. *Homines electi*. Nugari non licuisset nisi de *Triangulis* subtilem disputationem interposuisset. Lector legat Bellarminum lib. 2. de gratia, & lib. arbitrio cap. 3. & cap. 8. Et omnes sycophanticæ criminationes statim euanescent & vna cum illis etiam hæc, *Causa vera reprobationis est peccatum*, Osee 13. *Perditio tua*

tua exte, peccatore. Causa reprobationis referenda est ad solam Dei voluntatem, teste Bellarmino, Iesuitarum ore & promodo condo. Ergo quoddam peccatum referendum ad solam Dei voluntatem. Apage te Satan. Quid ad hac Gressere? Duo; primum te esse ineptum ac informem Syllogistam. In qua figura, in quo modo est tuus iste Syllogismus? Secundum, te esse eximium criminatorem. Nam Bellarminus disertissime & apertissime docet, ex parte hominis, causam reprobationis, prout significat voluntatem Dei aliquem perpetuò damnandi, esse peccatum originale vel actuale mortale, vel utrunque: atque adeo perditionem istam æternam proficisci ab homine peccatore non à Deo.

Sed iam maius opus mouet Magistellus: Et Bellarminum spiculis ex libro de gratia primi hominis (qui est primus in Tomo quarto controuersiarum) fabricatis validissime oppugnat. *A quo natura est in puris naturalibus condita, ab eodem sunt motus illi inordinati partis inferioris. Atqui natura est condita à Deo, ergo etiam ab eodem conditore dependent illi motus inordinati.* Respondeo, maiorem esse falsam, si sensus sit, ut esse deber, motus inordinatos appetitus sensitiui quatenus formaliter sunt contra rationem, eidemque aduersantur, esse à Deo, prout ab illo esset natura, si quæ in puris naturalibus condita esset: nam motus illi, sub hac ratione, sunt defectus quidam, & morbi, atque adeo priuationes re-
stitutionis; & tales quidem, quæ ad aliam priuationem, quæ verè peccatum est inclinent. Quocirca motus illi inordinati formaliter, ut tales, ad Deum, tanquam ad Auctorem referri nequeunt: nam concupiscentia non est ex patre, sed ex mundo. 1. Ioan. 2. tametsi; sicut ipse actus peccati, materialiter ut est quoddam ens, à Deo

efficitur; ita & motus illi, quatenus sunt actiones Physicæ, à Deo, ut à causa, proficiunt.

Vide verò mirabiles suppetias, quas huic suo Syllogismo vel potius propositioni primæ Syllogismi Magistellus submittit. *Quidquid fuit ante lapsum in homine, illud omne in solidum fuit à Deo conditum*, teste, Bellarmine, *teipso*. *Motus illi inordinati fuerunt in Adamo ante lapsum, & ante peccatum primum inobedientia, ergo motus illi inordinati (peccati rationem habentes) conditi fuerunt à Deo*.

Hic aduerte, lector, quàm scitè Magistellus inferat in conclusionem huius secundæ Syllogismi, propositionem Maiorem primæ Syllogismi, quàm ut probaret, hunc Syllogismum secundum construxit. Attende secundò, quàm subtiliter conclusionem per parentheses interponat illud, *peccati rationem habentes*, quod in neutra præmissa apparebat.

Tertiò considera, quàm stultè asserat, *in Adamo ante lapsum fuisse illos motus inordinatos, à ratione auersos, atque adeo rebellionem carnis contra spiritum*: cum per iustitiam originalem appetitus sensitivus cum omnibus suis actionibus perfecte subiectus fuerit, hæcque mutua pugna, non nisi iustitia originali amissa, existerit. Itaque Minor huius alterius monstrosi Syllogismi cum veritate nullo modo consonat.

Mox ubi Magistellus de bono nonnihil deliravit, & ex Metaphysica Soarezii periodos aliquas descripsit; noua mendacia procudere incipit, & quidem Battologica, ex quibus istud agmen ducat: Bellarminum dicere; *in homine integro peccatum ipsum fuisse inordinatos motus peccatum ipsum potentia*, ita nimirum, *ut actum secundum eorundem; iustitia originalis saltem cohibuerit*. Ne intelligenter quidem loqui potest Nouator iste, tantum abest,

abest, vt doctè disputare didicerit. Sed omiffa infulfitate sermonis, nusquā dicit Bellarminus, in homine ante lapsum *fuisse motus inordinatos*. Nusquam dicit; *hos motus inordinatos in homine ante lapsum, fuisse peccatum potentiā*: figmenta hæc sunt Zephyriana, quouis vento leuiora; non asserta Bellarminiana: quia motus illi auerfi à ratione non fuere in statu innocentiae, quomodo igitur erant *peccatum in potentiā*? Fortè voluit dicere: Fuisse appetitum sensitiuum, ex quo, remota iustitiā originali, inordinati motus prodire, & per consensum voluntatis, in verum peccatum abire poterant. Quod licet verum sit, nil tamen ineptiam Magistelli iuuat: qui ex sua imperitia & pseudologia hunc Syllogismū exstruit. *Peccatum in potentiā est verè peccatum, teste Bellarmino. Vbi testatur hoc Bellarminus, ô Magistelle? Motus illi partis inferioris repressi imagine Dei, fuerunt peccata in potentiā. Vbi hoc Bellarminus? Monstra locum. Motus isti ne actu quidem existentes, peccata sunt, propriè loquendo de peccatis; si voluntatis consensu carcant, tantum abest, vt sint peccata, quando in potentiā appetitus sensitiui latent, neque actu sunt elicit, & extra causam suam producti. Ergo verè fuerunt peccata, & quidem à Deo insita, indita. Cum falsa fuerit Maior, falsa Minor, quid nisi falsissima conclusio expectanda erat? Vbi iterum conclusioni fraudulenter vuculas infercit, quæ in neutra præmissarum existant, illas nimirum; Et quidem à Deo insita indita.*

Ait Bellarminus: *Inclinationem ad malum non oriri ex peccato originali directè sed indirectè, quatenus remouet prohibens; hoc est, quatenus priuat iustitia originali, quæ faciebat, vt appetitus sensitiuus non inclinaret ad malum. Hinc nascitur Magistello nostro istud Syllogis-*

mi monstrum. *Inclinatio ad malum in naturalibus, fuit ante peccatum originale. Inclinatio ad malum est peccatum: Ergo quoddam peccatum in homine fuit ante peccatū originale Adami, Respondeo, Maiorem esse falsam, Minorē falsam, conclusionem falsam, totumq; Syllogismum ineptum, sine figura & modo. Quomodo inclinatio ad malum fuit in Adamo ante peccatum ab ipso patratum, (quod ab isto inscitè nominatur *peccatum originale*, cum fuerit actuale) si iustitia originalis inclinationem appetitus sensitiui ad malum compressit ac coërcuit, ita, vt ipsa præsente, nihil penitus loci haberet?*

Scire cupit Magistellus, & magnis vocibus, vt explicetur, exposcit, vnde nam sit illa ataxia & inordinatio inter appetitum sensitiuum & rationem. *Aut enim est à Deo, aut à Diabolo.* Iam respondit Bellarminus, nec esse à Deo, nec à Diabolo, tanquam ab auctore; sed indirectè ex peccato originali, quod nos iustitia originali exuit; directè autem ex conditione materiæ, seu appetitus sensitiui, qui ita comparatus est; vt quando cum ratione in vno supposito coniungitur; quemadmodum sit in homine; inclinet ad bona sensibilia rectè rationi contraria; non ex intentione conditoris; qui cuncta; quæ fecit, bona, & ad bonum propendunt fecit; sed ex ipsis appetitus sensitiui defectu, sicut cum gladius rubiginem contrahit, non habet illam à fabro, sed ex ferri conditione, quæ est, positis quibusdam circumstantiis, rubigine affici. Et quamuis tota Entitas appetitus sensitiui, & inclinatio eius ad bonum, sit à Deo, vt ab effectu, non tamen est à Deo formaliter, vt ad malum propendet, quia vt sic, non est aliqua entitas seu perfectio, sed potius perfectionis negatio. Quare ad Deum, vt ad causam efficientem minimè referri debet, quia totum hoc ad causam secundam deficientem spectat: Sicut de-

ent defectus, qui cernitur in claudicatione, solum refertur in tibiā claudicantē, non autem in virtutem motiuā, quia motus iste in virtutem motiuā tantum refertur, quatenus habet aliquam entitatem, quo pacto non est ei annexus ille defectus claudicationis, quia ei tantum annectitur, quatenus procedit à tibiā infirmā, sub qua ratione non est hic motus à virtute motiua, sed à tibiā infirmā, & deficiente à recto motu; vt ad similem quandam obiectionem respondet P. Gregorius de Valentia Tom. 2. Disput. Theolog. disp. 6. Q. 9. punct. 1. Quem lege. Itaque & in proposito, inclinatio appetitus sensitiui ad bonum rectæ rationi consentaneum est à Deo, & ab appetitu sensitiuo, quia est quædā perfectio: inclinatio autem ad malum, non est à Deo, quia est imperfectio, & negatio quædam rectitudinis. Vnde ad solam causā secundā, quæ à norma præscripta desciscere potest, referri debet. Quomodo autem sub alia ratione, nempe vt pœna peccati tam concupiscentia, quā pronitas ad malum, à Deo esse possint, explicat Bellarminus lib. 5. de amissione gratiæ cap. 14.

Post horribilem in Bellarminum & Gretserum conuiciorum nimbū, denuo in mentiendi campum sese effundit; in quo ita expaciatur, vt cogitasse videatur, neminem mortalium amplius superesse, qui mendacium à veritate, & hanc ab illo discernere queat. Quale enim hoc monstrum? *Iesuitas talem fingere naturalem Christianum, cui Deus dederit in creatione peruersam naturam, inclinātem ad mala, non secus ac lupo dedit naturam inclinātem ad animalium rapinam & morsum.* In primis nullum agnoscimus naturalem Christianum, nisi eo sensu, de quo fuscè supra. II. Si Deus hominem quempiam
in pu-

in puris naturalibus condidisset, natura eius fuisset bona; & ad bonum naturaliter inclinans; non mala; aut peruersa; nec ad malitiam aut peruersitatem inclinans; & tota propensio ad id, quod rationi contrarium est; ut iam in statu naturæ lapsæ; ita & tunc; non fuisset à conditore; sed ex defectu causæ secundæ à recto tramite exerrare valentis.

Quale insuper mendacij portentum, quando dicit Magistellus, Bellarminum scribere, *peccatum actuale fluere ex originali per accidens*. non dixit hoc Bellarminus de peccato actuale, sed de concupiscentia, ut voluntatis consensum anteuertit; hanc docet *per accidens nata ex peccato originali*, quia hoc spoliavit hominem iustitia originali, qua præsentem, concupiscentia nullum locum habebat.

Quæris; *quæ sit causa per se illius mala inclinationis & concupiscentia*. Facilis responsio: Appetitus sensitivus per se est causa concupiscentiæ. Et ipsius etiam ad malum inclinationis. Quæris, *Vnde ipse appetitus?* Vtique à Deo. Infer. *ergo etiam concupiscentia formaliter ut malum quoddam est; & mala inclinatio est à Deo*. Non sequitur. Perinde ac si diceret, Tibia est à Deo, & potentia moriua est à Deo; vno verbo; totus homo est à Deo; ergo etiam claudicatio tibie est à Deo. Liberum arbitrium est à Deo; ergo etiam prauitas actus, qui ex libero arbitrio proficiscitur, est à Deo. Ensis est à fabro; ergo & rubigo, quam ensis, præter fabri intencionem, contrahit, à fabro erit.

Obiicit Magistellus. *Si originalis iustitia impedimentum tantummodo largita est, quo inclinatio naturalis ad malum duntaxat suppressa est; ergo prior fuit illa peccato originali, nam impediens actuale, & impeditum simul sunt.* Respondco,

spondeo, inclinationem ad malum & concupiscentiam dici compressam ab originali iustitia, non quòd existeret; sed ne existeret, atque in actum prodiret: nec verum est, quod Magistellus ait, *impediens & impeditum* semper esse, hoc est, existere simul. Nam si quis te impediatur, ne ambulare possis; num *impedimentum & impeditum*, nempe ambulatio, simul existunt? Num impedis ne ambules; & tamen ambulas? Vt ergo in hoc exemplo impeditur non id quod est; sed id quod esset, si *impedimentum* amoueretur; ita per iustitiam originalem non impeditum est, quòd erat; sed quod fuisset, si iustitia originalis non obstitisset. In beatis impeditur à beatitudine omnis inclinatio ad malum, omnis prava concupiscentia, omne peccatum: num tu ex plumbeo tuo acumine inferes; inclinationem ad malum, pravam concupiscentiam, & peccatum esse in Beatis, quia ex decreto cereuisiarij tui axiomatis, *impediens & impeditum semper sunt simul.*

Contra exemplum de rubigine ferri, quo Bellarminus vtitur lib. de gratia primi hominis cap. 5. oggerit Magistellus: *Etiamsi rubigo adueniat ferro prater fabri intentionem, naturam tamen & Deum ita ferrum condidisse, ut rubiginis sit capax: ita & hic Deum condidisse naturam seu sensualitatem, qua inclinationis ad malum & concupiscentia capax est: Recte igitur hanc inclinationem & concupiscentiam pravam Deo, ut auctori, adscribi.* Respondeo, si hoc argumentum aliquid efficit, tunc Magistellus paratam habet viam, omnia omnino scelera Deo adscribendi; quia Deus fecit eam naturam humanam, in quam furta, latrocinia, adulteria, & id genus alia crimina cadere possunt: omniumque capax, & ut Magistellus loquitur, *receptina* est: Et omnia ista scelera in fure, latrone, adul-

H

tero,

tero, &c. insunt in hominis anima; eo modo, quo cæcitas est in oculo, surditas in auribus, &c. Si igitur malæ inclinationes & prauæ concupiscentiæ ideo Deum autorem habent; quia fecit naturam; quæ harum est capax; etiam prædictorum criminum Autor erit, quia fecit naturam, in quam omnia ista cadere possunt. Si hoc non tantum est falsum; sed & impium; cur non & prius eadem censura notaretur? Fecit Deus hominem rectum & bonum. Iam quidquid defectus vitiosi & peccaminosi superuenit, id non à Deo est; sed ab aliis causis ut iam sæpe diximus.

Fermè effugerat oculos meos hic vel in primis spectabilis Syllogismus. *Concupiscentia originem habet à Deo. Concupiscentia est propriè peccatum, ergo quoddam peccatum originem sumpsit à Deo.* Respondeo, Maiorem esse falsam; Minorem similiter. Ne miseris si gemina hæc falsitas conclusioni etiam affricetur. Porro si loquatur Magistellus de concupiscentia, ut est pœna à Deo ob peccatum inflicta, non formaliter ut est propensio ad bonum sensibile rectæ rationi aduersum; tum esto Maior; sed falsa est minor, fusissimè omni argumentorum apparatu à Bellarmino profligata lib. 5. de amissione gratiæ.

Sectione tandem vndecima & vltima primi sui exercitij (sic enim appellat) inuehitur Magistellus in Bellarminum, quod lib. 4. de amissione gratiæ cap. 11. dicat animas humanas non esse *extraduce* per naturalem propagationem, sed à Deo ex nihilo creari. Obiicit. *Idem sentire Calvinistas.* Quid tum? An ideo veritatem deferemus, quia illam interdum amplectuntur Calviniani? Num vnum Deum trinumque non credis, quia Beza, Zancius & alij hunc articulum credunt?

Obiicit

Obiicit. *S. Augustinum non fuisse opinionis Bellarminiana. At esset, si hodie viueret; quia communis iam est apud omnes orthodoxos. Multò verò minus est eius delirationis, quàm tu cum tuis crassioribus Lutheranis amplecteris.*

Ais; *difficulter ostendi posse quomodo anima contrahant peccatum originale, si à Deo creentur, non unà cum corpore à parentibus generentur; & hoc argumento Augustinum propriè absteritum fuisse à sententia illa, quæ dicit, animas à Deo creari. Attu, si Magister non Magistellus eras, referre & syncerè refellere debebas, quæ Bellarminus ad hanc difficultatem tollendam differit cap. 12. lib. 4. de amiss. gratiæ; vbi perspicuè ostendit, quomodo originale peccatum cum animarum creatione consistat. Non repero. Liber in promptu est, inspiciatur; & clamores Magistelli mox nebulæ fient.*

Oggerit. *Si anima per coniunctionem cum corpore peccato originali inquinatur; sequitur, Deum esse auctorem peccati originalis, quandoquidem est Auctor illius unionis.* Respondeo, sequelam esse nihili & nauci; non enim Deo iungit ut peccator fiat, sed ut homo fiat; nec concurrat ad id, quod est defectus, sed ad id, quod est perfectio. Nam si iste concursus ad unionem faceret Deum auctorem peccati originalis, idem de concursu Dei ad actum furti vel latrocinij dicendum esset. At quis ita ineptit, vel potius insanit, ut hoc asserat?

Occinit Magistellus. *Materiale non posse directè agere in immateriale, citatque Soarezium, ut planum faciat, quam tritus sit in Metaphysica doctissimi illius Theologi. Quomodo ergo anima immaterialis in corpus demersa, ab illo impressionem aliquam vel impetum capiet? Hanc ruditatem tibi eximere poterat Bellarminus; qui rectè docet,*

peccatum originale non transfundi ex corpore in animam, quasi ipsum corpus, in quo anima recipitur, sit peccato contaminatum. Sed eo ipso, quod anima vnitur carni, quæ ortum suum trahit ex Adamo, in quo omnes peccauerunt, priuatur originali iustitia, & sic peccato originis inficitur.

Quærit Magistellus. *Quando Deus animas hominum ex nihilo creat, & corpori immittit, in quem finem illas ex nihilo creet?* Respondeo, vt ex coniunctione animæ cum corpore homo existat, qui Deo creatori suo seruiat, Et hac seruitute tandem æternam beatitudinem adquirit.

Quæris, *Quare Deus damnat aliquas animas?* Respondeo, propter admissa peccata; nam peccata sunt causa reprobationis & damnationis. Mentitur immaniter, Bellarminum docere; *Animas creari à Deo puras, & à peccato mundas, & postea ad consortium peccati, nimirum irritamenta corporea carnalia ablegari.* Vbi hoc Bellarminus? An non ex professo illorum sententias refellit, qui volebant animas prius existere, quàm corpora, quorum sunt formæ informantēs?

Imperitissimè existimat Magistellus, *animam prius tempore existere, & quidem puram & immaculatam, quàm cum corpore vniatur; quasi non eodem puncto seu instanti, quo creatur ex nihilo, pariter corpori vniatur, sicut & anima bruti eo ipso momento quo ex potentia materiæ educitur & producitur; cum corpore vnitur, nec prius tempore existit, quàm vniatur.* Ex quo corruunt omnes inepti & insulsi clamores, quibus Magistellus hic furit ac perfurit, scire volens, *cur Deus animas immaculatas & ab omni criminis labe seiunctas in corpora peccato maculandas detrudat; & ad æternam damnationem immisericorditer destinet.* Inficeta blateramenta audis, in quibus ne guttulā

gula quidem mentis. Nam anima nunquam ante corpus immaculata existit, quandoquidem nunquam ante unionem cum corpore existit. Et si quam animam, vel potius hominem, Deus ad supplicia æterna deputat, id non fit, nisi quia prævidet fore, ut talis homo mediis ad salutem præscriptis & diuinitus concessis, non utatur; Sed peccatis se inquinat, in iisque absque pœnitentia ex hac vita decedat.

Oggannit: *Non decere misericordiam Dei, ut animam ei corpori uniat; ex cuius unionē originale peccatum contrahat.* Respondeo, misericordiam & iustitiam Dei decere, ut rebus naturalem cursum relinquat: Naturalis autem rerum cursus hoc exposcit, ut Deus tanquam causa vniuersalis ad rerum productiones naturales concurrat, & opem suam conferat: Siquid iam defectus interuenit, eius nulla culpa teneretur Deus; sed causa secunda: cum enim in Adamo, omnes posterius eius peccauerint, & iustitiam originalem perdiderint, sit ut quotquot ab illo nascuntur, iustitia originali priuati atq; adeo peccato originali obstricti nascantur, non culpa conditoris, sed sua; neque enim Deus Autor fuit Adamo, ut peccaret, aut posteris, ut in Adamo tanquam in communi parente suo, peccatum admitterent.

At dicat nobis Magistellus; An non concurrat etiam Deus ad unionem animæ cum corpore secundum Lutheranos, licet, ut ipsi volunt, anima à parentibus generetur? An vlla sit naturalis generatio sine ope & actione Dei? An non concurrat Deus ad generationes Leonis, bouis, equi, vno verbo, omnium animalium, quorum animæ ex materiæ potentia educuntur? Erit ergo Deus peccati originalis auctor, & immisericorditer agit, quod causas secundas adiunat, ut producant animam,

H 3

quæ

quæ simul atque producta & carni vnita est, grauissima labe contaminatur. Ad hæc & similia, quod pro se & suis Lutheranis Magistellus vere responderet, id etiam sibi à nobis responsum arbitrerur. Si tamen furiosus iste Nouator ullū responsum intelligenter vel dare vel accipere potest; cum quidquid loquitur, nil aliud sit quàm inania & inscitia.

Inualefcit autem indies magis atque magis inter Lutheranos hæc de animarum traduce ac propagine somniatio: in qua etiam fuit olim Herbrandus, cui poëta Ingolstadiensis hoc distichon honoris causa accinuit:

Totus homo ex homine Herbrando producit. Ecce.

Quantos errores iste Beanus habet.

Quod distichon ego itidem Magistello nostro ob eandem deliram opinionationem decantatum volo. Hactenus de prima parte speculi, in quo Zephyrianam amentiam & ignorantiam dilucidissimè cuius inspicere volenti speculari licet.

*Refutatur altera pars speculi Zephyriani:
cum breuicula defensione Muricum
Pradicanticorum.*



OSTRA opuscula, quæ cum Panegyrico Miscenico Anno Redemptoris M. D. C. V. I. euulgauit, est vnum hac inscriptione. *Demonstratio aduersus sectarios præcipuorum quorundam Ecclesia Catholica dogmatum, ex communibus inuolant, hoc est, notitiis omnium Christianorum pectoribus insculptis, & ex vulgari infima etiam plebis loquendi consuetudine.*

Reuidi postea & auxi hoc opusculum, auctumque separatim publicauit Anno salutis M. D. C. V. I. I. hoc titu-

lo:

10: *Murices Catholica, & Germanica antiquitatis, ſectariorum Prædicantium pedibus poſiti & ſparſi: Hoc eſt, Demonſtrationes quorundam orthodoxæ Eccleſiæ dogmatum ex communibus notionibus vulgatisq; ſentiendi, loquendi, & agendi rationibus, & formulis deſumptæ: quas nunquam euerſent, niſi prius Germanicam linguam, animosq; Germanorum penitus inuертant.* Inſcripſi *Murices*, quod iſ qui librum meum in Germanicam linguam verterat, R. p. *Conradus Vetter*, Germanicè appellaret, *Lemeiſen für die Prædicanten.*

In eo opusculo oſtendi ex communibus Germanici Chriſtiani, imò & Hæretici vulgi ſentiendi & loquendi formulis, varia Catholicæ Eccleſiæ dogmata, quæ hodie à Nouatoribus in controuerſiam vocantur, vel penitus repudiantur: Et ne hoc abſq; veterū exemplo facere viderer, demonſtraui initio, quanti communes notitias, & loquendi formulas vulgares, Philoſophi, Mathematici, Medici, & aliorum facultatum Interpretes ſemper fecerint. Nam & Plutarchus ſcripſit commentarium *de communibus notionibus aduerſus Stoicos*, quos probat ubiq; notionēs communes euertere, ac proinde nequaquam ſequendos eſſe. Caſaubonus quoque in Notis ad quendam Epistolam Nyſſeni citat commentariolum eiſdem Nyſſeni aduerſus Græcos *ex communibus notionibus*. Quanti etiam ipſemet Lutherus communes notionēs fecerit, docet hæc eiſ oratio lib. de Captiuitate Babylonica cap. *de Ordine*. Apud Philoſophos *de communibus conceptionibus* nemo indicat, ſed omnes per eas indicantur. Poſtea produxi Tertullianum & Lactantium; quorum ille, præterea, quæ ſparſim operibus ſuis inſerit, proprium opusculum edidit de *Teſtimonio anima*, in quo nihil aliud ineſt, quàm quorundam fidei Chriſtianæ dogmatum demonſtratio ex ipſis Ethnicorum communi-

munibus & naturalibus sensis ac dictis desumpta. His absolutis, ad institutum accessi, & varia Ecclesiæ Catholice placita ac decreta, præcipuè de Sacramentis; ad eundem modum, ex tritissimis omnium sensu & ore loquendi, apud Germanos formulis, probare incœpi.

Quid Magistellus? planè, tanquam ebrius, quid aiat, nescit. Vociferatur horribiliter; *me fundamenta Christianismi ponere ex Galeno, ex Aristotele, ex Mathematicis, & aliis non renatis hominibus.* Qua de caussa? Quia dixi, Galenum, Aristotelem, alios, subtilissimas disputationes crebrò auspicari à communibus notionibus, & ex iis naturas rerum venari ac indagare: Patres itidem aduersus vanitatem Ethnicorum certamen ingressuros, idem fecitasse. Iure ergò & nos cum hæreticis decertaturos, inuestigare, quid ferat communis Christianorum opinio & notio. Quò tendat, Quò vergat: Quò nos ducat. Estne hoc Christianismi fundamentum ex Galeno & Aristotele, alijsq; Ethnicis iacere?

Mentitur, me ex vocula *Salus* sacrosanctam Trinitatem demonstrare voluisse. Non volui, criminari; sed tantum recensui, quid S. Augustinus de hac Latina & Punica vocula, eiusque in vtraque lingua significato scribat; & quidem vt elegantissimè, ita suauissimè. Nec alia mente hæc D. Augustini attuli, quàm vt planum facerem, nefas non esse, ex communibus notionibus argumenta pro religione nostra petere, quandoquidem idem antea tantus præsul & doctor fecisset. Qui etiam lib. 1. cap. 24. *de peccatorum meritis & remissione*, non tantum ex sacris literis; sed & ex communi loquentium consuetudine necessitatem baptismi & Eucharistiæ probat. Audi pulcherrima summi Doctoris verba. *Optime Punici Christiani baptismum ipsum nihil aliud quàm salutem;*

Et Sa-

Et Sacramentum corporis Christi, nihil aliud, quàm vitam vocant: unde, nisi ex antiqua, ut assero, & Apostolica traditione, qua Ecclesiæ Christi insitum tenent, præter baptismum, & participationem Dominica mensa, non solum non ad regnum Dei, sed nec ad salutem & vitam æternam posse quenquam hominum peruenire, &c. Nam quid aliud tenent, qui baptismum nomine salutis appellant, nisi quod dictum est; Saluos nos fecit per lauacrum regenerationis, &c. Quid aliud etiam, qui Sacramentum mensa Dominica vitam vocant, nisi quod dictum est: Ego sum panis vitæ, qui de cælo descendi.

In opere de S. Cruce Tom. 1. lib. 1. cap. 49. dicebam ex Clemente Alexandrino, Origene, S. Augustino, & aliis, Sybillis quoq; variâ de Christo fuisse reuelata; Et Sibyllam Erythræam alterum Christi aduentum versibus descripsisse, quorum primæ literæ hanc sententiam effecerint *ἰησοῦς θεὸς υἱὸς σατάν*. Quarū dictionum si primas literas iunxeris, exhibit vocula *ἰηθὺς, Piscis*, teste S. Augustino. Hic Magistellus obstrepit; me hinc concludere vellet: ergo omnes Ethnici, quoties comederant pisces, eosq; *ἰηθὺς* appellarunt, toties cognouerunt Iesum Christum, filium Dei, Saluatorem, saltem implicite. Quid est calumniari & sycophantari, si hoc non est? Nam nihil aliud eo loco probare insitui, quàm Sibyllis quoq; aliquam Christi, & mysteriorum Christi, & inter hæc Crucis, cognitionem diuinitus concessam fuisse. Nec ideo, quia Christus ex Sibyllæ versibus *ἰηθὺς* nominari potest; ab omnibus, qui pisces vel viderunt, vel ederunt, Christus cognitus est, quemadmodum non ideo ab omnibus, qui agnos agnouerunt, vel manducarunt agnitus est, eo quod in scripturis appelleretur Christus agnus.

Platonem λέγει mentionem facere. non dixi primo

capite Muticum. Multo minus asserui hoc vocabulum in Platone repertum, *Christiano demonstratiuum fundamentum esse*. Nullum ego hac de re verbum; sed Magistellus id ingerit, ut calumniandi occasionem vel inuitam arripere queat. Et licet asseruissem, Platonem ex lectione sacrarum literarum, librorum Sibyllinorum, & consuetudine cum Hebræis in Ægypto aliquantulum cognouisse λόγον seu verbum Dei; an propterea piaculo quopiam me obstrinxissem? An non ipsemet fol. 52. produxisti hæc ex Platonico Timæo verba: ὁ θεὸς ἐπιστάμενος ἅματα καὶ δυνατὸς τῶν αὐτάρχῃ καὶ τελειώτατος θεὸς ἴσμεν, An non Iustinus exhortatione prima ad Græcos fusè ex Platonici monumentis demonstrat, Platonem plurima fidei nostræ mysteria in Ægypto didicisse; etiam illud quod est de Spiritu sancto; de futura Resurrectione corporum. De pœnis improborum in altera vita; de creatione mundi, & huius notæ aliis?

An non idem scribit de Orpheo & Homero, quos similiter in Ægypto vixisse, & multa de reb. nostris didicisse ait. An nō testatur Orpheū per αὐδὴν, (vocē seu verbū) intellexisse verbū diuinū, secundā Trinitatis personam.

ἔραντο ὀρχίζω σὲ θεῷ μεγάλῃ σοφὸν ἔργον,
αὐδὴν ὀρχίζω σε πατὴρ, τὴν φθέγγετο πρῶτον,
ἡνίκα κόσμον ἅπαντα ἡεὶ ἐτίξετο βυλαῖς.

Cælum iuro Deo à magno & sapiente creatum.

Vocem iuro Patris, primum quam prodidit ore

Consilio ipse suo mundum cum conderet omnem.

αὐδὴν, id est, vocem, inquit Iustinus, hic λόγον, id est, Verbum Dei nominat, per quod cælum & terra, & vniuersa condita est creatura.

§ Sectione secunda cum Calvinianis aliquantulum batuit, sed fatuè. Re bene gesta in Bellarminum irruit, sed

sed maniaci instar. Nam Bellarminus lib. 1. de Christo cap. 6. ita scribit. *Est autem notandum, in Deo, ut etiam Aristoteles docet, idem esse intelligentem, intellectum, intelligentionem, & speciem intelligibilem, exceptis tamen relationibus mutuis producentis & producti, (quæ verba Imposturæ gratia omisit Magistellus.) Ex quo sequitur, Verbum Dei necessariò esse idem cum Deo, id est, eiusdem numeri, substantia & natura* (quæ verba itidem Magistellus silentio inuoluit, haud bona mente) qui valde bacchatur in Bellarminū, quòd hæc Philosophica, Deo Aristotelico & Metaphysico cōpetentia, ad Deum verū & Christianū trāsferat.

Num alius est Christianorum Deus, & alius, quem cognovit & asseruit Aristoteles in Metaphysica, & cum eo omnes, qui Metaphysicam interpretantur? Certè præci Patres Iustinus, Euseb. Tertull. alij, qui pro Christianis aduersus Ethnicos scripsere, non vociferati sunt: *Quid ad nos Deus Platonis, quid Deus Aristotelis, quid Deus Philosophicus, quid Deus Metaphysicus; Quid Deus Orphei; quid Homeri;* sed quæ ab istis, de vno veroq; Deo tradita sunt, cupidè acceperunt, & inde Gentilium vanitatem de multitudine Deorum fortiter & intrepidè coarguerunt: gnari vnum & eundem Deum esse, quem scriptores illi partim ex naturali lumine, partim ex lectione sacrorum librorum & Sibyllinorum, & ex consuetudine cum Hebræis; intellexerant, & quem Christiani colebant ac prædicabant.

Deinde num in Deo, quem Christiani venerantur, existimas *intelligentem; intellectum, intelligentionem, & speciem intelligibilem* non esse vnum & idem? Num ad cætera Lutherani Euangelij monstra etiā hoc adiunges. *Deum esse compositum ex substantia & accidentibus?* Nisi fallor, hoc portentum iam parturit, si nōdum peperit. Et si Alchymista Bauus, & Prædicans Hunnius id iam satis

apertè in lucem protulerunt, vt in primo Antimonio ad Bauium misso ostendi.

Mentitur Magistellus, Bellarminum ita argumentari. *Intellectio & species intelligibilis sunt in Deo Aristotelico Metaphysico idem. Verbum est ipsa Dei intellectio, ergo Verbum est idem, cum Deo Aristotelico & Metaphysico.* Nihil Bellarminus de stulta hac distinctione *Dei Aristotelici* seu *Metaphysici*, & *Dei Christiani*, quia probè scit, Deum, quem Aristoteles & Metaphysici demonstrant, alium non esse, quàm illum vnum & verum Deum, quem Christiani adorant: Et cum hoc vno & vero Deo, Verbum diuinum, naturam & essentiam vnum idemque esse, fatentur omnes illi, qui Deum vnum duntaxat in essentia, & trinum in personis profitentur.

Nec dixit Bellarminus; *Intellectio & species intelligibilis in Deo sunt idem.* Sed dixit: *sunt idem cum intelligente:* quod longè aliud est, quia fieri potest, non quidem in Deo, sed in aliis rebus; vt duo sint idem inter se; & tamen non sint idem cum subiecto. Exemplum si desideras, figuram & quantitatem accipe; quæ licet à se mutuo realiter non discriminantur, à subiecto tamen realiter differunt. Cum ergo in Deo intellectio cū substantia, & essentia Dei idem sit, Verbum autem sit Patris intellectio; sequitur verbum idem esse cum Patre; natura videlicet & essentiam, non relatione seu hypostasi; nam hac re ipsa distinguuntur.

Quid amplius Magistelle? *Verbum est idem cum Deo Aristoteli noto;* Adde naturam & essentiam; *Christus est Verbum. Ergo idem est cum Deo;* naturam scilicet & essentiam; siue vocem *Dei* accipias essentialiter, siue notionaliter pro Patre. Nam verbum idem realiter est naturam cum Patre: licet hypostasi ab illo distinguatur; idemque verbum realiter idem est cū essentia diuinā; imò secundum essentiam suam

suam nihil aliud est, quàm illa natura diuina tribus suppositis cōmunis. Hi *Syllogismi*, inquit Magistellus, *sunt fundamenta dogmatis Iesuitici de diuinitate filij Dei*. Duos hosce Syllogismos in Bellarmino non legisti; præsertim priorē, qui totus quantus quātus ex tuo cerebro prognatus est. At cedo; an non omniū orthodoxorum de diuinitate verbi seu filij Dei istud est: cum esse Deum de Deo, lumen de lumine; naturā & essentiā vnum cū Patre; relatione tamen & hypostasi ab eo distinctum? An non hoc fundamentum est diuinitatis filij Dei, ipsum esse realiter illud vnum ens absolutum & simplicissimū, quod natura seu essentia diuina, quæ etiam in concreto *Deus* appellatur: quod ens tanquam ens entium, & super omnia entia eleuatum Aristoteles, & alij ex Philosophis agnouerunt? Num tu aliud fundamentum pro diuinitate filij Dei habes?

Quæ postea ex Luthero, Mylio, Zancchio, & id genus aliis de Aristotele & Aristotelico Deo declamitat, quisquiliæ sunt, indignæ, quæ aspiciantur, & longè indigniores, quibus vel vnum verbulum reponatur. Nec verum est, Aristotelem, *Deo rerū singulariū intellectiōnem negare*. Dixerit hoc Auerroes. At Interpretes isto Arabe multò meliores secus de Aristotele sentiunt: Et versatis in lectione Aristotelis contrarium dilucidè liquet.

Furit Magistellus in Fōsecam qui in lib. 5. *Metaphysicæ* cap. 8. Q. 7. dicit istas propositiones: *Filius Dei est homo: Verbum diuinum est homo; Deus est homo; esse contingens; cum ante incarnationem, & in triduo mortis Christi falsè fuerint, alias autem veræ*. Hic Magistellus, *ô scelus, ô labe, ô tempora, ô mores*. Hæcine est Iesuitica pietas? Hæcine *Metaphysica & Theologia reuelata identitas*? Ne scūi, mi Magistelle, scis quid sit *propositio contingens*? An non illa; quæ vera & falsa esse potest? Dic, an hæc enunciatio: *ver-*

bum diuinum est homo: ita vera est; vt falsa esse non possit? Quomodo igitur factum est, vt ante Incarnationē, & in triduo mortis Christi vera non fuerit: neq; enim eo tēpore verum erat affirmare, *Verbum diuinum esse hominem*. Num tu vis illas propositiones esse necessarias? At nunquam hoc velles, si quid sit propositio necessaria, scires. Est enim illa, *qua ita est vera: vt falsa esse non possit*. Num eiusmodi sunt prædictæ enūnciationes? sed rudis Magistellus ita cogitare videtur: *Propositiones illa sunt contingentes: ergo accidentales*. Pulchrè, Quasi nexus substantialis nequeat esse contingens. Hæc propositio: *Animale est rationale*: est contingens: non tamen accidentalis. Ita & in proposito, *filius Dei est homo*, propositio contingens est: Substantialis tamen, quia inter verbum diuinum & humanam naturam intercedit vnio substantialis.

Sectione tertia mentitur Magistellus, *me demonstrare mysteria de Dei unitate, Trinitate, bonitate, Resurrectione carnis ex principiis rationis, ex notionibus naturalibus. Ethnicorum, &c.* Non ego id feci; sed à patribus Tertulliano, Lactantio & aliis id factū esse dixi. Illos culpa, si quid in hoc facto dignum culpa. Mihi nil aliud propositum fuit, quàm ex modis loquēdi plebis tã orthodoxæ, quàm hæreticæ dogmata quædā à vobis repudiata, asserere, & ne id inusitato exemplo facere viderer, ostendi, Patres aduersus Ethnicorum impietatem differentes, idem fecisse, quod ego facturus eram cum Hæreticis in arenam descendens, vt iam suprā dixi.

Longè adhuc maior calumnia & Pseudologia est, *me ex tenebrosa, caca & deprauata rationis notionibus quæ nihil aliud sint, quàm tenebra, tanquam ex fundo & fundamento construere structuram fidei, gratia, renouationis, &c.* Nihil nisi mendacia Zephyriana, vel potius Borealia audio. Nam
de

de Ethnicis ego nihil egi; sed de Christianis tã verè, quã piſtè sic nominatis, tametsi quid Patres ex Gentilium locutionibus collegerint indicaui. Et vbi capite i. Euangelij Iohannis, vt tu citas, scriptum est, *communes rationis vias & notiones esse tenebras?*

Elogia, quæ rationi tribuis, forsan in Lutheranam *Rationem* quadrauerint: in naturalem certè, & ab hæretico fermento liberam non quadrant. Non absimile mendacium est, hanc collectionem esse meam. *Fox, Salus*, linguâ Punicâ significat tria; ergo *Deus est trinus & vnus*, additque aliud figmentum: me dicere, hanc *demonstrationem esse rusticariorum*. De vocabulo Punico & Latino *Salus*, nihil ex meo sensu attuli; sed id quod sanctus Augustinus scriptum reliquit, verbis ipsius S. Augustini recitauī. Si palato tuo non placent, quæ S. Augustinus pulcherimè disputat, id forsã ideo fit, quod porco quiduis charius sit, quàm amaracus. Mox iterum nobis contemplandam offert rationem *hominis non renati*, hoc est, vt ego interpretor, Lutherani. *Ratio hominũ non renati*, inquit, *salis bestia est, quã omni conatu repugnat, reclamat, resundit, retorquet, remouet vincula, quibus erat constringenda: vt mysteriũ se subiiceret, & eorum veritatis calculum adiiiceret*: Scilicet, quod improbitas & vesania facit, id rationi adscribitur. Si ratio, est *bestia*, homo igitur ante regenerationem non erit homo; quia homo non est, nisi per rationem,

Postea redit ad Deum Aristotelicum & Metaphysicum, quem, vt pro suo agnoscat, adduci nequit. At desinat huic Deo molestus esse. Itinere Lutherano ad eum nunquam perueniet; Etsi quem alium vnum Deum sperat; eum nunquam inueniet: quia non est nisi vnus verus Deus, quem, vt vnus est, agnouit Aristoteles,

Se-

Sectione quarta clamitat Magistellus, nihil causæ esse, cur exemplo Tertulliani & Iustini meum institutū tueri velim. *Tertullianum fuisse Montanistā: alios patres, fuisse nimios in Philosophicis disciplinis aduersos Ethnicos urgendū & inculcandis; Vtq; hoc eo libentius nobis persuaderi sinamus, testem laudat Kemnium.* Respondeo, licet Tertullianus ad Montani castra transfugerit, non pauca tamen edidit, cum adhuc inter Catholicos stipendia faceret: Ex quibus testimonia protuli. Deinde cūm Tertullianus fuerit non tantum omnib. Magistellis, sed & vniuersis Lutheranis Doctorib. longè eruditior & acutior, longè melius cernere potuit, etiam post miserabilem suam ruinam, quibus armis contra Ethnicos vrendum esset; nempe propriā eorum literaturā; quod insigniter præstitit in Apologetico; & communibus notionibus vulgi, quod fecit in libello de Testimonio animæ, & alibi sparsim, prout vel contra Ethnicos, vel contra Hæreticos sese offerebat occasio. Idem fecerunt alii Patres, Iustinus, Euseb. Clemens Alexandrinus, Tatianus, Athenagoras, S. Augustinus, Origenes, quos, absit, vt propter Kemnicianas criminationes, perperam egisse arbitremur. Tota antiquitas secus iudicat: & Kemnium calumniæ condemnat.

Sectione quinta opponit mihi Magistellus Bellarminum. Quid ergo iste? Ex Tertulliani Apologetico refert; Deos gentilium plura pati, dum fiunt ab artificib. quā patiantur Christiani, dum occiduntur. Cyprianus item & alij testantur, Ethnicos ligna pro Diis coluisse. Laudat etiam Bellarminus Tertullianū, *Philosophos, Hæreticorū Patriarchas* vocitantē. Quid infero Magistelle? Ergo, iudicio Bellarmini falsum est, à Tertullicno asseri quosdā Ethnicos vnū Deum cognouisse: Et hoc Tertullianum ex monumentis Ethni-

CORUM

corum demonstrare. Falsum item Tertullianum ex communibus loquendi formulis gentilium unitatem Dei ostendere. Et quod de Tertulliano dicitur, de aliis quoque Patribus intellectum cupit Magistellus: Ergo Bellarminus Gressero contrarium affirmanti aduersatur. Oplaustra nugarum. In medio est Tertullianus. In medio sunt & aliorum libri. Legantur: Et verborum præstigiæ euanescent. Nil Bellarminus in Contrarium. Somnia sunt, quæcunque Magistellus blatio. Quidam Ethnici habuerunt ligna pro Diis. non omnes; hoc asserit Bellarminus. In quibusdam placitis dederunt philosophi Hæreticis occasionem errandi, non in omnibus, & omnium minimè in unitate Dei. Hoc dicit cū Tertulliano Bellarminus: nihil aliud.

Sectione sexta imperitissimè blaterat inscitus Magistellus, de unitate arithmetica, numerica, Mathematica, Metaphysica, logica, generica, transcendentali; & probat, vel potius probare nititur, nullam ex his unitatibus Deo conuenire. Non numericam, non arithmeticam; non mathematicam; quia unitas Dei omni adoratione coli debet; sed unitas numerica, arithmetica, mathematica, ne quidam adorationis meretur. Quo ruis Magistelle? An Deus non est vnus numero? Ergo vnitas eius est vnitas numerica. Quid est vnitas numerica, nisi vnitas Arithmetica? Quid arithmetica vnitas, nisi Mathematica? Siego aliquorum entium numerum colligam, Deumq; primo loco ponam; Ioannē, secundo; Petrū, tertio; Paulū, quarto, &c. an non vnitas diuina huius quaternarij numeri principium est?

Deinde vt vnitas finita non mereatur adorationem per se; at infinita meretur. Dei autem vnitas infinita est quemadmodum & essentia eius infinita est. Dixi *per se*, quia sunt quædam vnitates, seu res vnæ, quæ etiam merentur adorationem, sed analogicè per aliud & propter aliud,

K

aliud,

aliud; vt est humanitas Christi, imagines Dei, & Saluatoris, Crux, &c. Si tamen Magistellus vnitatem Arithmetica[m] seu Mathematicam sumat solum pro illa, quæ in quantitate continua fundatur, estque principium illius speciei in *pradicamento quantitatis*, quæ Quantitas discreta appellatur; tum fateor, Deum hac vnitatem non esse vnum: At num ideo non est vnus numero, aut vnitatem numericam propterea non habet? An vnitas hæc non latius diffunditur, quàm prior illa? Num Angelus non est vnus numero, licet non habeat vnitatem fundatam in quantitate continua?

At vide Magistelli stuporem. *In mathematica numerorum* inquit, *unitates sibi mutuo non insunt, sed à se inuicem discretae manent; vt in tenario vnitas hac vel illa à tertia exclusa est. At Deus verus sic vnus est mystica, rationi & mathesi ignota vnitate, vt pater sit in filio, filius in sinu patris, paterq; & filius intimè vnum sint.* Non examinabo ignorantiam, quæ sub primis Magistelli verbis delitescit: si dicam: Deus, Petrus & Paulus sunt tres vel tria, an non & hic tres istæ unitates distinctæ inter se manent, commodò, quo manent distinctæ in quouis alio ternario; vt in Hunnio, Gesnero, Rungio? Deinde, cum Deum vnum dicimus; non loquimur de tribus personis, harum enim respectu Deus trinus est, non vnus; sed vsurpamus nomen *Dei* essentialiter pro natura & essentia diuina; cuius vnitatem nulla est maior vnitas, quandoquidem ita comparata est, vt vnitas eius ne intellectu quidem, tanquam multiplicabilis verè apprehendi queat. Si verò singulas personas intueri velimus, quælibet verè vna est. Verè pater vnus est. Verè vnus filius. Verè vnus Spiritus sanctus: & ex tribus hisce vnis seu vnitatibus verè ternarius numerus efficitur; licet non sit *pradicamentali*, quia verus

rus numerus latius patet, quàm *pradicamentalis*, nisi quis contentionem de vocabulis inaniter excitare studeat. Et quamvis tres istæ personæ alia ratione, nempe in essentia, vnum sint, hæc tamen vnitas non impedit, quò minus alio respectu tres personæ tam verè dicantur tres personæ; quàm verè tres personæ nominantur Petrus, Paulus, Ioannes.

Vnitas Arithmetica, inquit Magistellus, *est finita; vnitas Dei est infinita*. Si per vnitatem arithmeticam intelligis illam, quæ est principium numeri, etiam in rebus à materia liberis; falsum dicis; quia hæc vnitas generatim sumpta abstrahit à finitate & infinitate, & ad vtrunque est indifferens; sicut animal, ad *rationalè & irrationale*, Corpus, ad *animatum & inanimatum*.

Vnitas Mathematica, inquit Magistellus, *excludit Trinitatem*. Si vnitatem *Mathematicam* nomines illam, quæ, quæ talis, diuidi nequit, & principium numeri cuiuscunque constituere potest; tum generatim spectata secundum totam suam latitudinem, tria nec includit, nec excludit; sed communis est ad illas vnitates, quæ ita vnum sunt, vt non sint plura; & ad illam vnitatem, quæ ita vnum est, vt simul etiam identicè sit tres personæ, Quanquam formaliter loquendo, vt natura diuina præcisè concipitur vna; nequaquam simul inuoluatur conceptus *Ternarij* seu *Trinitatis*, quatum quidem est ex imperfecto modo nostro intelligendi in hac vita. Nam & Aristoteles verè vnitatem Dei intellexit, nec tamè in ea vnitatem tria supposita, seu, tres vnitates inesse vidit.

Iure autem ex Magistello perconteris, quodnam sit discrimen inter *Arithmetica* & *Mathematica* vnitates; quandoquidem illas tam fidenter & animosè discriminat. *Vnitas Arithmetica*, inquit Magistellus, *est rationi pro-*

portionata, adequata, comprehensibilis. Vnitas Iehouæ rationis ambitum excedit. Hoc ipsum poterat eadem ratione, Magistellus dicere de vnitate sua mathematica, imò & de aliis, quas recensuit: Audi Nouator. Si per vnitatem Arithmeticam intelligis eam, quæ est communis ad quamcunque vnitatem, & principium cuiuscunque numeri, etiam in spiritualibus; tum negamus quod asseris; quia hæc vnitas comprehendit non tantum ea, quæ naturaliter cognosci possunt, sed & ea, ad quorum cognitionem supernaturali lumine intellectus eget, quippe rationis naturalis terminos longè transcendentia.

Mentitur Magistellus, Bellarminum, quando dicit, Deum esse vnum; intelligere vnitatem *Arithmeticam & Mathematicam*; & quidem talem, qualis à Magistello depingitur; quæ fortè Bellarmino nunquam in mentem venit: certè eam nunquam nominat: Ipse enim per *vnitatem Dei naturaliter cognoscibilem*; intelligit vnitatem numericam; vt & ego; quem fingit Magistellus nomine *vnitatis*, intelligere vnitatem *quantitatiuam*, quando Deum affirmo esse vnum. Quo certè meam mentem non interpretatur, sed suam improbitatem & mentiendo pruriginem detegit.

Nunc oracula fundit Magistellus de vnitate transcendentali, Audite. *Vt dicam, quod sentio, affirmo, vnitatem transcendentalem Metaphysicam esse rationi notam.* (Omni-
no; At non cuiusque rationi; sed rationi disciplinis Philosophicis excultæ; quamuis ex suo genere cuiusque hæc vnitas cognoscibilis sit, cum sit passio entis, obiecti Metaphysicæ, quæ circa ens, vt ens, versatur, quatenus naturali ratione cognoscitur. Quapropter vnitas etiam Dei naturaliter cognoscibilis; ad vnitatem entis transcendentalem, quam Metaphysica considerat, pertinet.)

tinet.) II. *Ab eadem inuentam.* Vtique, si per inuentum intelligas id, quod ratio inuenit in rebus; non quod ipsa excogitat: nam vnum transcendentale reperit ratio in ente; non autem illud enti affinxit. Quod verò Magistellus dicit; Vnitatem transcendentalem fuisse *historia obseruatam & exploratam*, id quidnam aliud sit, quàm grandis quædam stultitia, equidem non video, quia passionibus entis non ex historia, sed ex accurata ratiocinatione circa ensprehenduntur & percipiuntur. III. *Afferit Magistellus: Notitiam unitatū Transcendentaliū profuere ex habitu acquisito Metaphysico.* Ergo non ex historiæ obseruatione, vt antea aiebas. IV. *Illā unitatem esse finitā, creatam, plenē & planē comprehensibilem.* Malus es Metaphysicus, vt video, & somniculosus lector Suarëtzij, quem toties citas. Obiectum Metaphysicæ est ens vt ens, naturali lumine cognoscibile, prout est commune quiddam ad ens finitum & infinitum; ad creatum & increatum; ergo & vnum, passio huius Entis, est commune quid ad vnum finitum & infinitum; itemque ad vnum creatum & increatum. Nimis tu terminis angustiis Metaphysicæ latitudinem circumscribis, si Deum inde eiecere velis. An non in Metaphysica Aristotelica vidisti Deum? Quanquam tunc talpa Deum videres? Vnitas Dei, quam Aristoteles cognouit & demonstrauit, naturali lumine inueniri potest; quare ad Metaphysicam & transcendentalem vnitatem pertinet; sed vos Witebergæ, vt nouam fidem & noua Biblia; sic fortassis nouam quoque Metaphysicam cudistis sine Deo, sine Intelligentiis, quia proponitur illis, qui sunt sine intelligentia; quibus ratio non renati & non iustificati, non est ratio, sed *bestia.*

capite Muricum. Multo minus asserui hoc vocabulum in Platone repertum, *Christiano demonstratiuum fundamentum esse*. Nullum ego hac de re verbum; sed Magistellus id ingerit, ut calumniandi occasionem vel inuitam arripere queat. Et licet asseruissem, Platonem ex lectione sacrarum literarum, librorum Sibyllinorum, & consuetudine cum Hebræis in Ægypto aliquantulum cognouisse λόγον seu verbum Dei; an propterea piaculo quopiam me obstrinxissem? An non ipsemet fol. 52. produxisti hæc ex Platónico Timæo verba: ὁ θεὸς ἐπιστάμενος ἅματι καὶ δυνατὸς τὸν αὐτάρκη καὶ τελειώτατον θεὸν ἐγένεα. An non Iustinus exhortatione prima ad Græcos fusè ex Platoniciis monumentis demonstrat, Platonem plurima fidei nostræ mysteria in Ægypto didicisse; etiam illud quod est de Spiritu sancto; de futura Resurrectione corporum. De pœnis improborum in altera vita; de creatione mundi, & huius notæ aliis?

An non idem scribit de Orpheo & Homero, quos similiter in Ægypto vixisse, & multa de reb. nostris didicisse ait. An nō testatur Orpheū per αὐδὴν, (vocē seu verbū) intellexisse verbū diuinū, secundā Trinitatis personam.

ὦρανόν ὀρχίζω σὲ θεῷ μεγάλῃ σοφὸν ἔργον,
αὐδὴν ὀρχίζω σὲ πατὴρ, τὴν φέβζετο πρῶτον,
ἦν ἡ καὶ λόγον ἅπαντα ἱαίς ἐνέειχετο βυλαίς.

Calumino Deo à magno & sapiente creatum.

Vocem iuro Patris, primum quam prodidit ore

Consilio ipse suo mundum cum conderet omnem.

αὐδὴν, id est, vocem, inquit Iustinus, hic λόγον, id est, Verbum Dei nominat, per quod calum & terra, & vniuersa condita est creatura.

§ Sectione secunda cum Calvinianis aliquantulum batuit, sed fatuè. Re bene gesta in Bellarminum irrui, sed

sed maniaci instar. Nam Bellarminus lib. 1. de Christo cap. 6. ita scribit. *Est autem notandum, in Deo, ut etiam Aristoteles docet, idem esse intelligentem, intellectum, intelligentiam, & speciem intelligibilem, exceptis tamen relationibus mutuis producentis & producti, (quæ verba Imposturæ gratia omisit Magistellus.) Ex quo sequitur, Verbum Dei necessarium esse idem cum Deo, id est, eiusdem numeri, substantia & natura* (quæ verba itidem Magistellus silentio inuoluit, haud bona mente) qui valde bacchatur in Bellarminū, quòd hæc Philosophica, Deo Aristotelico & Metaphysico cōpetentia, ad Deum verū & Christianū trāsferat.

Num alius est Christianorum Deus, & alius, quem cognovit & asseruit Aristoteles in Metaphysica, & cum eo omnes, qui Metaphysicam interpretantur? Certè præci Patres Iustinus, Euseb. Tertull. alij, qui pro Christianis aduersus Ethnicos scripsere, non vociferati sunt: *Quid ad nos Deus Platonis, quid Deus Aristotelis, quid Deus Philosophicus, quid Deus Metaphysicus; Quid Deus Orphei; quid Homeri;* sed quæ ab istis, de vno veroq; Deo tradita sunt, cupidè acceperunt, & inde Gentilium vanitatem de multitudine Deorum fortiter & intrepidè coarguerunt: gnari vnum & eundem Deum esse, quem scriptores illi partim ex naturali lumine, partim ex lectione sacrorum librorum & Sibyllinorum, & ex consuetudine cum Hebræis; intellexerant, & quem Christiani colebant ac prædicabant.

Deinde num in Deo, quem Christiani venerantur, existimas *intelligentem; intellectum, intelligentiam, & speciem intelligibilem* non esse vnum & idem? Num ad cætera Lutherani Euangelij monstra etiā hoc adiunges. *Deum esse compositum ex substantia & accedentibus?* Nisi fallor, hoc portentum iam parturit, si nōdum peperit. Et si Alchymista Bauus, & Prædicans Hunnius id iam satis

apertè in lucem protulerunt, ut in primo Antimonio ad Badium misso ostendi.

Mentitur Magistellus, Bellarminum ita argumentari. *Intellectio & species intelligibilis sunt in Deo Aristotelico Metaphysico idem. Verbum est ipsa Dei intellectio, ergo Verbum est idem, cum Deo Aristotelico & Metaphysico.* Nihil Bellarminus de stulta hac distinctione *Dei Aristotelici seu Metaphysici, & Dei Christiani*, quia probè scit, Deum, quem Aristoteles & Metaphysici demonstrant, alium non esse, quàm illum vnum & verum Deum, quem Christiani adorant: Et cum hoc vno & vero Deo, Verbum diuinum, naturam & essentiam vnum idemque esse, fatentur omnes illi, qui Deum vnum duntaxat in essentia, & trinum in personis profitentur.

Nec dixit Bellarminus; *Intellectio & species intelligibilis in Deo sunt idem.* Sed dixit: *sunt idem cum intelligente;* quod longè aliud est, quia fieri potest, non quidem in Deo, sed in aliis rebus; ut duo sint idem inter se; & tamen non sint idem cum subiecto. Exemplum si desideras, figuram & quantitatem accipe; quæ licet à se mutuo realiter non discriminentur, à subiecto tamen realiter differunt. Cum ergo in Deo intellectio cum substantia, & essentia Dei idem sit, Verbum autem sit Patris intellectio; sequitur verbum idem esse cum Patre; natura videlicet & essentia, non relatione seu hypostasi; nam hæc reipsa distinguuntur.

Quid amplius Magistelle? *Verbum est idem cum Deo Aristotelico noto;* Adde naturam & essentiam; *Christus est Verbum. Ergo idem est cum Deo;* naturam scilicet & essentiam; siue vocem Dei accipias essentialiter, siue notionaliter pro Patre. Nam verbum idem realiter est natura cum Patre: licet hypostasi ab illo distinguatur; idemque verbum realiter idem est cum essentia diuinâ; imò secundum essentiam suam

suam, nihil aliud est, quàm illa natura diuina tribus suppositis cōmunis. Hi *Syllogismi*, inquit Magistellus, *sunt fundamenta dogmatū Iesuitici de diuinitate filij Dei*. Duos hosce Syllogismos in Bellarmino non legisti; præsertim priorē, qui totus quantus quātus ex tuo cerebro prognatus est. At cedo; an non omnium orthodoxorum de diuinitate verbi seu filij Dei istud est: cum esse Deum de Deo, lumen de lumine; naturā & essentiā vnum cum Patre; relatione tamen & hypostasi ab eo distinctum? An non hoc fundamentum est diuinitatis filij Dei, ipsum esse realiter illud vnum ens absolutum & simplicissimū, quod natura seu essentia diuina, que etiam in concreto *Deus* appellatur: quod ens tanquam ens entium, & super omnia entia eleuatum Aristoteles, & alij ex Philosophis agnouerunt? Num tu aliud fundamentum pro diuinitate filij Dei habes?

Quæ postea ex Luthero, Mylio, Zancchio, & id genus aliis de Aristotele & Aristotelico Deo declamitat, quisquiliæ sunt, indignæ, quæ aspiciantur, & longè indigniores, quibus vel vnum verbulum reponatur. Nec verum est, Aristotelem, *Deo rerū singulariū intellectu negare*. Dixerit hoc Auerroes. At Interpretes isto Arabe multò meliores secus de Aristotele sentiunt: Et versatis in lectione Aristotelis contrarium dilucidè liquet.

Fuit Magistellus in Fœnsecam qui in lib. 5. *Metaphysicæ* cap. 8. Q. 7. dicit istas propositiones: *Filius Dei est homo: Verbum diuinum est homo, Deus est homo; esse contingentes; cum ante incarnationem, & in triduo mortis Christi falsæ fuerint, alias autem veræ*. Hic Magistellus. *ô scelus, ô labe, ô tempora, ô mores*. *Hæcine est Iesuitica pietas? Hæcine Metaphysica & Theologia reuelata identitas?* Ne scui, mi Magistelle, scis quid sit *propositio contingens*? An non illa; quæ vera & falsa esse potest? Dic, an hæc enunciatio: *ver-*

de Ethnicis ego nihil egi; sed de Christianis tã verè, quã piè sic nominatis, tametsi quid Patres ex Gentilium locutionibus collegerint indicaui. Et vbi capite 1. Euangelij Iohannis, vt tu citas, scriptum est, *communes rationis vias & notiones esse tenebras?*

Elogia, quæ rationi tribuis, forsân in Lutheranam *Rationem* quadrauerint: in naturalem certè, & ab hæretico fermento liberam non quadrant. Non absimile mendacium est, hanc collectionem esse meam. *Vox, Salus*, linguâ Punicâ significat tria; ergo *Deus est trinus & vnus*, additque aliud figmentum: me dicere, hanc *demonstrationem esse rusticariorum*. De vocabulo Punico & Latino *Salus*, nihil ex meo sensu attuli; sed id quod sanctus Augustinus scriptum reliquit, verbis ipsius S. Augustini recitauî. Si palato tuo non placent, quæ S. Augustinus pulcherimè disputat, id forsân ideo fit, quod porco quiduis charius sit, quàm amaracus. Mox iterum nobis contemplandam offert rationem *hominis non renati*, hoc est, vt ego interpretor, Lutherani. *Ratio hominû non renati*, inquit, *talis bestia est, quâ omni conatu repugnat, reclamat, resundit, retorquet, remouet vincula, quibus erat constringenda: vt mysteriû se subiiceret, & eorum veritatis calculum adiceret*: Scilicet, quod improbitas & vesania facit, id rationi adscribitur. Si ratio, est *bestia*, homo igitur ante regenerationem non erit homo; quia homo non est, nisi per rationem,

Postea redit ad Deum Aristotelicum & Metaphysicum, quem, vt pro suo agnoscat, adduci nequit. At desinat huic Deo molestus esse. Itinere Lutherano ad eum nunquam perueniet; Et si quem alium vnum Deum sperat; eum nunquam inueniet: quia non est nisi vnus verus Deus, quem, vt vnus est, agnouit Aristoteles,

Se-

corum demonstrare. Falsum item Tertullianum ex communibus loquendi formulis gentilium unitatem Dei ostendere. Et quod de Tertulliano dicitur, de aliis quoque Patribus intellectum cupit Magistellus: Ergo Bellarminus *Greisero* contrarium affirmanti aduersatur. Oplaustra nugarum. In medio est Tertullianus. In medio sunt & aliorum libri. Legantur: Et verborum præstigiæ euanescent. Nil Bellarminus in Contrarium. Somnia sunt, quæcunque Magistellus blattit. Quidam Ethnici habuerunt ligna pro Diis, non omnes; hoc asserit Bellarminus. In quibusdam placitis dederunt philosophi Hæreticis occasionem errandi, non in omnibus, & omnium minimè in unitate Dei. Hoc dicit cū Tertulliano Bellarminus: nihil aliud.

Sectione sexta imperitissimè blaterat inscitus Magistellus, de unitate arithmetica, numerica, Mathematica, Metaphysica, logica, generica, transcendentali; & probat, vel potius probare nititur, nullam ex his unitatibus Deo conuenire. Non numericam, non arithmeticam, non mathematicam; quia unitas Dei omni adoratione coli debet; sed unitas numerica, arithmetica, mathematica, ne quidam adorationis meretur. Quo ruis Magistelle? An Deus non est vnus numero? Ergo vnitas eius est vnitas numerica. Quid est vnitas numerica, nisi vnitas Arithmetica? Quid arithmetica vnitas, nisi Mathematica? Siego aliquorum entium numerum colligam, Deumq; primo loco ponam; Ioannē, secundo; Petrū, tertio; Paulū, quarto, &c. an non vnitas diuina huius quaternarij numeri principium est?

Deinde vt vnitas finita non mereatur adorationem per se; at infinita meretur. Dei autem vnitas infinita est quemadmodum & essentia eius infinita est. Dixi *per se*, quia sunt quædam vnitates, seu res vnæ, quæ etiam merentur adorationem, sed analogicè per aliud & propter

K

aliud,

aliud; vt est humanitas Christi, imagines Dei, & Saluatoris, Crux, &c. Si tamen Magistellus vnitatem Arithmetica seu Mathematicam sumat solum pro illa, quæ in quantitate continua fundatur, estque principium illius speciei in *pradicamento quantitatis*, quæ Quantitas discreta appellatur; tum fateor, Deum hac vnitatem non esse vnum: At num ideo non est vnus numero, aut vnitatem numericam propterea non habet? An vnitas hæc non latius diffunditur, quàm prior illa? Num Angelus non est vnus numero, licet non habeat vnitatem fundatam in quantitate continua?

At vide Magistelli stuporem. In *mathematica* numerorum *unitates*, inquit, *sibi mutuo non insunt, sed à se inuicem discretae manent*; vt in ternario vnitas hac vel illa à tertia exclusa est. At Deus verus sic vnus est *mystica*, rationi & *mathesi* ignota vnitatem, vt pater sit in filio, filius in sinu patris, paterq; & filius intimè vnum sint. Non examinabo ignorantiam, quæ sub primis Magistelli verbis delitescit: si dicam: Deus, Petrus & Paulus sunt tres vel tria, an non & hic tres istæ vnitates distinctæ inter se manent, eodem, quo manent distinctæ in quouis alio ternario; vt in Hunnio, Gesnero, Rungio? Deinde, cum Deum vnum dicimus; non loquimur de tribus personis, harum enim respectu Deus trinus est, non vnus; sed vsurpamus nomen *Dei* essentialiter pro natura & essentia diuina; cuius vnitatem nulla est maior vnitas, quandoquidem ita comparata est, vt vnitas eius ne intellectu quidem, tanquam multiplicabilis verè apprehendi queat. Si verò singulas personas intueri velimus, quælibet verè vna est. Verè pater vnus est. Verè vnus filius. Verè vnus Spiritus sanctus: & ex tribus hisce vnis seu vnitatibus verè ternarius numerus efficitur; licet non sit *pradicamentalis*, quia ve-

rus

rus numerus latius patet, quàm *pradicamentalis*, nisi quis contentionem de vocabulis inaniter excitare studeat. Et quamvis tres istæ personæ alia ratione, nempe in essentia, vnum sint, hæc tamen vnitas non impedit, quò minus alio respectu tres personæ tam verè dicantur tres personæ; quàm verè tres personæ nominantur Petrus, Paulus, Ioannes.

Vnitas Arithmetica, inquit Magistellus, *est finita; vnitas Dei est infinita*. Si per vnitatem arithmeticam intelligis illam, quæ est principium numeri, etiam in rebus à materia liberis; falsum dicis; quia hæc vnitas generatim sumpta abstrahit à finitate & infinitate, & ad vtramque est indifferens; sicut animal, ad *rationale* & *irrationale*; Corpus, ad *animatum* & *inanimatum*.

Vnitas Mathematica, inquit Magistellus, *excludit Trinitatem*. Si vnitatem *Mathematicam* nomines illam, quæ, quæ talis, diuidi nequit, & principium numeri cuiuscunque constituere potest; tum generatim spectata secundum totam suam latitudinem, tria nec includit, nec excludit; sed communis est ad illas vnitates, quæ ita vnum sunt, vt non sint plura; & ad illam vnitatem, quæ ita vnus est, vt simul etiam identicè sit tres personæ, Quanquam formaliter loquendo, vt natura diuina præcisè concipitur vna; nequaquam simul inuoluatur conceptus *Ternarius* seu *Trinitatis*, quātum quidem est ex imperfecto modo nostro intelligendi in hac vita. Nam & Aristoteles verè vnitatem Dei intellexit, nec tamē in ea vnitatem tria supposita, seu, tres vnitates inesse vidit.

Iure autem ex Magistello perconteris, quodnam sit discrimen inter *Arithmetica* & *Mathematica* vnitates; quandoquidem illas tam fidenter & animosè discriminat. *Vnitas Arithmetica*, inquit Magistellus, *est rationi pro-*

portionata, adequata, comprehensibilis. Vnitas Iehouæ rationis ambitum excedit. Hoc ipsum poterat eadem ratione, Magistellus dicere de vnitate sua mathematica, imò & de aliis, quas recensuit: Audi Nouator. Si per vnitatem Arithmeticam intelligis eam, quæ est communis ad quamcunque vnitatem, & principium cuiuscunque numeri, etiam in spiritualibus; tum negamus quod asseris; quia hæc vnitas comprehendit non tantum ea, quæ naturaliter cognosci possunt, sed & ea, ad quorum cognitionem supernaturali lumine intellectus eget, quippe rationis naturalis terminos longè transcendens.

Mentitur Magistellus, Bellarminum, quando dicit, Deum esse vnum; intelligere vnitatem *Arithmeticam & Mathematicam*; & quidem talem, qualis à Magistello depingitur; quæ fortè Bellarmino nunquam in mentem venit: certè eam nunquam nominat: Ipse enim per *vnitatem Dei naturaliter cognoscibilem*; intelligit vnitatem numericam; vt & ego; quem fingit Magistellus nomine *vnitatis*, intelligere vnitatem *quantitativam*, quando Deum affirmo esse vnum. Quo certè meam mentem non interpretatur, sed suam improbitatem & mentendi pruriginem detegit.

Nunc oracula fundit Magistellus de vnitate transcendentali, Audite. *Vt dicam, quod sentio, affirmo, vnitatem transcendentalem Metaphysicam esse rationi notam.* (Omni-
no; At non cuiunque rationi; sed rationi disciplinis Philosophicis excultæ; quamuis ex suo genere cuiunque hæc vnitas cognoscibilis sit, cum sit passio entis, obiecti Metaphysicæ, quæ circa ens, vt ens, versatur, quatenus naturaliratione cognoscitur. Quapropter vnitas etiam Dei naturaliter cognoscibilis; ad vnitatem entis transcendentalem, quam Metaphysica considerat, pertinet.)

tinet.) II. *Ab eadem inuentam.* Vtique, si per inuentum intelligas id, quod ratio inuenit in rebus; non quod ipsa excogitat: nam vnum transcendentale reperit ratio in ente; non autem illud enti affinxit. Quod verò Magistellus dicit; Vnitatem transcendentalem fuisse *historia obseruatam & exploratam*, id quidnam aliud sit, quàm grandis quædam stultitia, equidem non video, quia passionibus entis non ex historia, sed ex accurata ratiocinatione circa ensprehenduntur & percipiuntur. III. Afferit Magistellus: *Notitiam unitatû Transcendentalû profluere ex habitu acquisito Metaphysico.* Ergo non ex historiæ obseruatione, vt antea aiebas. IV. *Illâ unitatem esse finitâ, creatam, plenè & planè comprehensibilem.* Malus es Metaphysicus, vt video, & somniculosus lector Suarétzj, quem toties citas. Obiectum Metaphysicæ est ens vt ens, naturali lumine cognoscibile, prout est commune quiddam ad ens finitum & infinitum; ad creatum & increatum; ergo & vnum, passio huius Entis, est commune quid ad vnum finitum & infinitum; itemque ad vnum creatum & increatum. Nimis tu terminis angustis Metaphysicæ latitudinem circumscribis, si Deum inde eiecere velis. An non in Metaphysica Aristotelica vidisti Deum? Quanquam tunc talpa Deum videres? Vnitas Dei, quam Aristoteles cognouit & demonstrauit, naturali lumine inueniri potest; quare ad Metaphysicam & transcendentalem vnitatem pertinet; sed vos Witebergæ, vt nouam fidem & noua Biblia; sic fortassis nouam quoque Metaphysicam cudistis sine Deo, sine Intelligentiis, quia proponitur illis, qui sunt sine intelligentia; quibus ratio non renati & non iustificati, non est ratio, sed *bestia.*

Affirmo ulterius, inquit Magistellus, Iehoue nostri veri unitatem indiuisè Trinitatem secum inferentem, non esse naturaliter notam rationi; non esse ex principijs rationis inuentam, non profluere ex habitu acquisito, sed infuso, sancto fidei habitu. Aut igitur Aristoteles vnum Deum non agnouit, aut fidei habitum habuit. Prius falsum esse testatur liber duodecimus Metaphysicæ. Posterius item falsum esse, haud grauatè Magistellus annuet. Neque ita vnitatis Dei naturaliter cognoscibilis Trinitatem ineludit, vt illa sine hac naturali cognitione inuestigari ac intelligi nequeat: cum cognitio hæc ex rebus creatis hauriatur, quæ nobis vnitatem Dei; nõ autem Trinitatem, perspicuè ac veluti in pellucido speculo exhibent.

Vnitatem genericam & specificam à Deo remouendam esse, sciãmus; nec hoc Magistello ad id discendum, instructore egemus. Neque latuit hoc Aristotelem; vt norunt genuini Metaphysici.

Capite quinto *Muricum* dixi, Tertullianum ex communibus sentiendi notitiis & locutionum modis probare, inter cætera, *mortuorum Resurrectionem*. Hic Magistellus tumido ore mentitur. I. *Me hoc fecisse*. Non feci, sed quid Tertullianus egerit, indicaui. II. Mentitur, Iesuitas docere; *Resurrectionem mortuorum naturaliter cognosci posse*, citatque *Fonsæcam* lib. 7. Institut. Dialect. cap. 20. vbi ita scribit: *Animæ rationalis immortalis est, & habet naturalem ad corpus, in quo creata est, propensionem. Ergo si absurdum est, naturalem appetitum in omnem æternitatem impediri ac frustrari, sanè aliquando corpus animæ separata iungetur ac copulabitur.* Hic mirificè paratragediat Magistellus, & nil nisi Pelagianismos erepat; additque, pro grauitate Lutherana, hinc sequi, etiam *porcos resurrecturos, quandoquidem eorum animæ habet naturalem inclinationē ad cor-*

pus, quod informauit, & ex quo educta fuit. Vbi non iniuria suspiceris, Magistellum hunc habere persuasum, *porci animam*, mortuo Porco, extra subiectum, separatim existere, vt existit anima rationalis: nam nisi ita sentiret, haud diceret, animam *porci* habere appetitum ad corpus, quod animauit. Nam si appetitum habet; existit ergo; nam id quod non existit, nullo appetitu afficitur. Qualis verò iste Philosophus, cui anima porci, (& idem de aliorum brutorum animabus, sentiat oportet) separatim extra materiam manet? Hactenus arbitrabamur hanc solius animæ rationalis prærogatiuam esse. Multum certè debent bruta huic Magistello, à quo eorum animæ tanto priuilegio sunt exornatæ.

Quod ad rationem ex Fonsæcā allatam attinet; non est ea quidem demonstratio, sed probabilis quædam persuasio, non cogens, sed verissimiliter ad assensum Resurrectionis mysterio præbendum inducens; Quanquam, vt rectè docet Suarez tom. 2. in 3. p. S. Thomæ, disp. 44. sect. 8. & rationes naturales adferri possunt, & re ipsa etiam adferuntur cum ab aliis, tum à Suarez loc. cit. sect. 6. quæ sufficiant ad conuincendum intellectum bene dispositum, vt credat, Resurrectionem mortuorum esse possibilem; non virtute alicuius agentis finiti, sed illius infiniti, quod est Deus. Neque hoc est *Pelagianizare*, vt imperitus Magistellus calumniatur, Qua de re videatur Suarez.

Oggrunnit brutorum aduocatus. *Etiā materiam primam habere appetitum ad formam, quam antea habuit; hūc ergo similiter expleri; atque adeo animam porci mortui in corpus, quod informauerat, reduci debere.* Respondeo, esse disparē rationem: quia licet materia, non recuperet formam prius habitam, & postea amissam, penitusque desit;

ram; habet tamen aliam, quæ eius appetitui satisfacit, cum nunquam sine substantiali forma in rerum natura existat. Hinc materia in imperfecto statu non remanet; quemadmodum manet anima rationalis, donec corpori iterum iungatur; & quia quælibet res perfectionem & ultimum suum complementum desiderat; hocque desiderium à Deo, rerum conditore, temerè non fuerit insitum, rectè colligimus, animam rationalem denuo cum corpore unitum iri. Ex parte vero brutorum, nihil eiusmodi apparet; quia materia iam recepit aliam formam: & prior forma bruti penitus interiit: Nullam ergo propensionem ad materiam habere potest.

Obiicit Magistellus ex S. Thoma: *Idem non posse credi & sciri. Si igitur Resurrectio Mortuorum, ut articulus fidei credatur; per consequens sub scientiam cadere non posse.* Respondedo, idem sub eadem ratione sciri & credi non posse; posse, sub diuersis: Exempli gratia, *Deus est; Deus unus est; bonus est; aternus est;* Sciri potest per demonstrationem; credi, per diuinam reuelationem. Sic idem euidens esse potest & ineuidens; sed diuersis viis. Euidens per scientiam: Ineuidens per fidem. Quàquam aliud est, resurrectionem esse possibilem; & aliud, esse futuram: sicut aliud est; possibile esse, ut Magistellus iste sapiat: aliud; futurum ut sapiat: Resurrectionem futuram esse, sola fide creditur: possibilem esse, ita creditur, ut simul etiam argumentis non inefficacibus comprobetur.

Tres syllogismos profert nobis Magistellus, planè Magistrales. Primus: *Quicumque negat Deum unum & trinum, Christi resurrectionem, Christi Euangelium, Apostolorum praconium, ille negat resurrectionem mortuorum, & contraria. Ratio non renata, Ethnicus omnis non renatus, solum eius ductum sequens, semper negat Deum unum & trinum, &c.*
ergo

ergo negabit ubiq. resurrectionem mortuorum. Demus Maiorem Magistello; Minorem negamus: quia non repati, hoc est, fidei lumine non illustrati, ex rebus creatis existētiam, unitatem & alia nonnulla attributa Dei intellexerunt, teste Apostolo ad Rom. i. Iidem non renati, nominatim Plato, cognouerunt non quidem ex creaturis, sed vel ex peculiari diuino instinctu; vel ex Sibyllis, vel ex lectione diuinorū voluminum, vel ex consuetudine cum Hebræis, varia fidei mysteria, vt futurum iudicium; futuræ vitæ præmia; bona pro bonis; mala pro malis: Verbum diuinum, Spiritum sanctum, creationem mundi, & alia huius generis, quemadmodum fusè ostendit Iustinus in Oratione prima ad Græcos; itemq; Clemens, Eusebius & alij veteres.

Secundus asyllogistus syllogismus. *Quidquid implicare cōtradictionem videtur rationi, illud eidem videtur simpliciter falsum, absurdum, impossibile. Resurrectio Mortuorum implicare rationi omnium Ethnicorum videtur contradictionem, ergo, &c.* Respondeo, Minorem esse falsam; quia Platoni resurrectio mortuorum adeo non est visa contradictionem implicare; vt eam expressè scriptis suis tradiderit, teste S. Iustino in oratione prima ad Græcos, vt alios in præsentī fileam.

Probat Magistellus Minorem ex Bellarmino, qui lib. 3. de Eucharist. cap. 3. scribit: *Mysterium Resurrectionis mortuorum semper Philosophis impossibile visum esse.* Non omnibus, ô bone, sed aliquibus rationum momenta non ponderantibus. nam & Paulo Apostolo Athenis Act. 17. de resurrectione mortuorum disputante; *quidam quidem irridebant; quidam verò dixerunt; audiemus te de hoc iterum.* Ergo his posterioribus non videbatur Apostoli dissertatio implicare contradictionem. *Quidam verò viri ad-*
L
haren-

herentes ei, crediderunt. Et tamen priusquam crederent renati non erant. Platonem quoque resurrectionem perspectam habuisse, testatur Eusebius lib. 11. Præparat. Evangel. cap. 18. Iustinus in Oratione prima ad Græcos, S. Augustinus lib. 22. de Ciuit. Dei, cap. 17. & alij veterū. Eusebius quoque eodem libro copiosè ostendit, generationem filij Dei ex Patre non fuisse Platoni ignotam: qui & multa alia de Platone refert; vt & libro duodecimo eiusdem Operis, ex quorum lectione & intellectu clare deprehendes, qualis sic huius Magistelli stupor, & quàm spissa inscitia cum sua non renatatione.

Sed en tertium syllogismum. *Qui negat corruptum idem numero redire posse, negat veram resurrectionem, eamque dicit impossibilem. Ratio non renata negat idem numero redire posse, ergo negat Resurrectionem.* Demus Magistello Maiorem ex liberalitate; quāquam absolutè non est vera; quia non defuere Theologi vera fide præditi, qui insciantur, rem in nihilum redactam reproduci posse, & tamen possibilitatem Resurrectionis futuræ non modò sanctè credebant, sed & efficacibus argumentis adstruebant. At esto Maior. Nego Minorem; quam vel vnus Plato apud Iustinum & Eusebium refellit, vt de aliis sileam. *Plato dixit, verba S. Augustini refero, lib. 22. de Ciuit. Dei, cap. 27. sine corporibus animas in æternum esse non posse. Ideo dixit: etiam sapientum animas post quamlibet longum tempus, tamen ad corpora redituras.*

Cætera, quæ de Resurrectione aliisque nonnullis rebus Magistellus noster eiecit; nil aliud sunt, quàm vel inscitæ eximæ luculentissima argumenta, vel maledicentissimæ & mendacissimæ mentis impura excrementa. Quæ non tango; quia iis, quæ tetigi, gemella sunt. A vertice vsque ad imam pedis plantam nil sanum, nilque sincerum.

Sincerum est in hoc miserabili & famelico Magistello, quem dimittere tempus monet, ut abeat pransum vel coenatum ad suum Polycarpum Lauferum, cuius ut beneuolentiam, vel potius offam & cereuisiā promeretur, hoc tam dilucidum ignorantiae, pseudologiae & maledicentiae suae speculum euulgauit.

Apophoreti tamen loco, cupio, ut secum absportes nonnulla pro Muricibus Predicaticis Analecta, & inprimis hanc S. Epiphaniij in *Ancoras* de Resurrectione sententiam ex communi Ethnicorum sensu & facto petitam, omissam à me in Demonstratione & Muricibus. *Consuetudine*, inquit, *coguntur Ethnici Resurrectionem mortuorum confiteri.* ἐν δὲ τῷ ἐπὶ τὰ σώματα τῶν τελευτησάντων, πᾶσι γίνονται καὶ προσφωνοῦσι τοῖς τεθαμμένοις νεκροῖς ἐξ ὀνόματος ἀνάστα φάσκοντες, ὁ δὲ ταράξα, καὶ πῖσι ἐν ὑπερίσταν. *Ad locum enim, qui corpora mortuorum continet, accedunt; vocatisq; ex nomine sepulcris acclamant; surge, comede, bibe, latare.* καὶ εἰ μὴ τὰς ψυχὰς ἐκ τῶν νεκρῶν ἵστασιν ἱμῶν ἐμμένειν, ἐν δὲ τὰ λείψανα τῶν τελευτησάντων τεθαμμέναι, ἀπαθείς π τοιαύτη τῶν ψυχῶν προσδοκία. *Quod si existimant animas manere eo loco ubi cadauera defunctorum tumulata sunt; absque ulla doloris perpeffione erit huiusmodi animarum expectatio. Expectant enim futuram illam diem & resurrectionem regenerationis, donec iterum cum suis corporibus coniungantur ac coniungantur, &c. Si autem istud hoc consilio non agunt; explicent nobis quaratione animas corporibus longe excellentiores huic damnationi subiiciant, &c. ut scilicet in tumultis morari cogantur.*

Vbi vides inter cætera argumenta, quæ adstruendæ Resurrectioni S. Epiphanius profert; vnum itidem ex Communi Ethnicorum facto & naturali instinctu petiturum esse; & hunc Ethnicorum morem argutè itidem Tertullianus pro Resurrectione corporum adducit in ipso

Ita in vestibulo libri de Resurrectione Carnis, & in Opusculo de Testimonio Animæ. Priore loco ita scribit: Fiducia Christianorum, resurrectio mortuorum: Illam credentes sumus, hoc credere veritas cogit. Veritatem Deus aperit. Sed vulgus irridet, existimans nihil superesse post mortem. Et tamen defunctis parentant, & quidem impensissimo officio pro moribus eorum, pro temporibus esculentorum, ut quos negant sentire quidquam, etiam desiderare præsument. At ego magis ridebo vulgus, tunc quoque cum ipsos defunctos atrocissime exurris, quos postmodum gulosisime nutrit, iisdem ignibus & promerens & offendens, &c. Planè cum vulgo interdum & sapientes sententiam iungunt. Nihil superesse post mortem, Epicurischola est, &c. Satis est autem, si non minor Philosophia Pythagora & Empedoclis, &c. Sed Platonici immortalitatem animæ à contrario reclamant, &c. Ita saculum resurrectionem mortuorum, nec cum errat, ignorat.

In libello de Testimonio animæ, quibus verbis animæ cogitationes suas de mortuis expromat; ita docet Tertullianus: *Ceterum aliàs securos vocas defunctos. Proferis & vira incommodum, & mortis beneficium. Vocas porro securos, si quando extra portam cum obsoniis & matta tibi potius parentans ad busta recedis, aut à bustis dilutior redis. At ego sobriam tuam sententiam exigo; misellos vocas mortuos. Nam in convivio eorum quasi presentibus & conrecumbentibus sortem suam exprobrare non possis, debes adulari propter quod latius vivis. Misellum ergo vocas, qui nihil sentis? &c.*

Quàm Caluino inuisa & exosa sit mortuis bene precandi inolita, & omnium fidelium mentibus insita consuetudo, ostendi in Muricibus cap. 22. Eadem Caluini male sana mens elucet ex eius epist. 53. ad Mompelgartenses, ubi vetat, *ne funus in Templum inferatur; rectè ad cæmeterium deferri iubet*; (Habent autem isti cœmeteria sua

sua extra templa templorumque septa; plerunque etiam extra moenia.) Cur istuc Calvinus? Ne ex antiquo more, causa suffragiorum ad Templum deferri censeretur; & necui, etiam incogitanti, erumperet illa vſitatiffima vox; *Deus defuncto ſit propitiuſ. Det ei Deus requiem.* Ea de causa ſublato quoque voluit *Campanorum pulſum*, catholicis vſurpatum, quando quis hinc exceſſit.

De Campana pulſu, inquit Calvinus, *nolim vos pertinaciuſ reclamare*, (quia Princeps Mompelgartenſis, pulſum hunc, vt & alia nonnulla veteris religionis inſtituta, ſeruari cupiebat) *ſi obtineri nequeat, vt princeps remittat; non quia probem, ſed quia rem contentione dignam non arbitror.* Sic epiſtola 374. ægrè concedit ſuis Sectatoribus, vt vel humanitatis cauſa, *proſequantur funera mortuorum Catholicorum*; metuit enim, ne qua vox precationis pro defuncto eis excidat, & ne ipſa ſua præſentia Purgatorium ſtabilire videantur. *Participare precibus, qua ſunt pro mortuū, hoc nõ aliud eſſe poteſt, quàm tantundem derogare unico Chriſti Domini noſtri ſacrificio, &c.* Si tamen Calvinus non mentitur; qui fruſtra brachia aduerſus hunc torrentem tendit; neq; vnquam clamoribus ſuis hoc vltimum humanitatis officium, eiſque præſtandi communem ſenſum, ex mortalium animis expūget. Miror eundem ſuis non interdixiſſe, ne comitarentur Catholicum, ſi quando talis ob malefacta duci iubetur; & ad furcam vel gladium abripitur.

At vide & obſtupeſce quò Calvinì odium in defunctos procedat. Conſultuſ enim de veſtimentis, luſtuſ indicibus, ita reſpondet, epiſt. 375. vt nouum Loxiam facile agnoſcere queaſ. *De veſtibus luſtuſ, quaſ vocant, non video magnam harēdi occaſionem: Reſ enim per ſe non ita mala eſt, vt tolerari non poſſit, quemadmodum & alij quidam de-*

fectus seu infirmitates humana polities. Ergo consuetudo hæc, quæ originē suam ex intimis animi humani visceribus; ut ita loquar, trahit, *defectus quidam est, & humana infirmitas.* Cur vero? Quia aliquid innuit, q̃ Caluini stomacho non arridet, nempe, curam viuentium, q̃ gerunt & agunt pro mortuis. Hæc Caluinū vrit: hanc quia exterminatā cupit, etiam vestes lugubres eliminatas cupit. At non audet apertē. Tentat ergo id clam per cuniculos.

Addamus & hoc. Galli, teste Caluino, epist. 128. festum Annunciationis beatæ Virginis 25. Martij celebrari consuetum vocāt *Festum Domina nostra*. Non potuit hoc ferre Caluinus. *Acriter*, inquit, *in eam superstitionem quotāis inuolatus sum, quod diem Conceptionis Christi sub Maria nomine plebs coleret.* En Caluinus ferre nō potuit, ut beatissima Virgo appellaretur *Nostra Domina*: Et tamen æquissimo animo ferebat, ut poëtæ prisce vocarent amās suas *Dominas*; eodemque titulo Beza cohonestaret suam Candidam: nec puto Gallos Caluinistas tam fuisse in suum Apostolum intiuiles, ut eundem *Domina* titulum amoribus Caluini, vxori, inquā, eius, nō tribuerint.

Cap. 12. Muricū copiosē disserui de impietate Calvinistarum, qui ægris & moribundis Eucharistiam negāt. Qui mos ipsi Caluino displicuit. Testem do epist. 361. & 363. in quarum priore ita scribit Caluinus: *Cur cenā agrotū negandā esse non arbitrer, multa & graues causa me impellunt. Video interea quā procliuius in multos abusus sit lapsus, quibus prudenter seduloq̃ occurrēdum esset. Nisi enim sit communicatio, perperā desleētur à sacra institutione Christi. Conueniat ergo aliquis cætus oportet ex cognatis, familiaribus, & vicinis, ut fiat distributio ex mādato Christi; deinde, coniuncta sit actio cū mysterij explanatione; nec quidq̃ à communi Ecclesia ratione dinersum. Promiscuē etiam huc & illuc deferre, valde peris-*

periculosum est. Atq; hic difficillimū est cauere, ne alios superstitio, alios ambitio, & vana ostentatio ad petendum sollicitet. Itaq; iudicio opus esset, ac delectu, ne quibus daretur, nisi in magno vita discrimine. Sed hæc, quæ Calvinus exigit, necessarii non requiri; ostensum est in Muricibus.

Adiungit Calvinus: *Panem tanq̃ sacrū & templo offerri, præposterū est: gestari verò in pōpa nullo modo tolerabile.* Non habeo q̃ hic culpē. Cum. n. cœna Calviniana cœnatoriis suis nihil aliud apponat, præter panē & vinū, causæ nihil est, cur panis & vinū honorificè ex fano Calvinistico ad ædes ægroti deferantur, cū ex cella penaria & vinaria ægotatis depromi, vel à proximo pistore & caupone peti possint. Interim & hic video, q̃ difficile fuerit Calviniano Diabolo, infitas de Eucharistia reuerēter ad ægros deportanda notiones & persuasiones eximere.

Epistola posteriore ita scribit Calvinus: *Ex natura, fine & usu mysterij (Cœne) probè mihi colligere videor, nō esse tanto bono prouandos, qui vel diuturno morbo laborant, vel de vita periclitantur. Ad fidei confirmationē valet tesseram accipere, quasi ex Christi manu, qua certiores fiamus, nos in eius corpore censerī, carne eius & sanguine pasci in spem æternæ vitæ. Itaque Cœna perceptio nos ad obeundas spirituales pugnas instruit. Iā si pius quispiam è mundo migrandū sibi videat: quia, fieri non potest, quin oppugnetur, ac vexetur multis sensationibus, meritis se armari cupiet ad sustinendos consiliū. An eripiendū est singulare adiumentum, quo fretus ad luctam alacrius descēdat, & victoriam obtineat? Id prohiberi, quod minus liceat profiteri & testatum facere pietatis consensum cū Ecclesia, durum est, ac mali exempli, siue quis in lecto diu iaceat, siue morti sit vicinus. Atqui Cœna sancta inter filios Dei unitatis est symbolum. Quāvis breuiter rē attigerim, agnosci tamē quibus rationibus adductus, ægros non arbitrer à communicatione arandos. Neq; tamē ea de causa velim turbas mouere, Scis in hac*

Eccle-

Ecclesia alium esse morem: Acquiesco, quia utile non esset commendare. Qui hanc administrationem non putant Christi mandato esse consentaneam, obiciunt, sacrum hoc epulum fuisse institutum, ut communiter illic vescerentur fideles, quod illis verum esse concedo. Sed quamvis nulla sit legitima Cæna, nisi communis: qua tamen agrotis dabitur; quia priuata non erit, adulterina non censebitur. Nam certe partem, vel appendicem esse constat publicæ actionis. Hæc Calvinus.

A quo, non tantum posteriores, sed & ipsi Geneuenses Calvinistæ, Caluino adhuc superstite, dissenserunt, quod æquo animo se ferre fingit, quia cogebatur, auctoritate senatus Geneuensis; alioqui nemini cedere solitus, nihil intentatum reliquisset, donec omnia ad suam sententiam accommodata & instituta vidisset.

In epist. 53. ad Mompelgartenses hunc in modum scribit Calvinus: *De cæna administratione ita sentio, libèter admittendum esse hunc morem, ut apud agrotos celebretur communio, &c. nec magnopere etiam repugnandum esse, quin maleficis detur, qui plerumque sunt, siquidem postulent, &c. Hac tamè lege, ut sit vera communio, hoc est, ut panis in cætu aliquo fidelium frangatur; hoc est, ut ipse Prædicans, cœnæ coactor & administrator, præfectus item carceris & familia eius, vel alij cum malefico, hoc est, cum fure vel latrone, cœnèt; nam solum cœnare non patitur Calvinus: cui nimis miserum conuiuium videtur, in quo vnus dūtaxat accumbit.*

Quapropter nimis quoque absurdum iudicat, ut in ordinaria etiam concione, & publico conuentu, cœna in vnus gratiam instituatur: & certè est, cur Christus Deo agat gratias, quod in Emaus peregrini habitu proficiscens, duos discipulos simul inuenerit; nam si vnum duntaxat inuenuisset, haud potuisset ingressus in diuersorium panem frangere, hoc est, phrasi Calviniana, cœnam instituere, seu, ut nos loquimur, sacræ Eucharistiam admi-

administrare. At forsan Calvinus tam morosus est, ut ne duobus quidem cœnam, etiam publico in cœtu, exhibere velit. Quot ergo conuiuas postulat? Edat numerum conuiuarum minimum, qui sufficiat; & infra quem nullus sufficiat.

At hanc cœnæ rationem ineundam Calvinus ducē habuit Lutherum, qui in colloquiis sympotiacis Lat. Tit. de cœna, Tom. 2. ita scribit: *Ego quotidie mecum considero & cogito, qua ratione priuatam illam infirmorum communionem abrogare possim.* (Quod, Luthere, cogitasti, id nonnulli Calvinistarum iam fecerunt, ut vidimus in Muricibus cap. 12.) *ut publicè in templo essent frequentiores, vel congererentur talem seruare modum; quem ego infirmus seruauit, ubi cum aliis pluribus fiat communio; nimirum iuxta illud: Regis ad exemplum totus componitur orbis; qui ibidem adiungit. In porrigendo Sacramento infirmis bonum est ministrum semper simul cōmunicare.* De calice minor erit difficultas, de pane non nemo Prædicantium existit, qui renuat: quia vinum semper facilius in os & stomachum influit, quàm panis.

Adiiciamus denique Muricibus Prædicanticis hoc etiam Epimëtrum siue auctarium. Omnibus hominibus à natura insitum est, ut inspectione locorum, ubi olim aliquid memorabile factum mirificè commoueatur & afficiatur, eorumq; intuitu aliquando vix exsatiari possint. De quo communi omnium sensu exstat elegantissima disputatio Marci Tullij Ciceronis in exordio libri quinti de finibus, ubi Piso, vnus ex interlocutorum numero, *Naturane nobis hoc, inquit, datum dicam, an errore quodam, ut cum ea loca videamus, in quibus memoria dignos viros acceperimus multum esse versatos, magis moueamur, quàm si quando eorum ipsorum aut facta audiamus, aut*

M.

scriptum

scriptum aliquod legamus? Velut ego nunc moneor. Venit enim mihi Platonis in mentem, quem accepimus primum hîc disputare solitum: cuius etiam illi hortuli propinqui non memoriam solum mihi afferunt: sed ipsum videntur in conspectu meo hîc ponere. Hîc Speusippus, hîc Xenocrates, hîc eius auditor Polemo, cuius ipsa illa seſtio fuit, quam videmus. Equidem etiam curiam nostram, Hostiliam dico, non hanc nouam, qua mihi minor esse videtur, posteaquam est maior, solebam intuens, Scipionem, Catonem, Laliū, nostrum verò inprimis aum, cogitare. Tanta vis admonitionis inest in locis: ut non sine caussa ex his memoria ducta sit disciplina.

Si Academia Atheniensis Platonem & Platonicos præcipuos Pisoni tam perspicuè repræsentauit; mirum certè foret, si in hominis Christiani pectore ardentes pietatis motus nō excitaret visus locus, vbi Christus Redemptor noster natus est & educatus, passus, mortuus, sepultus, à morte excitatus, & in cœlum assumptus; vbi docuit, miracula patrauit, vltimā cœnā cū discipulis cœnauit, discipulorū pedes lauit; vbi post resurrectionē cōspicuum se præbuit, &c. Lapis sit non homo, qui his communis visis iustratisq; nullo pietatis aut reuerentię sensu tangatur. Et quod de monumentis Christi Redemptoris nostri dico, idem intellectum volo de locis, in quibus versati Prophetæ, Deipara Virgo, Apostoli, Martyres, & alij vitæ sanctimonia præstantes seu viri seu foeminae.

Post Pisonis verba subiungit Quintus, *Est plane Pise; ut dicis, inquit: nam me ipsum huc modo venientem conuertebat ad sese Coloneus ille locus, cuius incola Sophocles ob oculos versabatur, quem scis quā admirer, quāq; eo deleſter. At quidem ad altioremem memoriam Oedipodis huc venientis, & illa molliſſimo carmine, quanam essent ipsa hac loca, requirentis, species quadam commonit, inanis scilicet, sed commonit tamen.*

Tum

Tum Pöponius; At ego, quē vos, ut deditū Epicuro, insectari solētis, sum multum equidem cum Phadro, quem unice diligo, ut scitis, in Epicuri hortū, quos modò prateribamus: sed veteris proverbi admonitu virorum memini: nectamen Epicurilicet obliuisci, sic cupiam: cuius imaginem non modò in tabulis nostri familiares, sed etiā in poculis, & in annulis habent, &c.

Ego autem tibi, Piso, inquit M. Tullius, assentior; vsu hoc euenire, ut acrius aliquantò & attentius declaris virū, locorum admonitu, cogitemus: scis enim me quodam tempore Metapontum venisse tecū, neo ad hospitem antè diuertisse, quā Pythagora ipsum illum locum, ubi vitam odiderat, sedemq; viderim. Hoc autē tempore, et si multa in omni parte Athenarum sunt in ipsis locis indicia summorū virorū: tamen ego mōtor illa ex edra. Modò enim fuit Carneades, quem videre viderē. Est enim nota imago: à sedeq; ipsa tanta ingenij magnitudine orbata desiderari illam vocem putō. Tum Piso; Quoniam igitur aliquid omnes, quid Lucius noster, inquit? an eum locū libēter inuisis, ubi Demosthenes & Aeschines inter se decerrare soliti sunt? suo enim quūq; studio maxime ducitur. Et ille, cū erubuisse, Noli, inquit, ex me quarere, qui in Phalericū etiā descendirim: quo in loco ad fluctū aiunt declare solitum Demosthenē, ut fremitū aduinceret voce vincere, modò etiā paululum ad dextrā de via declinavi, ut ad Pericli sepulcrum accederem. quanquā id quidē infinitum est in hac Vrbe, quacūq; enim ingredimur, in aliquā historiam vestigium ponimus. Tum Piso; Atqui Cicero, inquit, ista studia, si ad imitandos summos viros spectas ingeniosorū sunt, sin tantū modò ad indicia veteris memoria cognoscenda, curiosorū. Te autē hortamur omnes, curretem quidē, ut spero, ut eos, quos nouisse vis, etiā imitari velis.

Hac ex beatissima illa eloquentia vena manarunt, inquit vir eruditus & disertus Goropius Becanus, libro primo Atuaticorum, quibus quid potest velelegantius esse, vel lectu incundius, vel ad profligandas factiosorum hominum

calumnias aduersus peregrinationes religionis pietatisq; causa suscipi consuetas efficacius? Sit tanta vis recordationis e locis exoritur, ut magis nos moueat, quàm si vel facta audiamus, vel scripta legamus; quantum, obsecro, momenti habebit ad animi feruorem in nobis excitandum, quo & DEVM adoremus, & sanctos viros, quorum loca visitamus, imitemur, in quo Pios finem ponit inspectionis locorum? Alij Platonis ex Academia; alij Sophoclis ex Coloneo; alij Epicuri ex ipsius hortis; alij Demosthenis ex Phalerico in mentem venit: quidni muld magis, nobis ex praesenti locorum inspectione, Christi Servatoris nostri in mentem veniat; cum vel natale eius solum; vel locum, in quo crucifixus est pro omnium salute; vel sepulcrum eius; vel templum, in quo disputauit; vel alia monumenta coram intuemur. Saxeus sit, necesse est, qui non commoueat horum admonitu: plumbeus, qui hac animi incitatione, non sursum feratur, &c.

Quod si Cicero nostra religionis sacris fuisse imbutus, bone DEVS, quibus modis fuisse commotus, si Hierosolyma & totam Iudaam adiuisset, cui tam suauem orationem Athenarum inspectio extorsit. Celebrauit ille Marianam quercum: quanto magis lignum Crucis, & eius locum celebraturus, si ea nouisset, quae nos fide diuinitus nobis concessa tenemus. Humanam naturam hominibus adimunt, qui negant admonitu locorum nos non vehementer commoueri, &c.

Ad hanc igitur suauissimam contemplationem, ad hoc caleste pabulum animorum si praesentia locorum nos commouet stimulo quodam admirabili, & omnibus à natura, si Ciceroni & communi sensui credimus, indito: quis rogo tamen erit fanaticus, ut peregrinationem Hierosolymitanam neget facere ad pietatem, neget habere quidquam utilitatis? sed sunt, inquires, quibus nullo opus est adiumento, ad animi sensum ad caelestes has cogitationes euehendum: sed domi suae satis habent ad id vi-

FINIS

rium. Sint sanè; sed his ipsi, si eos in Iudæa sistas, non est dubium, quin magis sint commouendi, dum in conspectu habebunt ea ipsa loca, in quibus DEVS filium suum propter peccata nostra tantum tormentorum voluit subire, nisi fortasse homines mihiingas lapideos, & omnis humani sensus expertes. Si qui ergo tam absurdam opinionem tuebuntur, his ut contraria stant, contra eos non magis disputandum, quàm si quis dicat, nullam niuem albam esse. Hæc scitè simul & piè Becanus. Quæ de re copiosè etiam egimus lib. 1. de sacris peregrinationibus, cap. 12. & in Notis contra Molinæum cap. 3.

*De Carmine Prædicantico, quod speculo
Zephyriane impudentiæ præ-
figitur.*



ARMEN hoc dignissimum tali libro iudico: Non potuisset aptiore operculo hæc patella operiri. Est enim prorsus ineptum, insulsum plenunque ruris & inficetiarum: qualia scilicet in Prædicantico Parnasso nasci solent. Nam ne sis nescius prolis tam formosæ parens est Pastor quidam Corydon Brunsuicensis: doctus non tantum equitare, sed & modulari in arundine longa. En tibi Sylvestris & amusæ Musæ particulam.

Ergo Sathanico, tu Bellarmine furore,

Captus discipulos decipis inde tuos.

Quando doces gentes Euangelij sine verbo

Ex propriis Christi viribus esse gregem.

Ergo Sathanico Grefere & percitus Oestro,

Inque Dei flatum lingua maligna tua est.

Quando doces, Dominus fidei qui trinus & unus,

Natura ingenio cognitus absq. fide est.

— Sapiencia carnis

Optima, ut esse potest, est inimica Deo.

Naturalis homo non spiritualia capit.

In Iesv ex verbo gratia nosce dedit.

Desine, Menalca, desine, Enceabis nos non canendo sed rudendo.

Salvus Aristoteles, saluus Cato, Scipio saluus,

Socraticum saluum est, Herculeumque genus.

Cinglius & Cingli similis gentilis Erasmus

Blasphemè in chartis sic docuere suis.

Quos praeceptores sequitur Gretserus, ad Orcum

Damonis & flammæ iura sequatur eos.

Cedo, Pastor, vbi hoc docuit Gretserus? Profer librum ex Gretseri libris. Miserabile est istos, eò prouectos iam cernere; ut ob nullam impudentiam, licet extremam, aliquo pudore tingantur, vel saltem modicè tangantur. Nihil restat, quàm ut iste vel alius eiusdem formæ & notæ præco, rumorem spargat, Gretserum cum Zuuinglio Christum ab Eucharistia excludere. Quàm enim hoc posterius, tam & illud prius ex libris & sensu meo euinci potest.

Speculum fidei Lutherana speculo Zephyriano repositum.



LUTHERVS in caput 27. Geneseos Tom. 6.
 Lat. Witeberg. *Fides est opinio, quæ fertur in id quod nihil, quod impossibile & absurdum est.*
 Habes hic genus fidei Lutheranae quod est opinio, quæ est habitus incertus, utpote cum formidine oppositi coniunctus, Credit ergo fides Lutherana.

Trini.

Trinitatem, sed ita, vt timeat, ne forte verum non sit. Deum esse trinum & vnum: Credit Incarnationem Christi; at non sine metu, ne forsan res secus se habeat; Christique Incarnatio fabulosa sit. Credit vitam æternam, at non absque tacito animi remorsu, ne forsan fallatur, quia *opinio* non ita firmat intellectum, vt nec fluctuet, nec ad alteram contradictionis partem respiciat, Eadem est ratio aliorum Lutheranae fidei dogmatum; incerto enim assensu tenentur; nam quidquid ex sola opinione est; illud incertum est; At omnes articuli Lutheranae fidei sunt ex sola opinione, quia ipsa Lutherana fides essentialiter est *opinio*, ergo omnes articuli fidei incerti sunt.

Habes II. Ex supradictis Lutheri verbis *Obiectum* fidei Lutheranae: quod est, N I H I L; I M P O S S I B I L E, A B S U R D U M. Lutherana ergo fides credit *Nihil*; quia credit id, quod est suum obiectum. At obiectum est N I H I L. Credit ergo N I H I L. Et per conversionem: Nihil ergo credit. Qualis ista fides? Inde sequitur, Lutheranos aut non credere Deum trinum & vnum, Christum Incarnatum, passum, crucifixum, mortuum, sepultum, à mortuis excitatum, vitam æternam, & alia huius generis; aut Deum trinum & vnum, & alia omnia Lutheranis esse N I H I L: quia fides Lutherana fertur in id, quod *Nihil* est; ergo non in id, quod aliquid est: quia nihil non est *aliquid*; nec aliquid nihil. Si ergo fides Lutherana tendit in Deum trinum & vnum; sequitur Deum trinum & vnum esse nihil; cum Lutherana fides non tendat nisi in nihil, Et per consequens, non credat, nisi N I H I L.

Alte-

Altera conditio *Obiecti* Lutheranae fidei est; *IMPOS-*
SIBILE. Ex quo sequitur idem, quod antea: nempe
aut Lutheranos SS. Trinitatis mysterium non credere;
aut illos hoc mysterium pro *Impossibili* habere; quando-
quidem fides Lutherana, non nisi in Impossibile tendit;
idemque intellige dereliquis omnibus Lutheranae fidei
articulis, quos Lutherana fides non attingit, nisi ut *im-*
possibiles. Ex quo rursus confit; neminem Lutheranor-
um, Deum trinum & unum, Christum Incarnatum,
passum, crucifixum, &c. vitamque æternam amare;
quia nemo sani capitis amat *impossibile*. Nec eniti & elab-
orare possunt Lutherani, ut vitam æternam obtineant,
quia nullus, nisi fatuus, conatur id quod impossibile est,
assequi.

Tertia conditio *Obiecti* Lutheranae fidei est Absur-
dum. Etsi autem libenter fateor, Lutheranam fidem
plurima non tantum *absurda*; sed & *absurdissima* credere
(quid enim absurdius monstroso illo ubiquitatis por-
tentio?) quia tamen videri vult, quasi alia etiam credat,
ut *Deum Trinum & unum, Christum incarnatum, vitam*
æternam & similia; oportet, ut Lutherani, Deum trinū &
unum, &c. pro *absurdo* habeant; quia Deus trinus & vnus;
Christus incarnatus, &c. est fidei Lutheranae obiectum,
at obiectum huius fidei est absurdum. Habent ergo Lu-
therani hæc & alia omnia suæ fidei mysteria pro *absurdis*.
Jam ergo dexteras iungunt cum Turcis & Iudæis; qui-
bus itidem hæc talia nil aliud apparent, quam *NIHIL*,
IMPOSSIBILE, *ABSRDUM*.

Ne quis autem suspicetur, hæc tam ab omni ratione
abhorrētia excidisse Lutherō per ineircūspēctionē, cum
fortē plusculum vnā cum suis compotoribus sese inui-
tasset; en tibi eadem eodem loco repetit ac recinit,
non

non sine additamentis. Audi effata plusquam Apollinea.

I. *FIDES* (Lutherana) fertur in rem, quæ adhuc purum nihil est. Aut ergo fides Lutherana non fertur in Deum Trinum & vnum; aut Deus Trinus & vnus Lutheranis adhuc purum nihil est. Secundò, aut fides Lutherana non fertur in Christum Incarnatum, Redemptorem ac liberatorem, & vt ita loquar, iustificatorem nostrum; aut Christus Incarnatus & Redemptor noster Lutheranis adhuc purum nihil est.

II. *FIDES* est scientia & sapientia (paulò antea erat fides *Opinio*, nunc transformatur in scientiam & sapientiam) tenebrarum & nihilitudinis; Sunt igitur Lutheranae fidei obiecta tenebra & nihilitudo, hoc est, vt antea loquebatur Lutherus, purum nihil. Trinitas ergo & Incarnatio, & vita æterna, & huius classis alia, Lutheranis nihilitudo sunt, hoc est, purum nihil.

Alie scientia omnes, inquit Lutherus, docentur ex Syllogismis; non habent fundamenta aut Principia sua in eo, quod nihil est; ac præsertim non apparens, impossibile, absurdum, stultum; sed fides apprehendens promissionem figit cor in id, quod omnino est absurdum & impossibile.

Enquàm constanter ac assuecriter conditiones Obiecti, in quod Lutherana fides tendit, Lutherus assuecitat. En Lutherana fides sua principia habet in eo, quod nihil est, quod impossibile, quod absurdum, quod stultum. Qualis Isebici Euangelij & Euangelistæ fides?

Dicat quis: Lutherum nihil aliud voluisse, quàm obiectum fidei apparere Rationi Nihil, impossibile, absurdum. Respondeo in primis, verba Lutheri esse clara; nec egere interprete; Et hic obseruandam regulam ab ipso Luthero præscriptam in Iudicio contra Erasimū; verba

N

hostium

hostium contra illos interpretanda esse. Deinde nego, obiectum fidei Rationi apparere Nihil, impossibile, aut ut maioris Emphases gratia loquitur Lutherus, verè impossibile & absurdum; nam si obiectum fidei in hunc modum Rationi representaretur, illud respiceret; nec immerito; nam quis sceleretur aut sectandum amplectendumue censeat illud, quod est Nihil, nihilitudo, & verè impossibile? Quæro insuper, an quia res fidei sunt non apparentes, hoc est, non euidentes; ideo appellari debeant Nihil, Nihilitudo, verè impossibiles, absurda. Veritatis pronunciatum est: Ex abundantia cordis os loquitur: Nisi quæ Lutherus suis tradebat pro talibus habuisset, ea Nihil, Nihilitudinem, verè impossibilia & absurda nunquam nuncupasset. Quis enim non excretetur dicentem? Deum Trinum & vnum; vel Christum Incarnatum esse NIHIL, ESSE NIHILITUDINEM, Esse quid verè impossibile, esse absurdum. At Lutherus apertissimè hoc asserit, ut iam audiuius. Vbi erat illud Psal. 92. quando Lutherus hæc tam nauci & nihili; tam sibi & suis probrosa in chartas expuebat: Testimonia tua credibilia facta sunt nimis. Quæ sunt hæc Dei testimonia, nisi dogmata diuinitus mortalibus reuelata? Si sunt credibilia nimis; quomodo sunt Nihil, quomodo Nihilitudo, quomodo purum nihil, quomodo verè impossibilia? Certè Nihil & verè impossibile, adco non est credibile nimis, ut ne quidem sit credibile.

F I N I S





Errata.

P Ag. 6. vers. antepenult Origenis. 12. 23. tinnunt. 24. 1. debachationes
26. 9. responsurum. 27. 26. ὁλίγη 29. 23. manuum. 30. 23. intensius
31. 5. & nasci ex vtraque. 32. 14. diuinitus. 37. 7. ad eum. 40. 14. ut & hunc
44. vlt. somnium. 66. 25. Calum iuro 67. antepen. accidentibus 71. 16.
pulcherrime. 89. Ad hanc cœna 93. 17. plenumq; 96. 1. IMPOSSI-
BILE. 82. 10. qualis sit. 83. 17. νομίζουσιν. 87. 17. Cœna. 90. 5. Speusip-
pus. 94. 4. nosse. ibid. 26. absurdum. 95. 6. fallatur.

